

306

VI Կողմ-

2(075)  
G - 84

Рубин  
1915

2010

• 2010

37 0434  
1916 № 160  
ԵԶՆԻԿ ա. քահ. ԵՐԶՆԿԵԱՆՑ  
Կրօնուսոյց Թիֆլիսի առաջին իզմական գիմնազիոնի

# ԴԱՍՏԳԻՐՔ ԿՐՈՆԻ

ԵՐԿՐՈՐԴ ԳՐԲՈՅՑ

ՀԻՆ ՌԻԽՏԻ ՍՈՒՐԲ ՊԱՏՄՈՒԹԻՒՆԵՐ

Պետական դպրոցների առաջին դասարանի հայ աշակերտունների եւ աշակերտների համար:

ՎԵՅՏՐՈՐԴ ՏՊԱԳ-ՐՈՒԹՈՒՐ

ԴՐԱ Լ 30 կոչ.

ԹԻՖԼԻՍ  
2(075)  
6-84

ԹԻՖԼԻՍ  
արտն «Ճերմկո» Դրամֆոկայտ № 6  
1915

БИБЛИОТЕКА  
ИНСТИТУТА  
ВЕДОДЕНИЯ  
Академии наук  
СССР



ՀԱՐՄԱԿ  
ԵԶՆԻԿ ա. քահ. ԵՐԶՆԿԵԱՆՑ  
Կրօնուսոյց Թիֆլիսի առաջին իզական գիմնազիոնի

2(075)  
5-84

# ԴԱՍԱԳԻՐՔ ԿՐՈՆԻ

ԵՐԿՐՈՐԴ ԳՐԲՈՅՑ

ԲԻBLIOOTKA  
Института  
ВОДОЛЕДЕНИЯ  
Академии Наук  
СССР

ՀԻՆ ՈՒԽՏԻ ՍՈՒՐԲ ՊԱՏՇՈՒԹԻՒՆԵՐ

Պետական դպրոցների առաջին դասարանի հայ աշա-  
կերտունիների եւ աշակերտների համար:

ՀԻՆԳԵՐՈՐԴ ՏՊԱԳՐՈՒԹԻՒՆ



ԹԻՖԼԻՍ  
Տպագրություն ՀԱՅ Ապրիլ 15  
1915

## ԵՐԿՈՒ ԽԾԱԳ

Հնդկանրապէս նկատուած է, որ պետական դպրոցներում կրօնուսուցչի պաշտօն ստանձնող արժանապատիւ հայրերը հանդիպում են միծամեծ դժուարութիւնների՝ չունենալով մի յարմարաւոր ձեռնարկ այդ դպրոցների համար: Թէպէտ և կրօնի դասատւութեան համար կան լոյս տեսած բաւականին դասագրքեր, բայց նրանք իրանց ընդարձակ նիւթով և լայն ծաւալով, ոմանք մինչև անգամ իրանց գրաքարախանն լեզուով ու դարձուացքներով, անհամապատասխան են այդ դպրոցներին, ուր այդ առարկայի աւանդման համար սուղ ժամանակ է տուած և ուսանող սանիկների մի մասն էլ տկար է իր մայրենի լեզուի մէջ:

Երկար տարիների մեր ուսուցչական փորձերը պետական դպրոցներում բերին մեզ այն հաստատ համոզման, որ այդ դպրոցների կրօնի դասաւանդութեան համար անհրաժեշտ էր կազմել մի յատուկ դասագիրք, որի մէջ այդ առարկայի աւանդման համար որոշած ժամանակի չափը, աւանդելի նիւթն ու նրա ծաւալը նկատի առնուած լինէին և ամփոփ կերպով բովանդակէր ամենազլիսաւոր կրօնական գիտելիքները, որոնք անհրաժեշտ են ամեն մի հայ աշակերտի համար:

Զեռք զարկելով այս կարևոր գործին՝ մենք արդէն պատրաստել ենք պետական միջնակարգ իդական դպրոցների համար կրօնագիտութեան միջնորդանուր ձեռնարկ, որի մէջ բոլոր դասարաններում աւանդելի կրօնի նիւթերը — դասընթացները՝ տեղի, ժամանակի և սանիկների պատրաս-

5 04095-ար



36120-66

տութեան համաձայն՝ որոշուած—դասաւորուած են: Առաջին  
երեք գրքոյլներն արդէն լոյս են տեսել. հետզհետէ պիտի  
լոյս տեսնեն և հետեւելները:

Այս գրքոյկը յիշեալ դպրոցների առաջին դասարանի  
կրօնի նիւթը—դասընթացն է պարունակում:

Ներկայ աշխատութիւնը լաւ ընդունելութիւն գտաւ  
պաշտօնակիցներիս կողմից և ամենակարճ ժամանակում ի-  
րար յաջորդեցին մի քանի տպագրութիւններ: Դա լաւագոյն  
ապացոյցն է, որ մեր կազմած դասագիրքը համապատաս-  
խանում է իր նպատակին:

Այսօր լոյս է տեսնում երկրորդ գրքոյկը հինգերորդ  
տպագրութեամբ: Համոզուած ենք, որ նա նոյն ուշագրու-  
թեանը կարժանանայ մեր պաշտօնակից արժանապատիւ-  
հայրերից:

Եզնիկ ա. ք. Երզնկեանց



## ՄԱՍՆ ԱՌԱՋԻՆ

Հին ՈՒԽՏԻ ՍՈՒՐԲ ՊԵՏՐՈՒԹԻՒՆԵՐ

### № 1. ԱՇԽԱՐՀԻ ՍՏԵՂԾԱԳՈՐԾՈՒԹԻՒՆՆԵՐ

I. Աստուած սկզբում ստեղծեց երկինքն ու եր-  
կերը Բայց երկիրն էր աներևոյթ, անպատրաստ և  
խաւարով ծածկուած: Աստուծու Հոգին շըջում էր  
ջրերի վրայ:

Աստուած երկիրը պատրաստեց վեց օրում: Նա  
առաջին օրը ստեղծեց լոյսը: Երկրորդ օրը՝ տեսա-  
նելի երկինքը—հաստատութիւնը: Երրորդ օրը ջուրը  
հողից բաժանեց և հրամայեց հողին արտադրել բոյ-  
սեր: Չորրորդ օրը ստեղծեց արեգակը, լուսինն ու  
աստղերը: Հինգերորդ օրը՝ թռչուններն ու ձկները:  
Վեցերորդ օրը՝ չորքոտանի կենդանիները, սողուն-  
ները և մարդուն:

Եօթներորդ օրն Աստուած հանգստացաւ, այս-  
ինքն՝ էլ ոչինչ չստեղծեց: Սրա համար այդ օրը կոչ-  
ւում է շաբաթ, որ նշանակում է հանգստովծին: Աստուած օրհնեց և սրբեց այդ օրը և նա դարձաւ  
սուրբ օր՝ տօն մարդոց համար:

II. Ո՞վ ստեղծեց երկինքն ու երկիրը: Ի՞նչ դրութեան մէջ էր երկիրը: Նաներկայ կազմակերպութիւնը քանի օրում ստացաւ և ո՞ր օրը ի՞նչ ստեղծեց Աստուած: Եօթներորդ օրուայ համար Աստուած ի՞նչ հրամայեց: Ի՞նչ է նշանակում շաբաթ:

III. Այս պատմութիւնից մենք սովորում ենք. 1) որ Աստուած յալիտենական է, Նրան ոչ ոք չի ստեղծել, իսկ մնացեալ բոլոր բաները—արարածները սկիզբն են առել (գոյացել) Նրանից և ստեղծուել են ոչնչից միմիայն Նրա աստուածային խօսքով: 2) Նա ամենակարող է. ինչ որ կամենայ, կարող է անել: Աստուած ստեղծում է, իսկ մարդը շինում: Եյս պատճառով մենք դիմում ենք Նրան մեր նեղութեան և կարեների ժամանակ և խնդրում Նրա օգնութիւնը: 3) Նա ամենիմաստ է, որովհետեւ ի՞նչ որ ստեղծել է, բոլորն էլ իմաստութեամբ է ստեղծել և կարգադրել: Ուստի մեր աղօթքի մէջ պէտք է խնդրենք, որ մեզ իմաստութեան չնորհ տայ, որպէսզի մենք էլ մեր գործերը իմաստութեամբ կարգադրենք. 4) Նա ամենաքարի է. ինչ որ ստեղծել է, բարի է ստեղծել և այդ բարիքները տուել է մարդուն, որ նա վայելելով ինքն էլ բարիք անէ ուրիշներին: 5) Նա յատկացրել է մի օր—շաբաթ, մեզ համար կիւրակէ, և նշանակել է, որ ծառայենք իրան մեզ տուած բարիքների փոխարէն:

## № 2. ՄԱՐԴՈՒ ՍՏԵՂԾՈՒԻԼԸ

I. Աստուած մարդուն ստեղծեց հողից և փչեց ու տուեց Նրան անմահ հոգի: Նա տուեց մարդուն իր պատկերը և իր նմանութիւնը, այն է՝ անմահ հոգի և սրբութիւն և սորանով զանազանեց Նրան միւս արարածներից.

Յետոյ տեսաւ Աստուած, որ մարդը մենակ է և ստեղծեց Նրա համար օգնական: Նա առաջին մարդուն քնացրեց և Նրա կողքից մի ոսկոր հանեց ու

ստեղծեց Նրա համար ընկեր—կին: Առաջին մարդու անունն էր Աղամ, իսկ կնոջը՝ Եւա:

Աստուած առաջին մարդոց ընակեցրեց դրախտում և օրհնեց ու ասաց. «Անեցէք և բազմացէք, և լցրէք երկիրն ու տիրեցէք նրան»:

Աղամը տեսաւ դրախտի մէջ բոլոր կենդանիներին և իւրաքանչիւրին առանձին անուն տուեց:

Աստուած իր ստեղծածներին չթողեց անխնամ: Նա նախախնամում և պահպանում է նրանց իր հովանաւորութեան ներքոյ և ամեն բարի բանին էլ օգնում է:

II. Աստուած առաջին մարդու մարմինն ինչից ստեղծեց: Ո՞վ էր առաջի մարդու ընկերը և Աստուած ի՞նչպէս ստեղծեց նրան: Ի՞նչպէս էին կոչում առաջին մարդիկը: Աստուած ո՞ւր բնակեցրեց առաջին մարդոց և ի՞նչ օրհնութիւն տուեց նրանց: Աստուած իր ստեղծածներին թողեց արդեօք անխնամ:

III. Այս պատմութիւնից մենք սովորում ենք. 1) որ Աստուած մարդուն այն ձեռվ չի ստեղծում, ինչպէս միւս բոլոր արարածներին: Նա տալիս է մարդուն առաւելութիւններ և բարձր յատկութիւններ, օր. դատելու և բարին ու չարը հասկանալու կարողութիւն: 2) Աստծու պատկերը և նմանութիւնը յայտնում է մեր հոգեսր ընդունակութիւնների և կարողութիւնների մէջ: 3) Եւային՝ Աղամի ընկերոջը—ստեղծում է Նրա կողքից և այդպէս անելու պատճառն այն էր, որ մարդիկ միմեանց սիրեն ու օգնեն: 4) Աստուած մարդուն նշանակեց տէր և իշխան բոլոր արարածներին. տուեց Նրան ամենամեծ երանութիւնը և պարտաւորացրեց, որ ձանաչէ իրան, սիրէ և ծառայէ: Աստծուն ծառայել՝ նշանակում է վարուել ամեն բանում այնպէս ի՞նչպէս Նրա կամքն է: Եւ 5) Աստուած աշխարհս ստեղծելով

չթողեց նրան անխնամ. Նա իր բոլոր ստեղծածներին պահում-պահպանում է իր իշխանութեան ներքոյ և կառավարում: Այս պատճառով Նա կոչւում է Տէր, Երկնաւոր Թագաւոր, Ամենակարող եւ Նախախնամող:

### № 3. ԴՐԱԽԾԸ ԵՒ ԱՌԱՋԻՆ ՄԱՐԴՈՅՑ ԿԵԱՆՔԸ

I. Դրախտը մի հրաշալի պարտէզ էր, որ գտանւում էր Եղեմում—Երկրի արևելեան կողմը: Նրա միջով անցնում էին չորս գետ—Տիգրիս, Եփրատ, Փիսովս և Գեհովս: Այս պարտէզը զարդարուած էր ամեն տեսակ ծաղիկներով ու ծառերով: Ծառերը շատ գեղեցիկ էին և ունէին համեղ պառւղներ: Այստեղ կային թռչուններ և ամեն տեսակ կենդանիներ, որոնք հնագանդում էին մարդուն, ինչպէս իրանց տիրոջը: Աստուած տէր և իշխան նշանակեց Աղամին և պատուիրեց մշակել ու պահպանել այդ պարտէզը:

Աղամ և Եւա խաղաղ կեանք էին վարում դրախտի մէջ և երջանիկ էին: Աստուած ամեն բարիք արել էր նրանց և սպասում էր նրանցից հնագանդութիւն և պատուիրանապահովթիւն:

II. Ի՞նչ բան էր դրախտը և ո՞ր երկրութն էր գտանւում: Ի՞նչ գետեր էին հոսում նրա միջով: Մարդիկ և կենդանիները ի՞նչպէս էին ապրում միմեանց հետ: Աստուած Աղամին և Եւային ի՞նչ պատուէր տուեց պարտիզի համար և ի՞նչ էր սպասում նրանցից:

III. Այս պատմութիւնից մենք սովորում ենք. 1) Աստուած նախամարդերի բնակութեան համար տնկում, պատ-

րաստում է մի գեղեցիկ պարտէզ, լի ամենայն բարութեամբ և առատ ջրերով և զալինում է Հայաստանում, ուր գտնուում են այժմ էլ Տիգրիս և Եփրատ գետերը, ուրեմն մարդկութեան որբանը լինում է այդ երկիրը: 2) Աղամ և Եւա բախտաւոր էին դրախտում, այն է՝ հիւանդութիւն, տիրութիւն, ցաւ, տըրտմութիւն և մահ չունէին: Ո՞չ մի բանի կարիք չկար՝ ոչ կերակրի, ոչ շորերի և ոչ բնակարանի. ամեն բան պատրաստ էր: Նրանց սրտերը մաքուր և խիղճը հանգիստ էր. ոչ մի բան նրանց չէր վշտացնում ու վրդովում. ոչ մի բանի վրա նրանք աչք չունէին: Նրանք անմեղ էին: Նրանց մէջ նախանձ, ատելութիւն չկար:

### № 4. ՊԱՏՈՒԻՐԱՆԱՋԱՆՑՈՒԹԻՒՆԸ

I. Դրախտի մէջ երկու նշանաւոր ծառ կար. մինը կոչւում էր կենաց ծառ, իսկ միւսը բարին ու չարը իմանալու ծառ: Աստուած պատուիրեց Աղամին և Եւային դրախտի բոլոր ծառերի պտղից ուտել, բայց բարին ու չարը իմանալու ծառի պտղից չուտել, եթէ ոչ՝ մահով կմեռնեն:

Զար ոգին—օձը, նախանձեց նախամարդերի երշանկութեան վրայ: Նա մօտեցաւ Եւային և ասաց. «Ի՞նչու չէք ուտում այն ծառի պտղից, որ դրախտի մէջ է»: Եւան պատասխանեց.—Աստուած արգելեց մեզ և ասաց. «Եթէ ուտէք, կմեռնիք»:—Ո՞չ, ասաց օձը, գուք չէք մեռնիլ, այլ կբացուին ձեր աչքերը, գուք էլ Աստուածու նման կլինիք և կհասկանաք բարին ու չարը»: Եւան կասկածեց Աստուածու պատուիրանի վրայ: Նա չկարողացաւ համբերել և կերաւ: Յետոյ տուեց Աղամին և նա էլ կերաւ:

Այսպէս առաջին մարդիկ մեղանչեցին, որից

յետոյ առեն ինչ փոխուեց։ Նրանք զրկուեցան հոգեկան հանգստութիւնից—խիղճը տանջում էր նրանց։ Նրանք ամաչում, վախենում էին, և սկսեցին ծածկուիլ ու թագ կենալ։

Աստուած եկաւ դրախտը և պատժեց Աղամին և Եւային անհնազանդութեան համար։ Նա դուրս արեց նրանց դրախտից։ Այնուհետև Աղամ և Եւան սկսեցին պարապել հողագործութեամբ ու ապրել իրանց երեսի քրտինքով—աշխատանքով։

Աստուած Աղամին և Եւային թէև պատժեց, բայց չթողեց անմխիթար։ Նա խոստացաւ ուղարկել Փրկիչ, որ ազատէ նրանց սերունդը այդ մեղքից։

---

II. Ի՞նչ նշանաւոր ծառեր կային դրախտի մէջ և ի՞նչպէս էին կոչւում։ Աստուած ինչո՞ւ արգելեց բարին և չարը իմանալու ծառի պտղից չուտել։ Ո՞վ խարեց Եւային, Աստուած ի՞նչ պատիժ տուեց և ի՞նչպէս փոխուեց նրանց վիճակը։ Աստուած ի՞նչ խոստացաւ նրանց մխիթարելու համար։

---

III. Այս պատմութիւնից մենք սովորում ենք. 1) թէ ի՞նչպէս նախանձը, ատելութիւնը գրդում է յանցանք գործելու և ի՞նչ խարուսիկ յօյսերով նա մտնում է մարդու սիրտը և հրապոյրներով մօտեցնում է գործել տալու։ 2) Անհնաղանդութիւնը յանցանք է և միշտ մեծ զրկանքների է հասցնում մարդու։ Նա հասցնում է ագահութեան, մեծամտութեան և երախտամոռութեան, որի հետևանքը—դառն իրողութիւնը,—որ անուղղելի է, մարդ յետոյ է իմանում։ 3) Այլպիսի փորձանքներ կահանքի մէջ մեզ էլ կարող են պատահել։ Շատերը մեր ընկերներից և ծանօթներից կարող են կեղծ ու պատիր խօսքերով մօտենալ մեզ և բարեկամ ձևանալով։ Խարբել ու գցել մեզ զանազան տեսակ սխալմունքների մէջ, որի հետևանքը տիսուր ու վասակար կարող է լինել և մենք նախամարդերի նման կը զրկուենք մեր ունեցած

բարիքներից, առաքինութիւններից և մինչև անգամ բարի անունից։ 4) Ուրիշի ունեցածի վրայ չար աչք, չար նախանձ չպէտք է ունենանք մենք։ Ուրիշների բարիքները—յաջողութիւնը, հարստութիւնը, բարի անունը պէտք է մեզ ուրախացնեն և ոչ թէ տրտմեցնեն և մենք բարի նախանձով ու օրինակով պէտք է աշխատենք հասնել նրանց։ 5) Կեանքի մէջ նրանք, որոնք գոն չեն իրանց վիճակից և աշխատում են աւելի լաւ վիճակ ձեռք բերել ոչ-ներելի միջոցներով, յանցանք են գործում և պատժւում են։ Ո՞վ փոքր յանցանք է գործում, նա շուտով մեծն էլ կգործէ և ով փոքր չարիքը չի հանիլ սրտից, նա մեծն էլ կդժուարանայ հանել և նա, որ պատճառ է դառնում մէկի գայթակղութեան և հանում ուղիղ ճանապարհից, նա մեծ յանցանք գործողն է։

### № 5. ԱԴԱՄԻ ՈՐԴԻՔԸ

I. Աղամ և Եւա ունեցան երկու որդի՝ Կայէն եւ Աբէլ։ Կայէնը պարապում էր երկրագործութեամբ, իսկ Աբէլը՝ խաշնարածութեամբ։

Մի անգամ երկու եղբայրները գոն բերին Աստուծուն։ Կայէնն իր մշակած դաշտի պտուղներից, իսկ Աբէլը՝ իր խաշների անդրանիկ գառներից։ Բայց երկուսի սիրտը միատեսակ չէր։ Աբէլը մաքուր սըրտով էր մատուցանում, իսկ Կայէնը՝ նախանձու։ Այս պատճառով Աստուած ընդունեց Աբէլի զոհը, իսկ Կայէնինը—ոչ։ Այս բանի վրայ Կայէնը խիստ բարկացաւ և սկսեց տրտմել։ Նրա դէմքը փոխուեց։ Աստուած զգուշացրեց Կայէնին, բայց նա չլսեց և սրտից ոխը չհանեց և մի անգամ խարելով իր եղբօրը՝ տարաւ դաշտն ու սպանեց։

Աստուած հարցրեց Կայէնին. «Ո՞ւր է քո եղբայր Աբէլը։ Կայէնը փոխանակ զղալու՝ կոպիտ-

պատասխանեց. «Զգիտեմ, միթէ ես նրա պահապանն եմ»: Աստուած ասաց. «Քո եղբօր արիւնը բողոքում է. անիծած լինիս դու, հանգստութիւն չունենաս և թափառիս երկրիս վրայ»:

Այսուհետև Կայէնը հեռացաւ և գնաց ուրիշ երկիր. իսկ Աստուած Աղամին և Եւային մխիթարելու համար՝ տուեց մի ուրիշ որդի, որին անուանեցին Սէթ:

II. Աղամ և Եւա քանի որդի ունէին սկզբում: Ի՞նչ էին նրանց անունները և ի՞նչով էին պարապում: Սրաի կողմից ի՞նչպէս էին և իրանց հաւատն ու սէրը դէպի Աստուած ի՞նչ ձևով էին արտայայտում: Աստուած մում զո՞ը և աղօթքը ընդունեց: Կայէնի սրտում ի՞նչ չար զգացմունք—նախանձ ծագեց և ի՞նչ արեց Աբէլին: Աստուած ի՞նչ պատիժ տուեց Կայէնին և ի՞նչով մխիթարեց Աղամին ու Եւային:

III. Այս պատմութեան մէջ սարսափելի բան ենք տեսնում—եղբայրը սպանում է եղբօրը և ի՞նչու համար, որ Աստուած նրա աղօթքն ու զո՞ը չէ ընդունել: Սա առաջ է եկել նախանձից: Նախանձը մի այնպիսի արատ է, որ եթէ մի տեղ բուն դրեց, սկսում է հետզհետէ աճել և մեծանալով ու սաստկանալով հասցնում է մարդուն ինքնամոռացութեան, բարկութեան, վրէժինդրութեան և սպանութեան, մինչև անգամ իր եղբօրը: 2) Աստուած ամենապէտ է. Նրան յայտնի են մարդոց սրտերը: Նա ընդունում է միմիայն մարդու սրտերից աղօթքը: Կայէնը չար էր, նրա սիրտը նախանձով և ատելութեամբ լիքն էր, այն ի՞նչ Աբէլը բարի, խոնարի և հեզ էր, ունէր մաքուր սիրտ, հաւատ և սէր դէպի Աստուած: Սրա համար Աբէլի աղօթքն ու զո՞ը ընդունում է, իսկ Կայէնինը—ոչ: Կայէնը փոխանակ իր սիրտը մաքրելու, (որովհետև Աստուած Կայէնին էլ կսիրէր, եթէ նա էլ իր եղբօր պէս հեղ, բարեպաշտ լինէր և մաքուր սիրտ ունենար) — փոխանակ Աստծու զգուշացնող խօսքերը լսելու և ներու-

դութիւն խնդրելու, կոպիտ է պատասխանում և ձեռքը բարձրացնելով եղբօր վրայ՝ անտես է առնում նրա աղանձն և սպանում է նրան, սգի մէջ ձգելով իր ծնողներին: 3) Աստուած պատիժն իսկոյն հասնում է մեղաւորին—Կայէնին. Նրա խիղճը տանջում է նրան իր արած չար գործի համար և միտքը խանգարուած ու սրտի ցաւով ոչ մի տեղ դադար ու հանգիստ չէ գտնում: Նրա չար արարքը գիշեր ցերեկ մտքից և սրտից չէ հեռանում, նախատում է նրան, որ նա մարդասպան է—եղբայրասպան է: Նա երերեալ—տատանեալ շրջում էր երկրի վրայ: 4) Աստուած ողորմած և մարդասէր է, նա հարկանում է և բժշկում: Նա նեղութեան ժամանակ մխիթարում է իր հաւատացեալների սիրտը, որոնք հաւատով և յուսով դիմում են նրան և խնդրում Նրա ողորմութիւնն ու օգնութիւնը: Եւ այսպէս Աղամին և Եւային Աստուած մխիթարում է մի նոր որդի տալով:

### № 6. Ջ Ր Հ Ե Ղ Ե Ղ

I. Մարդիկ շատացան երկրիս վրայ և վատացան: Նրանք մոռացան ճշմարիտ Աստուածուն և սկսեցին վատ գործեր անել: Աստուած շատ համբերեց, բայց երբ տեսաւ, որ չեն ուղղուում, վճռեց պատժել նրանց ջրհեղեղով:

Այդ ժամանակ ապրում էր մի արդար և ճշմարիտ մարդ՝ Նոյ անունով: Նա ունէր երեք որդի, Սէմ, Քամ եւ Յաքէթ: Աստուած հրամայեց Նոյին մի տապան շինել, որի մէջ կարելի լինէր տեղաւորել իր ընտանիքն և այն կենդանիները, որոնք չեին կարող ապրել ջրի մէջ: Նոյը շինեց տապան և մտաւ նրա մէջ ինքն, իր կինը, երեք որդին և երեք հարսները: Նա վերցրեց իր հետ կենդանիներ և թռչուններ և մի տարուայ էլ ուտելու պաշար:

Երբ ամեն բան պատրաստ էր, եկաւ սաստիկ անձրև (ջրհեղեղ) քառասուն օր և քառասուն գիշեր շարունակ: Զուրը բարձրացաւ և ծածկեց բոլոր երկիրը: Մարդիկ, կենդանիներ և թռչուններ խեղդուեցան: Ազատուեցան միայն նրանք, որոնք տապանի մէջ էին: Հարիւր յիսուն օրից յետոյ փչեց սաստիկ քամի, ջուրը սկսեց իջնել և տապանը նստեց Արարատ (Մասիս) սարի գլխին:

Երբ երևեցան ջրի միջից սարերի կատարները, Նոյը դուրս թողեց տապանից մի ագուաւ, որ էլ չը վերադարձաւ: Եօթն օրից յետոյ թողեց մի աղաւնի: Աղաւնին նստելու տեղ չգտաւ և վերադարձաւ: Եօթն օրից յետոյ կրկին թողեց աղաւնի. նա վերադարձաւ և ունէր ձիթենի ճիւղ բերնում: Եօթն օրից յետոյ երրորդ անգամ արձակեց աղաւնուն, բայց նա էլ չվերադարձաւ: Այն ժամանակ Նոյը և նրա հետ եղողները իմացան, որ ջուրը ցամաքել է և դուրս եկան տապանից: Նոյը շնորհակալութեան զոհ բերեց Աստուած ընդունեց այս զոհը և խոստացաւ էլ չպատժել մարդոց ջրհեղեղով: Այս խոստացման նշանը ծիածանն էր, որ այս ժամանակ երևաց երկնքում:

II. Աստուած ինչու համար և ի՞նչպէս պատժեց մարդոց: Ո՞վեր ազատուեցան և ի՞նչպէս: Բացի Նոյի ընտանիքից էլի ի՞նչ բաներ ազատուեցան մահից: Քմնի օր տևեց ըից էլի ի՞նչ բաներ ազատուեցան մահից: Բացի Նոյի ընդունեց և ի՞նչպէս իմացաւ Նոյը ջրի ցամաքիլը: Տապանից էլի ի՞նչ արեց և Աստուած ի՞նչպէս ընդունեց նրա զոհը և ի՞նչ նշան տուեց իր խոստման կատարելու համար:

III. Այս պատմութիւնից մենք սովորում ենք. 1) որ Աստուած պատժում է մարդոց. բայց նա իսկոյն չէ պատժում, այլ գեռ երկար ժամանակ խրատում, զգուշացնում է և երբ նրանք չեն ուղղում, այն ժամանակ միայն պատժում է: Նա արդարներին պահպանում, ազատում է: 2) Վատ օրինակը փչացնում, վարակում է շատերին, եթէ նրա առաջը շուտ չէ առնելում և արմատախիլ չէ առնում: Այսպէս Կայէնի որդիքը և սերունդը վատ, չար և ապականուած էին. իսկ Սէթի որդիքն ու սերունդը բարեպաշտ և արդար: Մրանք մօտենում են միմեանց, խառնում են, սովորում են նրանցից վատութիւն, գործում են նրանց նման անօրէն—Աստուծուն հակառակ գործեր և պատժում: Այսպէս մի վատ երեխայ, մի վատ մարդ կարող է վատացնել, փչացնել մի քանի երեխաների, մարդկանց և հասարակութեան, եթէ իսկոյն չառնուի նրա առաջը: 3) Տեսնում ենք Նոյի և իր ընտանիքի երախտագիտական զգացմունքը—զոհ բերելը, շնորհակալութիւնը, և Աստուծու խոստումը այլևս ջրհեղեղով չպատժելու համար: 4) Տեսնում ենք նաև, որ չլսելը բարի խրատներին, բարի խօսքերին, բարի խորհրդին, մեծ սխալ է և վսաս է առաջ բերում: Եթէ մարդիկ լսէին Նոյի խրատներին և հեռանային վատ և չար գործերից, հարկաւ կազատուէին պատժից, որովհետև Աստուած պահպանում է իրան սիրողներին, իսկ պատժում է իրան ատողներին՝ որիշներին օրինակ տալու և զգուշացնելու նպատակով:

#### № 7. ԲԱԲԵԼՈՆԵԱՆ ԱՇՏԱՐԱԿԱՇԻՆՈՒԹԻՒՆԸ

I. Ջրհեղեղից յետոյ մարդիկ կրկին բազմացան Նոյի երեք որդիկերանցից: Նրանք ապրում էին միասին, կազմում էին մի ազգ և խօսում էին մի լեզուով: Ամեն մի ցեղի-ընտանիքի մէջ մեծը կոչւում էր Նահապետ, որ կառավարում էր տունը և փոքրերին սովորեցնում էր, թէ ի՞նչպէս պէտք է կեանք վարեն: Նա էր նոյնպէս Աստուծուն զոհ մատուցանում:

Երբ չար գործերն ու երկպառակութիւնները շատացան երկրիս վրայ, միքանի ցեղեր որոշեցին մի քաղաք շինել և նրա մէջ բարձրացնել մի աշտարակ, որի ծայրը հասնէր մինչև երկինք: Արանով նրանք կամենում էին մեծ անուն թողնել—փառք վաստակել և, եթէ մի անգամ էլ ջրհեղեղ լինի, կորողանան նրա մէջ պատսպարուել ու ազատուել:

Բայց այս ամբարտաւան խորհուրդը և անմիտ գործը հաճելի չէր Աստուծուն և Նա չթողեց, որ շինութիւնն աւարտուի: Նա խառնեց նրանց լեզունները, որ իրար չհասկանալով՝ թողին շինութիւնը կիսատուցրուեցին: Այն քաղաքը, ուր շինուեց աշտարակը, կոչուեց Բարելոն, որ նշանակում է խառնակութիւն, իսկ աշտարակ՝ Բարելոնի աշտարակաշինովթիւն:

Աշտարակաշինութիւնից յետոյ մարդիկ ցըռեցան երկրի զանազան կողմեր և մոռացան ճշմարիտ Աստուծուն: Նրանք սկսեցին երկրպագութիւն տալ արեգակին, լուսնին և աստղերին: Ապա շինեցին սակուց, արծաթից, փայտից աստուածներ և պաշտեցին ու զո՞ն մատուցին: Այսպիսի արձանները կուռք էին կոչում, նրանց մատուցած պաշտօնը՝ կուապաշտովթիւն, իսկ պաշտողները՝ կուապաշտ կամ հեթանոս:

II. Ջրհեղեղից յետոյ մարդիկ քանի ազգ էին կազմում և քանի լեզուով էին խօսում: Իւրաքանչիւր ընտանիքի մեծն ինչպէս էր կոչում և ինչ էր նրա պաշտօնը: Ի՞նչ պատճառով մարդիկ կամեցան աշտարակ շինել և ինչո՞ւ չաջողուեց: Ի՞նչպէս էր կոչում այն քաղաքը, ուր սկսել էին շինել աշտարակը: Աշտարակաշինութիւնից յետոյ մարդիկ ուր գնացին և նրանք պահեցին արդեօք ճշմարիտ Աստուածապաշտուցինը: Ի՞նչ աստուածների սկսեցին պաշտել: Ի՞նչպէս էին թիւնը: Ի՞նչ աստուածների սկսեցին պաշտել:

III. Այս պատմութիւնից մենք տեսնում ենք. 1) որ մարդիկ ջրհեղեղից յետոյ կրկին բազմանում են և վարում խաղաղ կեանք: Իւրաքանչիւր ընտանիք ունենում է իր նահապետը: Յետոյ ծագում է նրանց մէջ մի անբարտաւան միտք—տափարակ տեղում մի քաղաք շինել և նրա մէջ մի աշտարակ բարձրացնել: Աստուած արգելք է դնում այդ բանին և խառնում նրանց լեզուները: Նա արգելում է այդ բանը, որովհետև նրանց անբարտաւան և անմիտ խորհրդի մէջ նկատում է չար միտք, այն է՝ Աստուծուն հաւասարուել: Նրանք կամենում են հանել իրանց սրտից Աստուծու երկիւղը և սկիզբն առնել անօրէն և չար գործերի, որոնց համար գիտէին, որ Աստուած կպատժէ: Նրանք կարծում էին, թէ բարձրանալով աշտարակի վրայ, կարող են ազատուել: 2) Հարկաւոր է որևէ գործ կամ ձեռնարկութիւն սկսելուց առաջ քննել և Աստուծու հաճութիւն ու օրհնութիւնն ստանալ, այն է՝ արդեօք դէմ չէ նրա օրէնքներին, նրա կամքին. ապա սկսել գործը, որը միաժամանակ կարող յաջող վախճան ունենալ: Այդ պատճառով մենք ԽՍՀԻԿ ԻНՍՏՈՒՏԱ ՆԱԽՍԱԿԷՍ պէտք է աղօթենք և խնդրենք նրա օրհնութիւնն ու օգնութիւնը—մեր ձեռնարկութեան ժամանակ և ակադեմիա ԽՍՀ սկսենք, թէ առն թէ ուսումնարան և թէ բարեգործական ՍССР որևէ հաստատութիւն կանգնել կամ որևէ գործի ձեռնամուխ լինել: 3) Մենք տեսնում ենք, որ մարդիկ, որքան շատանում են, այնքան աւելի են վատանում և անմաքուր դառնում: Նրանք ամեն տեսակ չարութիւններ անելով, խաբելով, յափշտակելով, շույլութիւն և մարդասպանութիւն կատարելով, կարծում են, թէ այդ չարութիւններից կարող են արդարանալ, ազատուել կուռքերին ծառայելով և նրանց համար մարդիկ զո՞ն բերելով, առաւելապէս անսեղ մանուկներին:

Նրանց մեծ մասը սկսում են Աստուած համարել այն բաները, որոնք իրանց օգուտ կամ վլաս են տալիս: Նրանք երկնային մարմիններին և երկրի կենդանիներին աստուածային պատիւներ են տալիս և մինչև անգամ պաշտում են ծովը, երկրը, մարդիկ, կենդանիներն ու բոյսերը: Աստուածների մէջ ոմանց մեծ և ոմանց փոքր, ոմանց բարի



և ոմանց չար են համարում: Այս մոլորութիւնը հետզհետէ աւելի է տարածւում և մարդիկ դառնում են կուսպաշտներ, հեթանոսներ:

### № 8. ԱԲՐԱՀԱՄԸ ՏԵՂԱՓՈԽԻՈՒՄ Է ՔԱՆԱՆԱՅՈՅ ԵՐԿԻՐԸ

1. Երբ մարդիկ մոռացան ճշմարիտ Աստուծուն և կուռք էին պաշտում, այդ ժամանակ ապրում էր մի բարեպաշտ և արդար մարդ՝ Աբրահամ անունով: Նա Սէմի ցեղից էր և բնակւում էր Միջագետքի Խառն քաղաքում: Նրա հայրն ու բոլոր ազգականները նմանապէս մոռացել էին Աստուծուն և կուռք էին պաշտում: Միայն Աբրահամն էր պաշտում ճշմարիտ Աստուծուն:

Աստուած ընտրեց Աբրահամին, որ նրանով և նրա սերնդով պահպանուի ու տարածուի ճշմարիտ հաւատը և հաստատ մնայ յոյսը դէպի խոստացեալ Մեսսիան—Փրկիչը:

Մի անգամ Աստուած երեաց Աբրահամին և ասաց. «Թո՛ղ քո հայրենիքը, քո ազգականները, քո հայրենի տունը և գնա այն երկիրը, որը կըտամ քեզ. Ես կըբարձրացնեմ քո անունը և քեզանով պէտք է օրհնուին երկրի բոլոր ազգերը:»

Աբրահամը խոնարհութեամբ կատարեց Աստուծու հրամանը: Նա վեր առաւ իր կին Սառային, եղբօր որդի Պովտին—որոնք նոյնպէս հաւատում էին ճշմարիտ Աստուծուն. այլև իր ծառաներին, աղախիններին ու խաշնարածներին և Միջագետքի Խառն քաղաքից գնաց Աստուծու ցոյց տուած երկիրը, ուր բնակւում

էր Քանանու սերունդը և կոչում էր Քանանացոց երկիր:

Երբ հասաւ Սիւրէմ հովիտը, Աստուած կրկին երևաց նրան և ասաց. «Այս երկիրը Ես քո սերնդին պէտք է տամ»: Աբրահամը հաւատով ընդունեց Աստուծու խոստումը, թէև գեռ որդի չունէր: Աբրահամը սեղան շինեց, մատաղ արեց և Աստուծու անունը փառաբանեց:

Քանանացոց երկիրն իր գեղեցկութեան և պտղաբերութեան պատճառով համարւում էր այնպիսի երկիր, որից բղխում էր մեղք ու կաթ:

II. Երբ մարդիկ կռապաշտ դարձան, ում ընտրեց Աստուած ճշմարիտ հաւատի պահպանող և տարածող, Ո՞ւր էր բնակւում Աբրահամը և ի՞նչ էր պաշտում: Դարձեալ սկզբեր էին ճշմարիտ Աստուածպաշտներ: Ո՞ւր ուղարկեց Աստուած Աբրահամին և ի՞նչ խոստացաւ: Ո՞ւր բնակուեց նա և ի՞նչ պիսի երկիր էր:

III. Այս պատմութիւնից երեսում է. 1) որ Աստուած բարեպաշտ Աբրահամին հեռացնում է իր հայրենիքից և օտար երկիր է ուղարկում: Աբրահամի համար շատ ծանր էր թողնել իր հայրենիքը, տունը, տեղը, կալուածները, բարեկամները և բնակուիլ օտարութեան մէջ՝ անծանօթ երկրի—ժողովրդի մէջ, որովհետև այնտեղ ամեն ինչ նոր է, անծանօթ է, իրանը չէ: Բացի դրանից ճանապարհին նրան կարող են պատահելնեղութիւններ, դժբաղտութիւններ, զրկողութիւններևելքների կազմակերպում, անյաջողութիւնների կամ թէ նոր երկիրը կարող է անպաղաբեր լինել, իսկ նա այնտեղ բարեկամներ, ծանօթներ չունի, որ օգնեն: Սակայն Աբրահամը այնքան սիրում է Աստուծուն և հաւատում է նրա խօսքին, որ ամեն նեղու-

թիւն և զրկանք կրկիրով՝ յանձն է առնում գնալ իր նոր հայրենիքը, Աստուծու ասած տեղը—Քանանցոց երկիրը՝ միանգամայն հաւատալով, որ Աստուած իր բարեկամն է, Նա սիրում է Նրան, միշտ պաշտպանել է և կպաշտպանէ և թէ Նա ցոյց կը տայ, կառաջնորդէ իրան անվտանգ հասնելու նոր երկիրը: 2) Նա հաւատում է Աստուծու խօսքին, թէ այնտեղ մեծ յաջողութիւն կունենայ, Աստուած որդի կտայ, մեծ ազգ կը դարձնէ, նրա որդոց կտայ այն երկիրը: Նրա որդիքը կը բազմանան և նրա սերնդից կծնի խոստացեալ Փրկիչը: 3) Մենք տեսնում ենք Աբրահամի երախտագիտական զգացմունքը, որ շնորհակալութիւն է անում Քանանցոց երկիրը անվտանգ հասնելու և տեղացիներից սիրով ընդունելու համար: 4) Աստուած Աբրահամին օտար երկիր տարաւ, որ նա հեռու լինի իր վաս բարեկամներից և այնտեղ կարողանայ պաշտել իր հաւատը և հաստատ պահել, որովհետեւ օտարութեան մէջ առանձնացած՝ աւելի աշատ կարող էր սովորեցնել իր ընտանիքում աստուածապաշտութիւնը և ոչ ոք էլ նրան չէր խանգարիլ կազմելու իր որդիներից մի բարեպաշտ ոերունդ՝ ընտրեալ ժողովուրդ:

### № 9. ԱԲՐԱՀԱՄԸ ԵՒ ՂՈՎՏԸ ԻՐԱԼՐԻՑ ԲԱԺԱՆ- ԻՈՒՄ ԵՆ

I. Երբ Աբրահամը բնակւեց Քանանցոց երկրում, Ղովտը նրան բաւականին նեղութիւն պատճառեց: Աբրահամը նրան որդու պէս սիրում էր: Օտար երկրում նա էր նրա միակ ազգականը:

Աբրահամը և Ղովտը պարապում էին անասնապահութեամբ և տէր էին բազմաթիւ խաների: Արօտատեղերի համար երկուսի հովիւների մէջ յաճախ կոփւ էր ծագում: Այս պատճառով Աբրահամն ասաց Ղովտին: «Մենք ազգականներ ենք. լաւ չէ, որ մեր

մէջ անբաւականութիւն լինի: Ահա բոլոր երկիրը քո առաջն է, ընտրիր քեզ համար տեղ, որը քեզ հաճելի է և բաժանուիր ինձանից: Եթէ դու աջ կերթաս, ես ձախ կերթամ, եթէ դու ձախ կերթաս, ես աջ կերթամ»:

Ղովտն ընտրեց ջրերով հարուստ Յորդանան գետի հովիտը, որտեղ շինուած էին Սոգոմու Գոմոր քաղաքները: Այս երկիրը շատ գեղեցիկ և նման էր մի սիրուն պարտէզի, բայց բնակիչները չար էին: Աբրահամը բարեկամաբար բաժանուեց իր ազգականից: Ղովտը բնակուեց Սոգոմ քաղաքում, իսկ Աբրահամը մնաց Քերրոնում:

Աստուած երեաց Աբրահամին և ասաց. «Նայիր քո չորս կողմը, այս բոլոր երկիրը տալիս եմ քեզ և քո որդոցը մշտապէս: Ես կըբազմացնեմ քո զաւակներն՝ ինչպէս ծովի ափի աւազը»: Աբրահամը հաւատով ընդունեց Աստուծու խոստումն և իր վրանները թողեց Մամբրէի կաղնու մօտ (Քերրոնում):

I. Աբրահամին ով աւելի ցաւ պատճառեց Քանանցոց երկրում: Աբրահամն ի՞նչպէս էր սիրում Ղովտին: Ի՞նչ էր պատճառը նրանց անբաւականութեան և ով էր գլխաւոր շարժառիթը: Աբրահամն և Ղովտը ի՞նչպէս բաժանուեցան իշրարից և ով որ կողմն ընտրեց: Աստուած Աբրահամին ի՞նչ խոստացաւ:

III. Այս պատճառութիւնից մենք սովորում ենք. 1) որ Աբրահամը իր եղրօր որդի Ղովտին հօր մահուանից յետոյ վերցնում է իր մօտ և հօր պէս խնամք տանելով՝ պահպանում է ու մեծացնում: Նա իր հետ տանում է նրան Քանանցոց երկիրը, հեռացնելով կուպաշտ և չար բարեկամներից: Նրան մեծ հարստութեան տէր է դարձնում և բազգաւորա-

ցնում: Եւ այս ամէնի փոխարէն Ղովտը իր հոգեոր ծնողին բարեբարին վիշտ է պատճառում իր հովիւների պատճառով: 2) Աբրահամը մեծանոգութեամբ է վարւում Ղովտի հետ և չսայելով, որ այդ երկիրը Աստուած իրան էր խոստացել, ուստի և աւելի իրաւունք ունէր ընտրելու, որ կողմը ցանկանար: Նա մինչև անգամ կարող էր իրու մեծ, բարերար և երախտիք արած, պահանջել զիջանելու իրան, բայց նա այդ չէ անում: Նոյն իսկ արգարութիւնն և Ղովտի շահերը պահանջում էին, որ ասէր Աբրահամին, դու մեծ ես և աւելի փորձուած ու խելօթ, դու ինձ հօր պէս՝ մեծացրել ես, քեզ եմ պարտական իմ հարստութեամբ. դու իմ բարիքն ես միշտ կամեցել, դու ինձ համար վատ չես ուզել. ուստի դու ընտրիր ինձ համար, թէ ուր զնամ: Բայց դժբաղդապէս Ղովտը չարեց և շատ սխալուեց և շատ նեղութիւններ էլ կրեց: 3) Մենք պէտք է հետևենք Աբրահամի օրինակին և եթէ պատահի մեր մէջ վէճ, անբաւականութիւն կալուածքի, տեղի, հարստութեան համար, միշտ պէտք է Աբրահամինման զիջողաբար—քրիստոնէաբար վարուենք, աչքի առաջ ունենալով խաղաղութիւնն և գործի սիրով ու շուտով վերջաւութութիւնը, եթէ այդ բանը մեզ նիւթական վեաս էլ տալու լինի:

### № 10 ԱԲՐԱՀԱՄԸ ՍԶԱՏՈՒՄ Է ԳԵՐԻՆԵՐԻՆ

I. Ղովտը բաժանուեց Աբրահամից հանդիպեց մեծ ձախորդութեան: Հէնց այն տարին, երբ նա բնակուեց Սողոմում, օտար թագաւորներ յարձակուեցան այդ երկրի վրայ, Սողոմ ու գոմոր քաղաքներն աւերեցին, հարստութիւնները կովուտեցին և բնակիչներն էլ գերի տարան: Նրանց հետ գերի տարան և Ղովտին՝ իր բոլոր հարստութեամբ:

Երբ Աբրահամը լսեց, որ իր եղբօր որդի Ղովտը գերի է աարուած, իսկոյն հաւաքեց վր ծառաներին,

թուով երեք հարիւր տասն և ութ հոգի, օգնութեան կանչեց նաև իր դրացիներին և լնկնելով թշնամույետից՝ յարձակուեց նրա վրայ, յաղթեց, յետ դարձրեց և խլեց բոլոր գերիներին ու աւարը, նմանապէս Ղովտին իր ընտանիքով և հարստութեամբ:

Վերադառնալիս Աբրահամի առաջ գուրս եկան Սաղէմի թագաւոր Մելքիսեդէկը և Սողոմի թագաւորը: Մելքիսեդէկը հաց և զինի մօտ բերեց Աբրահամին և օրհնեց նրան: Այս Մելքիսեդէկը թագաւոր էր և Աստուծու քահանայ: Աբրահամը մեծ ուրախութեամբ ընդունեց նրա օրհնութիւնը և իր աւարից տասնորդ տուեց նրան. իսկ Սողոմի թագաւորն ասաց. «Ճուր ինձ միայն այն մարդիկը, որոնց ազատեցիր գերութիւնից, իսկ մնացեալը—աւարը վերցրոն քեզ համար», բայց Աբրահամը չվերցրեց և ոչ մի փոքրիկ բան:

II. Ո՞ւր բնակուեց Ղովտն Աբրահամից բաժանուելով: Ի՞նչպիսի մարդիկ էին բնակուում Սողոմ և Գոմոր քաղաքներում: Ի՞նչ նեղութիւն պատահեց Ղովտին և ովզ ազատեց նրան: Ո՞վ էր Մելքիսեդէկն և Աբրահամի առաջ ի՞նչ բերեց: Ի՞նչ տուեց Աբրահամը Մելքիսեդէկին: Ի՞նչ առաջարկեց Սողոմի թագաւորն Աբրահամին և ի՞նչպէս վարուեց Աբրահամը:

III. Այս պատճութիւնից մենք սովորում ենք. 1) որ Ղովտն իր բարերար Աբրահամին խորհուրդ չհարցնելով բնակութեան տեղի համար, անյաջող ընտրութիւն արեց և տուժեց: Նա բնակուելով չար և անօրէն մարդոց մէջ—Սողոմում, կրեց շատ նեղութիւններ, գերի տարուեց իր ընտանիքով և խաջներով, որից յետոյ նա նոր հասկացաւ, թէ սխալ է գործել, որ Աբրահամին խորհուրդ չէ հարցրել. 2) Աբրահամը, որ իրաւունք ունէր նեղանալու իր եղբօր-

ուղուց ասելով, որ նա արժանի է այդ պատժին — նա զարձեալ իբրև մարդասէր՝ օգնեց նրան և նրա հետ գերի ընկածներին և ազատեց նեղութիւնից: 3) Աբրահամի այդ բարի գործը — գերիներին ազատելը — շնորհակալութեամբ է ընդունում և թագաւորներից մէկը: — Մելքիսեդէկը — իբրև յարգանը և պատիւ հաց ու գինի է մատուցանում, իսկ Աբրահամը տալիս է նրան տասանորդ: Մելքիսեդէկը օրհնում է Աբրահամի կատարած բարի գործը և մարդարէանում է, որ հացը և գինին մեզ պէտք է տայ խոստացեալ Փրկիչը իր փոխարէն և նրանով ազատէ մեզ մեղքից: 4) Տեսնում ենք Աբրահամի անշահասիրութիւնը, որ երբ Սոդոմի թագաւոր Բաղակը առաջարկում է նրան վեր առնել աւարն իբրև վարձատրութիւն իր կրած նեղութեան համար, Աբրահամը բաց է ի բաց մերժում է ասելով, որ օգնութիւնը մեր նմանների կարիքի և նեղութեան ժամանակ՝ պէտք է լինի անվարձ, առանց ակնկալութեան, այլապէս նա առաքինութիւն չէ, նա բարութիւն չէ: 5) Այսպէս էլ, մենք տեսնելով Աբրահամի սէրը դէպի իր մերձաւորը և կլնդանի հաւատը դէպի Աստուած, Որը նրան բաջութեան և աներկիւլութեան ոգի է ներշնչում, — պէտք է նրա նման վարուենք մեր ընկերոջ, եղբօր, ազգականի, բարեկամի հարեանի և առհասարակ ամեն մի կարիք և նեղութիւն ունեցող մարդու հետ, որովհետև մենք ունենք մի երկնաւոր Հայր — Աստուած, մենք նրա որդիքն ենք, ուրեմն մենք եղայրներ ենք:

#### № 11. ԱՍՏՈՒԾՈՒ ԽՈՍՏՈՒՄԸ ԱԲՐԱՀԱՄԻՆ

I. Մի անգամ Աստուած երևաց Աբրահամին և ասաց. «Մի վախիր, Աբրահամ, Ես քո պահպանն եմ. Ես քեզ կը վարձատրեմ»: Աբրահամը պատասխանեց — Տէր, ի՞նչ պէտք է տաս ինձ, ես ծերացել եմ, մահս մօտ է. ես անորդի պէտք է մեռնեմ: Աստուած ասաց. «Դու անորդի չես մեռնիլ»:

Նա դուրս բերեց Աբրահամին գիշերը բացօթեայ տեղ և ասաց. «Նայիր դէպի երկինք և համարիր աստղերը, եթէ կարող ես: Այսպէս էլ անթիւ կլինի քո սերսւնդը». Աբրահամը հաւատաց Աստուծու ասածներին:

Այս բանից յետոյ մի անգամ Աբրահամը կէսօրին նստած էր Մամբրէի կաղնու մօտ իր վրանի առաջ և տեսաւ, որ երեք օտարական մարդ գալիս են հեռուից: Աբրահամը գնաց նրանց առաջ, երկրպագութիւն տուեց և խնդրեց, որ գան իր մօտ և փոքրինչ հանգստանան: Նա նրանց ոտքերը կլուանայ, ճաշ կուտեն և ապա կշարունակեն իրանց ճանապարհը: Օտարականներն ասացին, թող այդպէս լինի: Աբրահամը լուաց նրանց ոտքերը, լաւ ճաշ պատրաստեց և հիւրասիրեց: Օտարականներից մէկը աւետիք տուեց Աբրահամին, որ նրա կին Սառան որդի կունենայ: Ճաշը վերջացնելուց յետոյ օտարականները ճանապարհ ընկան դէպի Սոդոմ քաղաք, ուր բնակւում էր Ղովտը:

Երեկոյեան երկու հրեշտակները հասան Սոդոմ քաղաքը: Ղովտը նստած էր քաղաքի դրան. նա հիւրասիրեց նրանց: Հրեշտակները պատմեցին Սոդոմ և Թոմոր քաղաքների կործանման մասին և խորհուրդ տուին Ղովտին շուտով հեռանալ: Ղովտը հեռացաւ իր ընտանիքով և ազատուեց. իսկ Սոդոն և Գոմոր քաղաքների բնակիչները պատժուեցան — այրուեցան իրանց չարութեան համար:

II. Ի՞նչ Խոստացաւ Աստուած Աբրահամին և նա ի՞նչ պատասխանեց: Աստուած ի՞նչ ասաց Աբրահամին ժառանգի

մասին, Յետոյ ուր տարաւ նրան Աստուած և ինչ ասաց: Աստուած ինչ ձեռվ երկաց Մամբրէի կաղնու մօտ: Աբրահամն ինչպէս ընդունեց երեք օտարականներին. ինչ պատահեց Սոդոմ և Գոմոր քաղաքներին. ովքեր ազատուցան:

III. Այս պատմութիւնից մենք սովորում ենք. (1) որ Աբրահամը, թէև բաղդաւոր, հարուստ և ամենից յարգուած է, բայց ունի սրտի մէջ նեղութիւն, ցաւ: Այդ ցաւը նրա անորդի լինելն է: Նա ծերացել էր և ցանկանում էր ունենալ օրինաւոր ժառանգի իր մահանից յետոյ, որ իր հարստութիւնը ժառանգէ և իր ազգն ու յիշատակը պահպանուի: 1) Նա հաւատում է, որ Աստուած իր տուած խոստումը կը կատարէ, միայն համբերութիւն է հարկաւոր: Նա ամեն գիշեր դուրս գալով տանից և աստղերին նայելով յիշում էր Աստուծու խոստումն և ապագայ բաղդաւորութիւնը: Նա տեսնում է, որ ուշանում է Աստուծու խոստման կատարումը և ինքն էլ իր կնոջ հետ ձերանում է, այնուամենայնիւ նա դարձեալ հաւատում է, որ Աստուած իրան առանց յիշատակի՝ ժառանգի չի թողնիլ ինքը որդի կունենայ, որովհետև Աստուած ուխտ է դրել, դաշն է կապել, եթէ Աբրահամը միշտ այդպէս բարեպաշտ մնայ, ինչ էլ որ նրան պատահի, ուրախութիւն թէ տրտմութիւն և թէ միշտ այդպէս մեծ հաւատ ունենայ և խոստովանի, թէ աստուած ամեն բան տեսնում է, ամեն ինչ լսում է և թէ Աստուած է այդ ամենն ուղարկում, — այն ժամանակ նա միշտ նրա հետ կլինի, նրան կպաշտպանէ, կօրհնէ, անթիւ ժառանգներ կտայ և երկիրը նրան կընծայէ: 3) Տեսնում ենք, որ Աստուած իր խոստման կատարումն աւելի զօրացնում է և 24 տարի Քանանացոց երկրում անցնելուց յետոյ՝ երեսում է օտարականի տեսքով և հիւրասիրուում, ուր դարձեալ կըրկնում է իր խոստումը, թէ նրա կի՞ն Սառան ծերութեան ժամանակ կունենայ որդի: Աբրահամը հաւատում է: 3) Տեսնում ենք Աբրահամի մեծ հաւատը և նրա անսահման հպատակութիւնն ու հիւրասիրութիւնը, որ ամենայն սիրով զնում է օտարականների առաջ, առանց ճանաչելու նրանց

և ինդրում պատուել իրան, փոքր ինչ հանգստանալ իր վրանի առաջ, Աստուծու տուած ողորմութիւնից—բարիքներից վայելել—ճաշել և ապա շարունակել ճանապարհը: Նա երեսում է քաղաքավարի, հեղ և խոնարհ մարդ, լուանում է նրանց ոտքերը: Հին ժամանակ հիւրերի ոտքերը: լուանալը ընդունած էր և համարւում էր մեծ պատիւ, 5) Մենք պէտք է օրինակ վեր առնենք Աբրահամից և նրա չափ մեծ և հաստատ հաւատ ունենանք դէպի Աստուած թէ նա միշտ իր տուած խոստումը կատարում է և երբեք մեր սրտի մէջ չափաք է ունենանք երկրայութիւն, թերահաւատութիւն և կեղծութիւն, Նրա հրամանների, պատուիրանների և օրէնքների կատարելու վերաբերութեամբ:

#### № 12. ԻՍԱՀԱԿԻ ԾՆՈՒՆԴԻ ԵՒ ԶՈՀ ԲԵՐԵԼԸ

I. Աստուծու խոստումը կատարուեց: Աբրահամը հարիւր տարեկան ժամանակ որդի ունեցաւ, որին անուանեց ի ս ա հ ա կ: Իսահակը բարի և հնազանդ էր. Աբրահամը նրան շատ էր սիրում:

Երբ իսահակը մեծացաւ, Աստուած ասաց Աբրահամին. «Վեր առ քո միակ որդուն և բեր, մատաղ արա ինձ համար այն սարի վրայ, որ ես ցոյց կըտամ:

Միւս առաւօտ վաղ վերկացաւ Աբրահամը, համեսեց էշը և ողջակիզի համար փայտ պատրաստեց: Նա վեր առաւ երկու ծառայ, սուր, կրակ և իր սիրելի որդի իսահակին և գնաց Աստուծու ցոյց տուած տեղը—Մորէա սարը: Երբ Աբրահամը հեռուից տեսաւ սարը, ասաց ծառաներին. «Դուք այստեղ մնացէք և սպասեցէք մեզ: Ես և իմ որդին կերթանք դիմացի սարը, կաղօթենք և կըվերագառնաք»: Աբրահամն իսահակին բարձեց փայտը, ինքն առաւ սուրն ու կըրակը և գնացին: Ճանապարհին իսահակը հարցըեց.

«Հայր, մենք ունինք կը ակ, փայտ և սուր, բայց մւր է ողջակիզի ոչխարը»։ Աբրահամը սլատասխանեց. Աստուած ինքը կը պատրաստէ իր համար ողջակիզի ոչխարը՝ որդեակ։ Երբ բարձրացան սարը, Աբրահամը սեղան շինեց, դարսեց փայտերը և իսահակին կապեց նրա վրայ։ Յետոյ վեր առաւ սուրը և ձեռքը բարձրացրեց. որ մորթի, յանկարծ Աստուծու հրեշտակը ձայն տուեց նրան երկնքից. «Աբրահամ, մի դիպչիր տղային, գու Աստուածավախ մարդ ես և ինձ համար քո սիրելի որդուն չխնայեցիր»։ Աբրահամն իր շուրջը նայեց և տեսաւ, որ իրանից փոքր ինչ հեռու կախուած է ծառից մի ոչխար։ Նա ոչխարն իսահակի վոխարէն զոհեց Աստուծու համար։

Աբրահամը կը ին Աստուծու խոստումն ու օրհնութիւնն ստացաւ, թէ նրա զաւակները պէտք է շատացնէ և թէ նրա զաւակներից կը ծնուի աշխարհի փրկիչը։

II. Աստուած կատարեց արդեօք իր տուած խոստումն Աբրահամին։ Ի՞նչ անուն ստացաւ նրա որդին։ Ի՞նչպիսի որդի էր իսահակը։ Երբ իսահակը մեծացաւ, Աստուծած թնչն պատուիրեց Աբրահամին։ Աբրահամը կատարեց արդեօք Աստուծու հրամանը և մը գնաց։ Ճանապարհին հայրս որդին թնչ խօսակցութիւն ունեցան։ Աբրահամը՝ որոշուած սարի գլխին թնչ պատրաստեց զոհի համար։ Ի՞նչպէս վարուեց իսահակը և թնչ հետեանք ունեցաւ։

III. Այս պատմութիւնից մենք սովորում ենք. 1) որ Աբրահամի ուրախութեանը չափ չկայ որդի ունենալով, որովհետև նրա հաւատը իրականացաւ և յոյսն արդարացաւ. իսկ որդին էլ բարի, խոնարհ, հնազանդ և միսիթարիչ էր ծերութեան ժամանակ։ 2) Տեսնում ենք, որ Աստուած պատուիթեան ժամանակ։

զոհել, մատաղ անել։ Թէ դժուար, ծանը և միանգամայն անհասկանալի էր Աբրահամի համար Աստուծու պատուէրի կատարելը, որովհետև նա պիտի ապրէր, որ Աբրահամի սերունդը բազմանար, ինչպէս ծովի ափի աւաղը և երկնքի աստղերը և աշխարհի Փրկիչը նրանից պէտք է ծնուի, բայց և այնպէս Աբրահամը որքան և մտատանջութեան մէջ լինէր, որքան և հոգեկան անհանգստութիւն պատճառէր նրան, որքան և սիրէր որդուն, այնուամենայնիւ նա Աստուծու սէրը իր որդուց բարձր դասեց։ Թէ ինչ կը լինէր նրա ներքին հոգեկան զրութիւնը, այս մեղ ամենիս համար հասկանալի կը լինի, եթէ մենք Աբրահամի տեղը լինենք և զգանք նրա սրտի ցաւը։ Հեշտ է արդեօք, մարդ ինքն իր ձեռքով իր միակ որդուն սպանէ։ Ասելը հեշտ է, բայց կատարելը և՛ դժուար և անտանելի։ Ոչ ոք չի համաձայնիլ այդ անելու, որքան և Բարձրեալը պատուիրէր։ Բայց հաւատոյ հայր Աբրահամը պատրաստակամութիւն յայտնեց կատարելու Աստուծու պատուէրը։ Նա տարաւ իր որդուն զոհելու այն սարի վրայ, ուր միանգամ պիտի զոհուէր խոստացեալ Փրկիչը։ 3) Միւս կողմից պէտք է նկատել, որ Աստուած զոհի կարօտ չէ. Նա մաքուր սրտեր և բարի գործեր է սիրում ու կամենում։ Բայց մարդոց հաւատը փորձելու, հաստատելու և աւելի և ամրապնդելու համար. փորձութիւններ է տալի, որոնց մենք համբերութեամբ պէտք է տանենք և միշտ աղօթենք, որ օգնէ մեղ, որ մենք կաս չկը ենք, չթուլանանք և մեղքի մէջ ըլնկնենք։

### № 13. ԻՍԱՀԱԿԻ ՈՐԴԻՔԸ, ՅԱԿՈԲԻ ԵՐԱՋԸ

I. Աբրահամի մահից յետոյ իսահակն ստացաւ հայրական ժառանգութիւնը, Նա բայցի հարստութիւնից ստացաւ և Աստուծու խոստումը, թէ նրա զաւակից պէտք է ծնի աշխարհի Փրկիչը։

Իսահակն Աբրահամի նման խոնարհ և հաւատարիմ էր. Աստուած էլ սիրում էր Աբրահամի նման։

Իսահակն ունէր երկու որդի—Եսաւ և Յակովը։ Եսաւը տեսրով վայրենի, խստաբարոյ, թաւոտ և թեթևամիտ էր. իսկ Յակովը՝ գեղեցիկ, հանդարտ և խելօք։ Իսահակն իր մահից առաջ Աստուծու ազդեցութեամբ օրհնեց Յակովին։ Տուեց նրան անդրանկութեան իրաւունքը և ասաց, որ նա կըլինի Աստուծու ժողովրդի ցեղապետը և նրա զաւակից կըծնի աշխարհի Փրկիչը։

Եսաւը նախանձից ատեց իր եղբօրը և պատրաստ էր սպանել։ Յակովը իր մօր՝ Ռեքեկայի խորհրդով հեռացաւ հայրական տնից և գնաց Միջագետքի Խառնան քաղաքը իր մօրեղբօր՝ Լաբանի մօտ։ Առաջին գիշերը նա անցկացրեց անապատում բացօթեայ։ Նա տխուր էր և իրան համարում էր անօդնական։ Նա մի քար դրեց գլխի տակը ու քնեց, և տեսաւ երազում մի սանդուխտ, որի ծայրը համնում էր մինչև երկինք։ Հրեշտակները իջնում ու բարձրանում էին նրա վրայից, իսկ Աստուած վերել կանգնած՝ ասում էր, «Ես եմ Աբրահամի և Իսահակի Աստուածը. մի վախենար, այս երկիրը, որի վրայ դու պարկած ես, կըտամ քեզ և ըստ սերնդին։ Նրանք կըլինեն բազմաթիւ, ինչպէս ծովի աւազը և քեզանով ու քո զաւակով կօրհնուին երկրիս բոլոր ազգերը։»

Յակովը առաւտեան զոհ բերեց Աստուծուն. և այդ տեղն էլ անուանեց Բէթէլ, որ նշանակում է Աստուծու տուն։

Յակովը վստահ Աստուծու օգնութեան վրայ՝ հանգիստ և անվտանգ շարունակեց իր ճանապարհը և հասաւ Միջագետքի Խառնան բաղաքը—Լաբանի մօտ։ Լաբանը սիրով ընդունեց իր քրոջ որդուն և պահեց

իր մօտ։ Յակովը արածացնում էր Լաբանի խաշները։ Աստուծու խոստումը կատարուեց։ Յակովը քսան տարի մնաց միջագետքում, ամուսնացաւ և մեծ հարստութեան տէր դառնալով՝ վերադարձաւ ընտանիքով իր հայրենիքը։ Նա հաշտուեց Եսաւի հետ և բընակուեց հայրենի տանը՝ Քերբոնում։

Իսահակի մահից յետոյ Յակովը ժառանգեց հօրը, ստացաւ նրա հարստութիւնը և այն աւետումը, թէ նրա զաւակից պէտք է ծնի աշխարհի Փրկիչը։

II. Իսահակը հօր մահուանից յետոյ ի՞նչ ժառանգութիւն ստացաւ։ Նա քանի որդի ունէր և ի՞նչ էին նրանց անունները։ Ի՞նչ բնաւորութեան տէր էր Եսաւը և Իսահակի մահից յետոյ ով ստացաւ անդրանկութեան իրաւունքը։ Ո՞ւր գնաց Յակովը և ի՞նչ էր պատճառը։ Յակովը առաջին գիշերն ուր անցկացրեց։ Ի՞նչ երազ տհաւ և Աստուած ի՞նչ ստաց։ Յակորն այդ տեղին ի՞նչ անուն տուեց։ Քանի տարի մնաց Յակորը Լաբանի մօտ և ի՞նչով էր պարապում։ Քանի տարուց յետոյ վերադարձաւ. ուր բնակուեց նա և հօր մահից յետոյ ով ստացաւ անդրանկութեան իրաւունքը։

III. Այս պատմութիւնից մենք սովորում ենք. 1) Իսակն Աբրահամի մահից յետոյ ստանում է հօր ժառանգութիւնը և ունենում է երկու որդի։ Եսաւը մեծանում, դառնում է խստաբարոյ, վայրենի և թեթեամիտ մարդ։ Իսկ Յակովը լինում է մեղմ, խելօք և հանդարտ բնաւորութեան տէր։ Իսահակը սիրում է Եսաւին՝ Ռեքեկան (մայր) Յակորին, է միւնքոյն ատելութիւնը իւր ու ըոն անցնում է Եսաւի Յակորի մէջ։ Նրանք իրար ատում էին, այնպէս որ մի հօր որդիքը, մի յարկի տակ մի բան միւսին տալու համար վարձատրութիւն էին պահանջում։ 2) Տան կառավարութիւնը հօր մահուանից յետոյ ստանում էր անդրանիկ որդին, նա տէր էր լինում ամեն բանի, կառավարում, խրատու և այլն, իսկ փոքրը—ստանում էր միայն մի մասը, ուրեմն պէտք է, որ

անդրանիկը լինէր խելօք, որ տունը լաւ կառավարէր, որ տան պատիւը, անունը, յարատևութիւնը և յաջողութիւնը պահպանուէր: Այս պատճառով Աստուծու թելադրութեամբ անդրանիկութեան իրաւունքը ստանում է խելօք Յակոբը: 3) Նա Եսաւի վրէժխնդրութիւնից ազատւելու համար՝ իր ծնողների խորհրդով և օրհնութեամբ գնում է ուրիշ երկիր —Միջագետք—մօրեղբօր Լաբանի մօտ, մինչև Եսաւի բարկութիւնն անցնի: Ճանապարհին նա ստանում է Աստուծու օրհնութիւնը, որ Աստուծու նրա հետ կը լինի օտարութեան ժամանակ և կրկին կը վերադարձնէ և մեծ ազգ կը յարուցանէ նրանից:

Յակոբը քսան տարի մնում է Միջագետքում և դառնալով մեծ հարստութեան և բազմաթիւ ընտանիքի տէր՝ վերադառնում է իր հայրենի երկիրը, հաշտում է եղբօր հետ և այնուհետև սիրով ապրում են, որովհետև Եսաւի սրտից նախանձն և վրէժխնդրութեան ոգին վաղուց հեռացած է լինում: 4) Տեսնում ենք, որ աւանդական սովորութիւնը փոխում է և անդրանիկութեան օրհնութիւնը Դսահակը տալիս է ոչ մեծին, այլ կրտսերին՝ խելօքին:

#### № 14. ՅԱԿՈԲԻ ՈՐԴԻՔԸ

I. Յակոբն ունէր տասներկու որդի: Նրանց անուններն էին—Ռուրէն, Շմալոն, Ղեւի, Յուլա, Իսաքար, Զաքուլոն, Դան, Նեփթաղիմ: Գաղ, Ասեր, Յովսէի եւ Բենիամին: Տասը՝ առաջին կնոջից՝ Լիայից էին, իսկ երկուսը—Յովսէին ու Բենիամինը—Հովքէլից:

Յակովը տասն որդիքը յաճախ վշտացնում էին իրանց հօրը: Յովսէիը հեղ, բարի և հնազանդ էր և երբէք չէր վշտացնում հօրը: Այս պատճառով Յակոբը շատ էր սիրում և նրա համար գեղեցիկ շորեր կարում: Եղբայրներն այս առաւելութիւնը տեսնելով

սկսեցին նախանձել Յովսէին: Նրանց նախանձն ատելութեան փոխուեց, երբ Յովսէիը միամտաբար պատմեց իր տեսած երկու երազները: Առաջինն էր, իբր թէ եղբայրները դաշտում հունձ էին անում և որաներ կապում: Յովսէիի որան կանգնած էր, իսկ Եղբայրների որաները շուրջ էին առնում և երկըրպագութիւն տալի: Երկրորդ երազն էր, իբր թէ արեգակը, լուսինն և տասն ու մէկ աստղեր երկըրպագութիւն էին տալի նրան: Եղբայրներն ասացին. «Միթէ գու միտք ունիս մեծ լինել և իշխել մեզ»: Նըրանց ատելութիւնն աւելի սստկացաւ և վճռեցին սպանել Յովսէին: Բայց յետոյ մտածեցին և ծախեցին վաճառականների վրայ քսան դահեկանի: Իսկ նրա պատմուճանը պատառուեցին և մի ուլ մորթելով՝ արիւնաթաթախ արին և տարան հօր մօտ ու ասացին, թէ շար գազանը նրան պատառուել է: Յակոբը հաւատաց և երկար ժամանակ լաց էր լինում Յովսէիի համար:

Վաճառականները Յովսէին տարան Եգիպտոս և ծախեցին: Այնտեղ նա շատ նեղութիւններ կրեց: Նա ստրուկ էր մի քանի տարի մի նշանաւոր Եգիպտացու տանը: Այնտեղ նա անմեղ զրպարտուեց և բանտ նըստեց, ուր մնաց երկու տարի: Բայց Աստուծու Յովսէիի հետ էր և միշտ օգնում էր նրան:

Բանտի մէջ նստած էին Յովսէիի հետ երկու նշանաւոր մարդիկ—Եգիպտացիներ, մինը թագաւորի տակառապետն էր և միւսը մատակարարը: Մի անգամ նրանք տեսան զարմանալի երազներ և պատմեցին Յովսէիին:

Տակառապետը տեսել էր, իբր թէ խաղողի երեք

ողկոյզներից ճմլում էր հիւթ բաժակի մէջ և տալիս թագաւորին. իսկ մատակարարը տեսել էր, իբր թէ զլիի վրայ երեք խան ունէր զանազան կերակուրներով և թռչունները ուտում էին: Յովսէփին Աստուծու օգնութեամբ մեկնեց այս երազները: Տակառապետին ասաց, թէ երեք օրից յետոյ կստանայ իր պաշտօնը, իսկ մատակարարին—թէ նա երեք օրից յետոյ կըկախուի փայտից և թռչունները կուտեն նրա մարմինը: Կատարուեց բոլորը, ինչպէս Յովսէփը գուշակել էր:

II. Յակոբը քանի որդի ունէր և ինչ էին նրանց անունները: Ի՞նչպէս էին վարւում Յակոբի որդիները իրանց հօր հետ: Յակոբը նրանցից ո՞րին էր շատ սիրում և ի՞նչ էր պատճառը: Յովսէփին ի՞նչ երազներ տեսաւ: Ի՞նչ արին եղբայրները Յովսէփին և ի՞նչ ասացին իրանց հօրը: Ո՞ւր տարան վաճառականները Յովսէփին և ի՞նչ արին. Յովսէփին ի՞նչպէս ծառայեց եգիպտացու տանը: Ի՞նչ էր պատճառը նրան բանտարկելու: Ի՞նչ նշանաւոր մարդիկ կային բանտարկուած Յովսէփի հետ: Ի՞նչ երազներ էին տեսել նրանք և ի՞նչպէս մեկնեց Յովսէփը այն երազները:

III. Այս պատմութիւնից երեւում է 1) որ Յակոբը—հայրը մի տեսակ չէ սիրում իր որդոցը. նա տարբերութիւն է զնում նրանց մէջ. նա Յովսէփին աւելի է սիրում միւսներից և այդ սէրն արտաքին կերպով ցոյց է տալի, կարելով նրա համար գեղեցիկ շորեր: Յակոբի որդիները բացի Յովսէփից և Բենիամինից, որ փոքր էր, ինչպէս երեւում է արածներից՝ լինում են չար, ստախօս և նախանձոտ, այն ինչ Յովսէփը — բարի, խոնարհ, ճշմարտախօս և ծնողասէր: Նա չէ հաւանում եղբայրների արածը և հօրը պատմում է: Նրանց զայրոյթն առաւել ևս գրգուում է, երբ Յովսէփը միամտաբար պատմում է իր տեսած երազները, որից երեւում է, որ նա մեծ մարդ՝ իշխան է դառնալու և իշխելու

Ֆղբայրներին: Այս նախանձը վրէժխնդրութեան է հասնում և կամենում են նրան սպանել: Բայց յետոյ ծախում են, չլսելով նրա աղաչանքին ու պաղատանքին և հօրը խարում են, թէ գաղանները կերել են: 2) Տեսնում ենք, որ Աստուծած Յովսէփի հետ է լինում, նա իբրև հաւատարիմ ծառայ ծառյում է եգիպտացու տանը և չէ միանում եգիպտացունու չար խորհրդին ու չէ խարում նրա մարդուն: Թէկ այդ գովելի վարմունքի համար զրպարտում, բամբասում և անարդար կերպով կալանաւորում ու պատժւում է: Բայց ամենագէտ Աստուծած անմեղ զրպարտուած Յովսէփի հետ է լինում, պահպանում է նրան և բանտում: Նա սիրում է իր հաւատարմութեան և բարի սրտի համար բանտապետից, միւսներից աւելի է ազատութիւն վայելում և Աստուծու օգնութեամբ շնորհք է գտնում և երազները մեկնում, որոնք կատարւում են նրա մեկնութեան համեմատ: 3) Մենք էլ երազներ ենք տեսնում և շատ անգամ տեսնում ենք այն, ինչ ցերեկը մեզ հետ պատահում է, բայց Աստուծած իր կամքն ու իր անելիքն երբեմն տեսիլներով էլ էր յայտնում:

### № 15. ՅՈՎՍԷՓԻ ՓԱՌԵՔԸ

Երկու տարի անցնելուց յետոյ՝ Եգիպտոսի թագաւորը—Փարաւոնն էլ տեսաւ երազներ: Նա տեսաւ, որ եօթն պարարտ կովեր գուրս եկան նեղոս գետից և սկսեցին արածել: Յետոյ գուրս եկան եօթը նիհար կովեր: Նիհար կովերը կերան պարարտ կովերին: Փարաւոնը զարթեցաւ և նորից քնեց: Նա դարձեալ երազ տեսաւ, որ եօթը լիք հասկեր գուրս եկան, յետոյ եօթը դատարկ հասկեր: Դատարկ հասկերը կերան լիք հասկերին: Փարաւոնը զարթեցաւ և առաւտեան կանչել տուեց բոլոր իմաստուններին և երազագէտներին, բայց ոչ ոք չկարողացաւ մեկնել նրա երազները:

Այն ժամանակ տակառապետը, որ մի ժամանակ նստած էր Յովսէփի հետ բանտում, յիշեց Յովսէփին։ Նրան բերին թագաւորի մօտ. թագաւորը պատմեց իւր երազները և Յովսէփը մեկնեց. «Աստուած յայտնել է թագաւորին, ինչ որ պէտք է անի։ Սրանից յետոյ, ասաց Յովսէփը—կդան եօթն առաս տարիներ, իսկ յետոյ—եօթը սով տարիներ։ Այժմ հարկաւոր է, որ թագաւորը պատրաստութիւններ տեսնի, ընտրի մի խելացի մարդ և կառավարիչ նշանակէ, որ պաղաբեր տարիներում պատրաստութիւն տեսնի և ցորեն ժողովի սով տարիների համար»։ Թագաւորը շատ հաւանեց և ասաց Յովսէփին. «Քեզանից աւելի իմաստուն և խելօք մարդ չունիմ։ Աստուած իր կամքը քեզ է յայտնել, ուրեմն դու կլինես այդ մարդը»։ Նա նշանակեց Յովսէփին բոլոր Եգիպտոսի կառավարիչ և յանձնեց նրան ցորենի պատրաստութիւն տեսնել սով տարիների համար։ Յովսէփն այդ ժամանակ երեսուն տարեկան էր։ Սա թագաւորի հրամանով շտեմարաններ շինեց և առատ տարիներին ժողովեց այնքան ցորեն, ինչքան հարկաւոր էր սով տարիների համար, մինչև անգամ կարելի էր վաճառել օտար երկրների մարդոց վրայ։

II. Քանի տարի անցնելուց յետոյ Փարաւոնը երազ տեսաւ և ի՞նչ էին նրա երազները։ Ո՞վ մեկնեց և ի՞նչպէս թուաց Փարաւոնին այդ մեկնութիւնները։ Փարաւոնն ի՞նչ կարգադրութիւն արեց և ում նշանակեց կառավարիչ։ Յովսէփն ի՞նչ պատրաստութիւններ տեսաւ սովի համար։

III. Այս պատմութիւնից մենք սովորում ենք. 1) որ Աստուած իբրև երկնաւոր հայր, հոգում է ժողովրդի հա-

մար և յայտնում է երազներով թագաւորին, որ հօր պէս պարտականութիւն ունի նրանց մասին մտածել. հոգալ և պատրաստութիւններ տեսնել ապագայի համար։ Նա այդ քանի համար ընտրում է և ցոյց տալի մի այնպիսի արժանաւոր գործին նուիրուող մարդ, որը ճշմարիտ Աստուածուն է պաշտում և կեանքի մէջ փորձանաց և թշուառութեանց դպրոցից միշտ յաջող է անցել և կարող է իր վրայ գրած պարտականութիւնները սրբութեամբ կատարել։ Նրան տալիս է չնորհը, երազներ մեկնելու կարողութիւն և երկիրը սովից ազատելու միջոց—հնարք։ 2) Տեսնում ենք Յովսէփի մէջ թշուառութեան ժամանակ համբերութիւն, հեղութիւն, հաւատարմութիւն և հաստատ հաւատ դէպի Աստուած և որ գլխաւորն է, Նրա երկիւղը սրտի մէջ պահած, որ իմաստութեան սկիզբն է, որը յաջողութեամբ անցնելով կեանքի փորձանաց դպրոցը, արժանանում է այն մեծ պատուին, պաշտօնին, որի համար երկար տարիներ պատրաստուած է լինում և բարձր գնահատում թագաւորից։ Համբերութեան արդիւնքն է, որ ծառային, ստրուկին, աղքատին, թշուառին կարող է դարձնել տէր, իշխան, հարուստ և ամենին սիրելի։ Ով համբերէ մինչև վերջը, նա կապրի և մարդ համբերութեամբ կստանայ այն, որին ձգտում է հասնել, ունենալ։ 3) Մենք այս պատմութիւնից կարող ենք հետեցնել, որ մենք ևս ունենալով մեր գործերի մէջ Յովսէփի նման համբերութիւն, տոկունութիւն, հաւատարմութիւն և հաստատ հաւատ դէպի Աստուած և Նրա երկիւղը պահելով մեր սրտի մէջ, կարող ենք հեշտութեամբ տանել սոլոր նեղութիւնները, խոչնդուսները և Յովսէփի նման յաղթելով նրանց, հասնել, արժանանալ ուրախութեան, բաղդաւորութեան, մեր նպատակին։ «Արմատ ուսման դառն է, բայց պտուղ նորա քաղցր»։ Այս բանը մենք իրական կեանքում յաճախ տեսնում ենք. նա, ով նեղութեան և ձախորդութեան համբերութեամբ է տանում, նրա վերջը միշտ լինում է լաւ։ Մարդոց կեանքի մէջ միշտ յաջողութիւն, բաղցրութիւն չի լինում, նրան կից է դառնութիւն, անյաջողութիւն և աղքատութիւն։ Մարդ պէտք է սովորի համբերութեամբ և սիր-

րով տանել, աչքի առաջ ունենալով, որ Աստուած վերջն ուրախութեան է փոխարինում.

## Հ 16. ՅԱԿՈԲԻ ՈՐԴՈՅՑ ԵԳԻՊՏՈՍ ԳՆԱԼԸ, ՅԱԿՈԲԻ ՏԵՂԱՓՈԽՈՒԹԻՒՆԸ ԵԳԻՊՏՈՍ

I. Եօթն առատ տարիներն անցնելուց յետոյ՝ եկան եօթը սով տարիները։ Յովսէփը բաց արեց շտեմարանների դռներն և հաց էր բաժանում ու ծախում

Սովը հասաւ Քանանացոց երկիրը, ուր ապրում էին Յակոբն ու նորա որդիքը։ Յակոբը լսեց, որ Եգիպտոսում ցորեն են վաճառում, ուղարկեց իր որդիներին այնտեղ՝ ցորին գնելու։ Նրանք եկան Եգիպտոս, ներկայացան կառավարչին—Յովսէփին և խոնարհ Երկրագեցին։ Յովսէփը ճանաչեց նրանց և յիշեց իր երազները, բայց նրանք չճանաչեցին, որովհետև Յովսէփը փոխուել էր և նրանց հետ խօսում էր թարգմանի միջոցով։

Յովսէփը կամեցաւ իմանալ, արդեօք իր Եղբայրները փոխուել, ուղղութեան, թէ ոչ. ուստի սկսեց նրանց հետ խիստ լեզուով խօսել և վարուել։ Նա նըրանց լրտեսներ անուանեց և շատ նեղութիւններ, տուեց, մինչև որ նրանք իրանց գործած յանցանքը ճշմարտապէս խոստովանեցին ու զղացին։ Յետոյ Յովսէփը յայտնեց, թէ նա իրանց Եղբայրն է, Եղբայրները շատ վախեցան և կարծեցին, թէ նա վրէժինդիր կըլինի, բայց նա հանգստացրեց, որ ոչինչ վնաս չի տալ։ Ապա ուղարկեց յայտնել Յակոբին, որ Եգիպտոսի իշխանն նրա որդի Յովսէփն է։

Յակոբը շատ ուրախացաւ, որ Յովսէփը կենդա-

նի է։ Նա Աստուածու հաճութեամբ տեղափոխուեց իր ամբողջ ընտանիքով Եգիպտոս և Փարաւոնի հրամանով բնակուեց Գեսեն երկրում։

Այնուհետև Յակոբը բախտաւոր կեանք վարեց Եգիպտոսում 17 տարի և մահուանից առաջ օրհնեց իր որդիներին և թոռներին։ Նա Յուդային առանձնապէս օրհնեց և տուեց նրան անդրանկութեան իրաւունքն ու ամետիքը։ Յակոբը մեռաւ և թաղուեց Քանանացոց երկրում Աբրահամի և իսահակի մօտ։ Յովսէփն էլ Երկար տարիներ ապրեց Եգիպտոսում և սիրով խնամք տարաւ իւ Եղբայրներին։ Նա մեռնելուց առաջ մարդագարէացաւ, որ Աստուած կրկին կըդարձնէ Իսրայէլացիներին Քանանացոց երկիրը և կտակեց վերադարձին տանել իր ոսկորները։ Յովսէփը մեռաւ և թաղուեց Եգիպտոսում։

II. Ո՞րքան ժամանակ առատութիւն եղաւ Եգիպտոսում և ո՞րքան ժամանակ՝ սով։ Բացի Եգիպտոսից գարձեալ մը երկրում սով ընկաւ։ Յակոբը հացի համար իր որդոց մւր ուղարկեց։ Նրանք մւմ ներկայացան և ինչ նեղութիւններ կրեցին։ Յովսէփն ինչո՞ւ նրանց հետ այդպէս վարուեց։ Եղբայրներն, երբ խոստովանեցին իրանց յանցանքը՝ Յովսէփն ինչպէս վարուեց և ինչ պատուիրեց։ Յակոբն մւր գնաց ընակութեան համար և ինչ տեղ ստացաւ։ Յակոբը քանի տարի ապրեց Եգիպտոսում և ինչպիսի կեանք վարեց։ Մեռնելուց առաջ մւմ տուեց Յակոբն անդրանկութեան իրաւունքը։ Ո՞ւր թաղուեցան Յակոբն ու Յովսէփը։ Ի՞նչ էր Յովսէփի մարդարէութիւնը։

III. Այս պատմութիւնից մենք սովորում ենք. 1) որ թագաւորի երազները, ինչպէս Յովսէփը մեկնեց, կատարում են և լինում է առատութիւն և ապա՝ սով։ Յակոբն ուղարկում է իր որդոց ցորեն գնելու։ 2) Եղբայրները գնում են Եգիպտոս—օտար երկիր, ներկայանում են և երկրպա-

գում իշխանին - իրանց եղբօրը, բայց նրան չեն ճանաչում: Յովսէփը ճանաչում է նրանց և յիշում է իր երազները, բայց չէ յայտնուում: Յովսէփը փորձում է իր եղբայրներին. թէ արդեօք նրանց կոշտ, կոպիտ և անխիղճ սրտերն ուղղուել են՝ թէ ոչ, որի պատճառով այնքան ցաւ պատճառեցին իրանց հօրը և այնքան նեղութիւն իրանց եղբօրը: Նա սկզբում նրանց հետ խիստ է խօսում և գանազան նեղութիւններ պատճառում, մինչև որ իրանց կատարած չարութիւնները և յանցանքները խոստովանում են ու զզջում, հետեապէս և ուղղուում, որ երկում է նրանց կարեկցելովն իրանց հօրը. և եղբօրը, որ չեն ուղղում նեղութիւն, տըրտմութիւն պատճառել և իրանց կեանքը փոքր եղբօր համար կամենում են զոհել, այն ինչ առաջ ուշադրութիւն չէին գարձնում: Յովսէփը վեհանձնաբար ներում է եղբայրներին իր գէմ գործած չարութիւններն և անյիշաչար է գտնուում: Նա կարող էր իր կրած նեղութիւնների և չարչարանքների համար, որոնց պատճառը նրանք էին—պատժել նրանց բայց չէ անում, այլ ընդհակառակը բարիք է անում և սովորինների ժամանակ հաց, կերակուր, շոր և բոլոր հարկաւոր մարմնաւոր պիտոյքները հոգում: 4) Մենք կեանքի մէջ այդպիսի երևոյթներ շատ ենք տեսնում, բայց քչերն են Յովսէփի նման վեհանձնաբար վարում և անյիշաչար լինում: Այսպէս պէտք է վարուենք մենք և ներողամիտ լինինք դէպի մեր թշնամինները և մեզ համար վատ ուղղուերը: Այսպէս է պահանջում Քրիստոնէութիւնը և այսպէս վարուելով, բացի օգտից, ոչինչ վնաս չենք կարող կրել և ունենալ: Մեր արած այդպիսի բարութհամբ ամօթահար կանենք նրանց և շատ անգամ ուղղութեան կրերենք:

№ 17. Մովսէսի ծնուհեֆը, կրթուհիինը, ՓԱԽՈՒՍՏԸ ԵՒ ԱՆԿԵՉ ՄՈՐԵՆԻՆ

I. Յովսէփի մահից յետոյ նրա ցեղը բազմացաւ Եգիպտոսում և յառաջացաւ մի ազգ, որ կոչում էր

Խորայէլացի և Եղբայիցի: Նա բաժանւում էր տասներկու ցեղերի՝ Յակոբի տասներկու որդոց թուով:

Եգիպտոսի փարաւոն կոչուած թագաւորները տեսնելով սակաւ ժամանակի ընթացքում իսրայէլացիների բազմանալը և կասկածելով նրանց հաւատարմութեան վրայ, սկսեցին ծանր աշխատութիւններով նեղացնել նրանց, որ էլ չբազմանան: Խոկ փարաւոններից մէկը մինչև անգամ հրամայեց սպանել նորածին արու զաւակներին: Խորայէլացիների վիճակը շատ դառն էր: Նրանք դարձան դէպի Աստուած և խնդրեցին նրա ողորմութիւնը:

Աստուած ողորմած է: Նա լսեց իր ժողովրդի ձայնը—աղօթքը և տուեց ազատիչ:

Մովսէսը ծնաւ Ղեիի ցեղից: Նրա մայրը սկըզբում երեք ամիս ծածուկ պահեց, որ չսպանեն եգիպտացիները. Բայց երբ այլևս հնար չեղաւ ծածկել, դրեց կպրածիթով ծեփած մի կողովում և ձգեց գետի ափի մօտ խաղաղ կանգնած ջրի մէջ, ուր փարաւոնի աղջիկը սովորութիւն ունէր զբօսունուլ ուլողանալ:

Թագաւորի աղջիկը տեսաւ կողովը և հրամայեց հանել ջրից: Նա որդեգրեց երեխային և անուանեց նրան Մովսէս, որ նշանակում է ջրիցը հանած: Մովսէսը մեծացաւ և կրթուեց թագաւորական տան մէջ: Նա սովորեց Եգիպտոսի բոլոր գիտութիւններն ու իմաստութիւնը: Տէր եղաւ մեծ հարստութեան և յարգանք էր վայելում ամենից: Բայց նրան այս բախտաւորութիւնը չէր ուրախացնում: Նա գիտէր իր ծագումը, տեսնում էր իր ցեղակից ժողովրդի նեղութիւնները և ցանկանում էր օգնել նրան:

Մի անգամ Մովսէսը տեսաւ, որ մի Եգիպտացի

անողորմ կերպով ծեծում է մի իսրայէլացու։ Նա պաշտպանեց իսրայէլացուն և սպանեց եղիպտացուն։ Այս բանը յայտնւեց փարաւոնին և Մովսէսը փախաւ Արաբիա՝ Մադիամացոց երկիրն ու ազատուեց։ Նա մի բարեպաշտ քուրմի տանը մնաց քառասուն տարի և արածացնում էր նրա խաջների հօտը։ Բայց դարձեալ նա մտածում էր իսրայէլացիների մասին, ցաւում էր նրանց դառն վիճակի վրայ և երբեմն յուսահատուած կարծում էր, թէ նեղութիւնը կոչնչացնէ բոլորովին այդ ժողովրդին։

Այս մտածմունքների մէջ մի անգամ Քորէք սարի վրայ խաջները արածացնելիս՝ տեսաւ մի մորենի, որ փառում էր, բայց չէր վնասւում։ Նա մօտեցաւ և լսեց այնտեղից ձայն. «Ես եմ քո հայրերի Աստուածը... Ես տեսնում եմ իմ ժողովրդի նեղութիւնները Եղիպտասում։ Նրանց աղաղակը հասաւ ինձ... Ես կամենում եմ ազատել նրանց։ Գնա դու փարաւոնի մօտ և իմ ժողովուրդը դուրս բեր Եղիպտասից»։ Աստուած Մովսէսին հրաշքներ անելու և պատժելու զօրութիւն—իրաւունք էլ տուեց։

Մովսէսը գնաց իր եղբայր Ահարօնի հետ Եղիպտոս, Ներկայացաւ փարաւոնին և Աստուածու տուածնշաններով ու պատիմներով ստիպեց նրան կատարել Աստուածու հրամանը և թոյլ տալ իսրայէլացիներին դուրս գնալ Եղիպտոսից։

II. Յովսէփի մահից յետոյ իսրայէլացիներն քանի ցեղերի էին բաժանւում, Եղիպտոսի փարաւոնները ի՞նչ կասկածներ ունեցան իսրայէլացիների վրայ և ի՞նչ միջոցներ գործ դրեն նրանց բազմանալու առաջն առնելու համար։ Աստուած ուժը պատրաստեց նրանց համար ազատացութեանութեան։

Ի՞նչ էր նրա անունը և ի՞նչպէս ազատուեց նա մահից։ Մովսէսը ի՞նչպիսի կրթութիւն ստացաւ, ուր էր բնակւում և ի՞նչ էր նրա փախչելու պատճառը։ Ո՞ւր գնաց Մովսէս և ի՞նչով էր պարապում այնտեղ։ Աստուած հրտեղ երկաց Մովսէսին, ի՞նչ պատուէր և զօրութիւն տուեց նրան Եղիպտոսու ուղարկելիս։

III. Այս պատմութիւնից մենք շատ բան ենք սովորում։ 1) որ Յովսէփի մահից յետոյ իսրայէլացիներն Աստուածու խոստման համաձայն արագ շատանում են Եղիպտոսում և 430 տարուայ ընթացքում նրանց թիւը հասնում է վեց հարիւր հազարի։ Նրանք բազմանալով Եղիպտոսում վատանում են, այն է՝ մոռանում են իրանց պապերից մնացած կրօնի զեղեցիկ սովորութիւնները, թուլանում են հայրենի կրօնի մէջ և չեն կատարում Աստուածու պատուիրանները, ոմանք մինչեւ անգամ կուռք են պաշտում։ 2) Փարաւոնները սկզբում քաղցր աչքով են նայում Յակոբի սերնդի վրայ, որովհետև Յովսէփը լաւութիւն էր արել Եղիպտոսի ժողովրդին—սովից ազատել էր, բայց յետոյ տեսնելով նրա բազմանալը, երկիւղ են կրում և նրան վտանդաւոր տարր ճանաչում։ Նրանք մտածում են, որ իսրայէլացիները մի առանձին ազգ կազմելով և ունենալով իրանց մայրենի լեզուն, կրօնը և սովորութիւնները—կարող են, եթէ ոչ առանձնապէս՝ գէթ միանալով նրանց դրացի թշնամիների հետ վնասել, ուստի սկսում են անտանելի տանջանքներ, ծանր աշխատանքներ և նեղութիւններ տալ, որպէսզի տկարանան, հիւանդանան և մեռնին և մինչեւ անգամ տմարդաբար հրամայում են նորածին արու զաւակներին սպանել և այսպիսով նրանց բազմանալու առաջն առնել։ 3) Նեղութեան ժամանակն է առհասարակ մարդ իր սխալները հասկանում և զղջում։ Իսպայէլացիները լաց էին լինում, հառաչում և ասում, որ Աստուած նրանց մոռացել է, իսկ հասկացողները պնդում էին, թէ Աստուած է ուղարկում այս նեղութիւնները, որ զգուշանանք և պահենք այն, ինչ որ նա պատրիբել է։ Այսպիսի զառն խոստովանութեան

հետ աղօթում և խնդրում էին Աստուծու ողորմութիւնն ու օգութիւնը: Աստուած անյիշաչար է և ողորմած, Նա միշտ օգնում է նրանց, որոնք գիմում են Նրան հաւատով և յուսով: 4) Աստուած տալիս է իսրայէլացիներին աղատիչ—Մովսէսին, որի մայրը կաթի հետ ներշնչել էր նրա մէջ իր ցեղակիցների գառն վիճակը և նեղութիւնները Եգիպտոսում Փարաւոնների ձեռքից: Թէկ Մովսէս ստացաւ եգիպտական գիտութիւնն ու իմաստութիւնը, բայց նրանք չկարողացան փոխել նրան և նա զոհեց պալատական կեանք, հանգստութիւն, վիառք, ծառաներ և պաշտպան հանդիսացաւ զրկուածին, նեղացածին, թշուառին, անօգնականին: Նա թողեց ամեն ինչ և օտարութեան դառն նեղութիւնները կը եց: Արդարն Մովսէսի լաւ կրթութիւնից էր, որ մեծամիտ և արհամարող չէր իր աղքատ, նեղացած և անկիրթ հայրենաց կեցներին: Մովսէսի լաւ կրթութեանը պէտք է վերագրել և այն, որ նա հաստատ պահեց իր հաւատը և երջանկութեան մէջ չմոռացաւ իր թշուառ եղբայրներին: Եգիպտական պալատում ապրող, կեանք վարող մարդու համար քարձը էին համարւում իր ազգակիցները, քան թէ փառքը, պատիւը և մեծութիւնը: 5) Նա հալածում է Եգիպտուսից, բայց և այնպէս նրա սիրու օտարութեան ժամանակն էլ բարախում է իր ցեղակիցների համար: Նա Յոթորի խաշները արածելով միշտ մտարերում էր նրանց կը ըստ չարչանքները և երբեմն յուսահատութեան մէջ ընկնելով, երրանքները և կրում, որ նրանք կարող են անհետանալ, ոչնչանալ կերպ է կրում, որ նրանք կարող են անհետանալ, ոչնչանալ եգիպտոսում: Թէկ յայտնի է և այն որ օտարութեան մէջ նեղութեան շնորհիւ թէ մարդիկ և թէ ազգեր իրանց սիսաւները խոստովանում են և աշխատում են ուղղել: Աստուած իրան սիրողներին դաստիարակում է նեղութեան ձեռքով բարութեան համար: 6) Երեսում է Աստուծու ողորմութիւնն բարութեան համար: 7) Երեսում է Աստուծու ողորմութիւնն ու սէրը գէպի իր ընտրեալ ժողովուրդը, որ յիշելով իւր ուխտը նրա նախահայրերի հետ, կամենում է աղատել այդ նեղութիւնից:

№ 18. ԶԱՏԻԿ: ԵԳԻՊՏՈՍԻՑ ԴՐԻԲՍ ԳԱԼԲ ԵՒ ԿԱՐՄԻՐ ԾՈՎՆ ԱՆՑՆԵԼԸ

1. Վերջին պատժից առաջ Աստուած պատրաստեց իսրայէլացիներին Եգիպտոսից գուրս գալու համար: Նա հրամայեց Մովսէսին յայտնել ժողովրդին, որ իւրաքանչիւր տուն մի գառը զոհէ, և նրա արիւնով սրսկէ իր տան դրան սեմերն ու ճակատը: Եւ ասաց, որ այդ գառը պէտք է խորովեն և ուտեն բաղարձ հացով ու եղեգով և պատրաստ լինին դուրս գալու համար: Բացի այդ՝ ընթթվքը պէտք է ուտեն կանգնած, ճանապարհի շորերով, կօշիկները հագին և գաւազանը ձեռքին, որովհետեւ սա տիրոջ Զատիկլը կամ Պասեցն է: Մովսէսը նմանապէս յայտնեց, որ Աստուած կը պատժէ Եգիպտացիներին:

Իսրայէլացիները պատրաստուեցին, ինչպէս պատուիրելէր Մովսէսը և երբ ուտում էին զատկական գառը, կէս գիշերին յանկարծ տարածուեց սարսափէլի լաց ու կոծ ամբողջ Եգիպտոսում: Սատակիչ հրեշտակն արդէն սպանել էր Եգիպտացոց բոլոր անդրանիկներին: Այն ինչ իսրայէլացիների տներում մահուան ոչ մի գէպը չէր պատահել: Փարաւոնը և եգիպտացիները սարսափահար եղած այս պատժից, խընդրեցին իսրայէլացիներին շուտով հեռանալ:

Իսրայէլացիները, որ Եգիպտոս էին գնացել 75 հոգով և 430 տարուայ ընթացքում բազմացել՝ դարձել էին 600,000<sup>1</sup> առանց հաշուելու կանանց ու երեխաներին, իսկոյն դուրս եկան Եգիպտոսից և ճանապարհ ընկան: Նրանք վերցրին Յովսէփի ոսկորները: Աստուած ինքն էր առաջնորդում նրանց դէպի Աւե-

տեաց երկիրը՝ ցերեկը ամպեղէն, իսկ գիշերը հրեղէն սիւնով։

Եգիպտացիները թաղելով իրանց մեռածներին՝ ափսոսացին, որ թողին իսրայէլացիներին։ Փարաւոնը զօրքով ընկաւ նրանց յետևից և հասաւ կարմիր ծովի ափին։ Մովսէս Աստուծու հրամանով գաւազանը խը-փեց ջրին, ծովը բաժանեց երկու մասի և իսրայէ-լացիներն անվաս անցան միւս ափը։ Եգիպտացիներն էլ սկսեցին հետևել, բայց աստուած պատժեց նրանց՝ խեղդելով ջրի մէջ։

Այնուհետև իսրայէլացիները շարունակեցին Ա-րաբիայի անապատներով իրանց ճանապարհը դէպի Աւետեաց երկիրը։ Նրանք շատ նեղութիւնների հան-դիպեցին, բայց Աստուած օգնում էր նրանց ամեն բանում։ Նա երկնքից հաց—մանանայ տուեց և քա-րից ջուր բղխեցրեց։

Այդ ժամանակից սկսած իսրայէլացիներն ամեն տարի տօնում են Եգիպտոսից դուրս գալու օրը՝ իբրև յիշատակ իրանց ազատութեան։ Նրանք զոհում են գառը և ուտաւմ են բաղարջ հաց։ Այս տօնը կոչում գառը և ուտաւմ է զարդարած հաց։ Այս տօնը կոչում է Պատիկ, որ նշանակում է անզը կամ Պատիկ, իսկ անզը կամ ազատութիւն և կատարում է եօթն օր շարունակ։

---

II. Աստուած Ի՞նչ պատուիրեց Մովսէսին վերջի պատ-ժից առաջ։ Ի՞նչ պատրաստութիւններ տեսան իսրայէլացի-ներն Եգիպտոսից դուրս գալուց առաջ։ Ի՞նչ էր վերջին պատիկը։ Իսրայէլացիներն քանի տարի մնացին Եգիպտո-պատիկը։ Նրանք քանի հոգով դուրս եկան այնտեղից։ Ի՞նչ սում։ Նրանք քանի հոգով դուրս եկան այնտեղից։ Վերցրին իրանց հետ։ Ի՞նչ բանն էր առաջնորդում նրանց։ Վերցրին իրանց անցան իսրայէլացիները կարմիր ծովը և Ի՞նչ պա-ինչպէս անցան իսրայէլացիներին կարմիր ծովը և կարմիր տանեց Փարաւոնին իր զօրքով։ Ի՞նչ ճանապարհով սկսեցին գնալ իսրայէլացիները դէպի Աւետեաց երկիրը, Ի՞նչ նե-

գութիւններ կրեցին նրանք, ի՞նչպէս և ի՞նչ օգնութիւններ հասցըց Աստուած նրանց։

---

III. Այս պատմութիւնից մենք սովորում ենք. 1) Աս-տուած յիշում է իր տուած խօսքը Յակոբին՝ Եգիպտոս գնալու ժամանակ և կատարում է։ Նա կրկին արժանաց-նում է իսրայէլացիներին իրանց նախնի երկրին, ուր մեղք և կաթ էր բղխում։ Հայրենիքը քաղցր է։ 2) Աստուած ամեն արգելք վերացնում է այդ նպատակին հասնելու հա-մար։ Նա հրաշքներով հասկացնում է Եգիպտացիներին, որ իր կամքն անդառնալի է և ամենքը պէտք է հնազանդուին նրան։ Նա պատրաստում է իսրայէլացիներին ճանապար-հորդութեան համար և Մովսէսին ղեկավար է նշանակում։ Նա ազատում է պատժից իր սիրելիներին-և դնում է Մե-սիայի ձեռքով պազար ազատութեան—Զատկի հիմքը՝ գառն, եղէքն և բաղարջ հաց պատրաստել տալով։ 3) Նա կարմիր ծովից անվտանգ անց է կացնում։ Նա բարից ջուր և երկնքից հաց (մանանայ) է տալիս Նա ազատում է ամեն վտանգներից։ Եւ այս բոլորի փոխարէն տեսնում ենք ապե-քախտ, խստապարանոց, անհամբեր և ամեն մի հասարակ բանի համար տրանջող ժողովուրդ։ Նրանք մոռանում են, որ գերութիւնից ազատում են և արժանանում իրանց երկ-րին, ուր կարող են ազատ ազլել՝ հեռու բոլոր այն տան-ջանքներից ու նեղութիւններից, որ կրում էին Եգիպտո-սում։ Իսկ մի այսպիսի գժուար գործի համար հարկաւ նե-ղութիւններ պէտք է կրէին, ուրեմն և պէտք է համբերու-թեամբ տանէին։ Միւս կողմից նկատելի է, որ Աստուած ողորմած և գթած է, Նա ներում է իր ժողովրդի կատարած սխալները և արած ապերախտութիւնները.

---

№ 19. ՍինԱՅԻ ՕՐԵՆՍՏԻՈՒԹԻՒՆԸ ԵՒ ՎԿԱՅՈՒԹԵԱՆ ԽՈՐԱՆԸ

I. Իսրայէլացիներն Եգիպտոսից դուրս գալով՝ մի ամիս ու կէս ժամանակամիջոցում հասան Սինա սարը։ Այստեղ նրանք թողին իրանց վրանները—բանակ ձգեցին։

Մովսէսն Աստուծու կողմից խօսեց ժողովրդի հետ, յիշեցրեց նրանց նրա արած բարիքներն և աւելացրեց. «Եթէ դուք լսէք Աստուծու ձայնը և պահէք նրա ուխտը, դուք կըլինէք նրա ընտրեալ և սիրելի ժողովուրդը», ժողովուրդը խոստացաւ լսել և կատարել, ինչ որ Աստուած կըհրամայէ։

Յիսներորդ օրը սարսափելի որոտումներ եղան և կայծակներ փայլատակեցան։ Սինա սարը ծածկուեց թանձր մառախուղով։ Նա ծխում էր, բոցեր էր արձակում և շարժում։ Սրա հետ լսում էին և փողերի ուժին ձայներ։ Ժողովուրդը սարսափած և դողալով կանգնած էր սարի ստորոտում, որի գագաթին կատարում էր այդ։ Ապա ամեն ինչ հանդարտուեց և Աստուած խօսեց ու տուեց պատուիրաններ։

I. Ես եմ քո Տէր Աստուածը, ուրիշ Աստուածներ չունենաս, բացի ինձանից։

II. Կուռք չըշինես ոչ մի բանի նման... Երկը-պագութիւն չտաս և չպաշտես նրան։

III. Քո Աստուծու անունը սնոտի բանի վրայ չյիշես։

IV. Յիշիր սուրբ պահել շաբաթ օրը. վեց օր գործիր, եօթներորդ օրը նուիրիր քո Տէր Աստուծուն։

V. Պատուիր քո հօրն ու մօրը, որ քեզ բարի լինի և երկար կեանք ունենաս երկիր վրայ։

VI. Մի սպանիր։

VII. Մի շնար։

VIII. Մի գողանար։

XI. Մի սուտ վկայիր քո ընկերոջ մասին։

X. Քո ընկերոջ տան վրայ աչք մի ունենար, և ոչ այն բաների, ինչ որ նրան է պատկանում։

Աստուծու ձայնը դադարեց։ Ժողովուրդը վերադառն իր վրանները, իսկ Մովսէսը բարձրացաւ սարը և բառասուն օր մնալով այնտեղ, ստացաւ այդ պատուիրանները՝ գրած երկու քարեղէն տախտակների վրայ։ Նա ստացաւ և շատ օրէնքներ աստուածպաշտութեան և ծէսերի վերաբերեալ։ Մովսէսն Աստուծու հրամանով շինեց թանկագին կտորներից մի առանձին վրան, որ կոչումէր վկայութեան խորան։ Այդ խորանը բաժանուած էր երեք մասի։ Առաջին մասը կոչւում էր սրբութիւն սրբոց։ Երկորդը՝ սրբութիւն։ Իսկ երրորդը գաւիթ։ Մովսէսն Աստուծու հրամանով վկայութան խորանի համար նշանակեց պաշտօնեաններ և աստուածապաշտութեան համար պաշտամունքեր։ Ահարոնը դարձաւ քահանայապետ և նրա որդիիքը քահանաներ։ իսկ Ղեկ ցեղը կարգւեց խորանի սպասաւորութեան պաշտօնեաններ։ Նա որոշեց և նրանց համար հասոյթներ (տասանորդ)։

Π. Ո՞ւր բանակ ձգեցին իսրայէլացիները. Մովսէս ինչ խօսեց Աստուծու կողմից. Ի՞նչ պատահեց Սինա սարի վրայ։ Աստուած ինչ օրէնքներ տուեց և ինչ բանի վրայ էին գըրուած։ Մովսէսն էլ ինչ օրէնքներ ստացաւ. ինչից էր շինուած վկայութեան խորանը և քանի մտսի էր բաժանւած։ Ո՞ր ցեղը նշանակուեց վկայութեան խորանի ծառայութեան համար և ինչ հասոյթներ որոշւեց նրանց համար։

III. Այս պատմութիւնից մենք սովորում ենք. 1) Աստուած իսրայէլացիներին գրաւոր օրէնքներ է տալիս, որովհետև նրանք չգիտէին և չէին հասկանում, թէ ի՞նչպէս դատեն, ի՞նչը իրաւացի է և ի՞նչն անիրաւ ի՞նչ բան իրաւունք ունէին անելու և ի՞նչ ոչ: Եւ Աստուած այդ անում է, որպէսզի ամեն մէկը իր կամքի համաձայն չգործէ ուշիշի իրաւունքին չդիպչի, վասս չտայ: Որովհետև նրանց մէջ արդէն նկատում էին վէճ, կույտ, խաբերայութիւն, յափշտակութիւն, սպանութիւն, որովհետև նրանք Աստուծուն թողած՝ կուռքերին էին երկրպագութիւն տալի, որովհետև նրա անունը և նրա անուան նուիրաւծ տօնը չէին կատարում իրանց նախնեաց պէս և ծնողներին հարկաւոր յարգանքներ չէին տալի: 2) Մենք գիտենք և այն, ուր ամենքն այն են անում. ինչ որ Աստուծու կամքն է, այնտեղ լինում է կանոն և խաղաղութիւն է թագաւորում: Այստեղ լինում է բարեկարգ ժողովուրդ, այնտեղ մարդիկ սիրով և եղայրաբար են ապրում: 3) Աստուած իր պատուէրները տարոց առաջ, պատուիրում է պատրաստուիլ, մաքրուիլ, որովհետև նա պէտք է խօսէ նրանց հետ, ուրեմն պէտք է ակնածիլ, այդ օրը սուրբ օր է. հետեապէս և մարդ պէտք է ներքուստ և արտաքուստ մաքրուիլ ինչի Աստուծու պատուիրանները լսելու համար: 4) Մենք տեսնում ենք, որ ժողովուրդը ուրախանում է և խոստանում Աստուծու պատուիրանները կատարել: Սրանով դաշն է կապւում Աստուծու և մարդոց մէջ: Աստուած խոստանում է սիրել նրանց, նրանք էլ խոստանում են հնազանդ լինել: Մի կողմից սէր, միւս կողմից հնազանդութիւն: Ահա դաշնքի պայմանները: Եգիպտոսից դուրս գալը Աստուծոյ սիրոյ արդիւնքն է զէպի մարդիկ: 5) Մենք տեսնում ենք, որ այդ պատուիրանները գրւում են քարեայ տախտակների վրայ, որ շուտով չփչան, այլ երկար մնան և իսրայէլացիները չմոռանան ապագայում: Բայց աւելի լաւ կլինէր, եթէ իսրայէլացիները գրէին իրանց սրտի մարմնեղէն տախտակների վրայ և միշտ ականջ դնէին: 7) Մենք հաւատում ենք, որ Աստուծու պատուիրանները կատարող մարդիկ լինում են առաքինի, բա-

րի և երկարակեաց: Նրանց խիզճը հանդարտ և հանգիստ է լինում՝ հեռու հոգեկան և նիւթական զրկանքներից: Այդ պատուիրանները կատարելով միայն՝ մարդ դառնում է Աստուծու պատուիր և նմանութիւն: 7) Մենք գիտենք, որ Աստուծուն սիրելը, ծառայելը լինում է հոգով և արտաքին նշաններով: Մովսէսը դրա համար շինում է վկայութեան խորան, ուր կատարւում է Աստուծածպաշտութիւնը և որի ժամանակ մարդիկ ծառայում են և Աստուծու խօսքը լսում ու տարածում:

#### № 20. ԻՍՐԱՅԷԼԱՅԻՆԵՐԸ ՄՏՆՈՒՄ ԵՆ ԱԻԵՑԵԱՅ ԵՐԿԻՐԸ

I. Իսրայէլացիներն օրէնքներ ստանալուց յետոյ՝ շարունակեցին իրանց ճանապարհը դէպի քանանցցոց երկիրը: Նրանք քառասուն տարի թափառեցին Արաբիայի անապատներում: Եւ այս երկար ճանապարհորդութիւնը Աստուած նշանակեց իսրայէլացիներին իրեւ պատիժ՝ իրանց խոռվութեան, տրտունջների և թերահաւատութեան համար: Նրանք յաճախ և չնչին բաների համար վշտացնում էին Աստուծուն և նրա ծառայ Մովսէսին: Մի անգամ սկսեցին տրանջալ Մովսէսի վրայ, որ միս չունին, իսկ Մանանայն էլ զըգուացրել է: Աստուած իրեւ պատիժ ուղարկեց օձեր, որոնք թունաւորում էին տրտնջողներին և մեռցնում: Այս պատիժը նրանց կրկին խելքի բերեց և սկսեցին զղջալ իրանց արածների վրայ և խնդրել Աստուծու ողորմութիւնն ու օգնութիւնը:

Մովսէսն Աստուծու հրամանով կախեց մի բարձր սիւնի վրա պղնձէ օձ և ասաց. «Ով որ հաւատով կը նայի նրան՝ կը փրկուի»: Այդպէս էլ եղաւ:

Մովսէսն իսրայէլացիներին տարաւ մինչև Քա-

նանացոց երկրի սահմանները և զգալով իւր մահը սկսեց պատրաստուել մեռնելու համար: Նա Աստուծու հրամանով Յեսու Նաւիային իրան յաջորդ նշանակեց, իսկ իսրայէլացիներին յիշեցրեց Աստուծու օրէնքները, խոստումը և ցոյց տուած բարիքներն ու ասաց «Եթէ այդ օրէնքները կատարէք, Աստուած ձեզի աւելի մեծ բարիքների կարժանացնէ, իսկ եթէ չպահէք, շատ թշուառութիւնների կըհանդիպէք»:

Ապա բարձրացաւ Նաբաւ սարը և հեռուից տեսնելով Աւետեաց երկիրը՝ մեռաւ: Նրա գերեզմանը մնաց անյայտ:

Մովսէսի մահից յետոյ՝ Յեսու Նաւեան իսրայէլացոց տարաւ Աւետեաց երկիրը: Աստուած օգնումէլ միշտ: Նա նրանց հրաշքով անցկացրեց Յորդանան գետը և պատերազմների ժամանակ յաջողութիւններ տուեց: Այնպէս որ վեց տարուայ ընթացքում նրանք տիրեցին Քանանացոց ամբողջ երկրին և նրան բաժանեցին 12 մասերի. ապա վիճակ ձգելով՝ ամեն մինը ստացաւ իր մասը:

Յեսու Նաւիայից մինչև Սաւուղ թագաւորը — 450 տարի իսրայէլացիներին կառավարում էին գատաւորները — սրանց թիւն 15 հատ էր. վերջինն էր Սամուէլը::

II. Իսրայէլացիները պատուիրանները ստանալով՝ դէպէ մւր գնացին: Քանի՞ տարի թափառեցին անապատում և ի՞նչ պատճառով: Աստուած ի՞նչ պատիժներ տուեց և ի՞նչով էին պատում այդ պատժից: Մովսէսը մեռնելուց առաջ ի՞նչ խրատ տուեց իսրայէլացիներին: Ո՞վ յաջորդեց Մովսէսին: Յեսու — Նաւիան քանի՞ տարուայ ընթացքում նուաճեց Աւետեաց երկիրը և քանի՞ մասի բաժանեց: Յեսու Նաւիայից

յետոյ հվեր էին կառավարում հսրայէլացիներին. Ո՞րքան տարի և քանի՞ դատաւորներ եղան: Ո՞վ էր վերջին դատաւորը:

III. Այս պատմութիւնից մենք սովորում ենք. 1)որ Իսրայէլացիներն երկչու և թուլամորթ մարդոց գրգմամբ իրանց տուած խոստումը զրժում, տրտնջում են Մովսէսի վրայ և զանազան անմիտ գատճառներ առաջ բերելով, կամնում են կէս ճանապարհից յետ դառնալ Եգիպտոս և այդ սկսած գործը խանգարել: Նրանք պատճառաբանում են, թէ Թանանում մարդիկ խոշոր են, մենք նրանց չենք կարող յաղթել և սրանով նրանք Աստուծու զօրութիւնն ուրանում են: Այս պատճառով յառաջ են զալիս ներքին խոռվութիւններ, Աստուծու բարկութիւնը ու պատիշը և անհնազանդները չեն արժանում Աւետեաց երկրին: Նրանք մեռնում են անապատում հետզհետէ 40 տարուայ ընթացքում: Իսրայէլացիների արարը զզուելի է և նրանց ցանկութիւնը ողորմելի: 2) Մովսէսը մեռնում է իր սկսած գործը ըսկերջացրած, բայց տեսնում է, որ հետզհետէ ժողովուրդը փոխւում է, ծէրկիր մեռնում են և նոր սերունդը աճում ուղղում է ու լաւանում:

Այս բանը նրան շատ է միխթարում և ուրախացնում: Նա զգալով իր մօտակայ մահը երբէք չէ վախենում մահից, որովհետև նա գնում է Աստուծու մօտ, որին միշտ սիրել է և լսել: Բայց նրա սրտի ցաւը, նրա մտածմունքն իր սկսած գործի յաջող վերջաւորութիւնն է: Նա մտածում է, թէ արգեօք իսրայէլացիները հաստատ կը մնան իրանց խօսքին և չեն հեռանալ Աստուծուց: Նա աղօթում է նրանց համար մեռնելուց առաջ, որ Աստուած պաշտպանէ նրանց, առաջնորդէ և հմուտ ղեկավար տայ իր սկսած գործը գլուխ հանելու: 3) Մենք տեսնում ենք, որ Մովսէսի սէրը դէպի իր ժողովուրդը անընդհատ, ամփոփուս և մշտական է: Այսպիսի սիրոյ անունը հաւատարմութիւն է: Նա այսպիսի սիրով սիրել է իր ժողովրդին, որի համար թողեց թագաւորական պալատը, պաշտօնը, հանգիստ կեանը և իր կեանը մատ-

Նեց նեղութիւններին, հալածանքներին և ժառանգեց ապերախտութիւններ, տրտունջ և մինչև անգամ սպառնալիք սպանման են, Բայց այս բաները երբէք չը զարթեցրին նրա սրտի մէջ գրգիռ՝ բարկութիւն, ատելութիւն և արհամարհանք դէպի ժողովուրդը, այլ ընդհակառակը նրա սէրը աւելի աճում է, որքան ժողովուրդը նրան վշտայնում է և նեղացնում: 40 տարի շարունակ նեղութիւններ և հոգսեր կրելուց յետոյ՝ սիրով բաժանւում է նրանից: Ահա ժողովը վըրդի ճշմարիտ բարեկամը, ահա հաւատարիմ սէր, որի համար արժանացաւ մեծ յարգանքի և պատուի իր ժողովը կողմից, իսկ մեզ համար մարդարէի անուն ժառանգելուց յետոյ՝ մարդասիրութեան գեղեցիկ օրինակ էլ տուեց: Մովսէսի սէրը դէպի Աստուած նոյնպէս օրինակելի է. նա մինչև մահը սիրեց և հաւատարիմ մնաց Նրան: 4) Աստուած Մովսէսից յետոյ տալիս է Խորայէլացիներին հմուտ առաջնորդ և զօրափար, որը Մովսէսի ճանապարհով գնաց և Խորայէլացիներին տարաւ Աւետեաց երկիրը: Նա անշահասէր և իմաստուն կերպով բաժանեց երկիրը և յանձնեց ամեն մի ցեղի վիճակով իր մասը ժառանգելու, մշակելու և օգտուելու: 5) Խորայէլացիները դատաւորների ժամանակ փոխունակ ճշտութեամբ կատարելու Աստուածու օրէնքները և իրար հետ հաշտ ու միաբան ապրելու, որ ուժեղ լինեն թշրիմիների դէմ, ինչպէս Մովսէսի և Յեսու—Նաւիայի ժամանակներն էին, ընդհակառակը սկսում են երկպառակութիւններով և կոիւներով պարապել: Խւրաքանչիւր ցեղ փոխանակ ընդհանուր շահերի վրայ մտածելու, հոգալու, իր անձնական, տոհմային օգուտների վրայ է մտածում: Նրանք յարաբերութիւններ և բարեկամական կապակցութիւններ են հաստատում կոսպաշտ ազգերի հետ և մինչև անգամ կոքեր պաշտում, որի համար և Աստուած յաճախ պատժում էր իսկ երբ նեղութեան մէջ են ընկնում, նրանք դառնում են սրտանց դէպի Առտուած և նրա պատուիրանները կատարում: Աստուած էլ նրանց օգուտիւն ու պաշտպանութիւն էր ցոյց տալիս և պատում թշնամիներից և նեղութիւններից դատաւորներով:

## Հ 21. ՍԱՀՈՒՂ ԹԱԳԱԿՈՐԾ

I. Երբ Սամուէլ մարգարէն և դատաւորը ծերացաւ, նրա որդիքը սկսեցին կառավարել Խորայէլի երկիրը: Նրանք կաշառներ էին ստանում և անարդարութեամբ դատում: Այդ պատճառով դժգոհութիւնը զօրացաւ և Խորայէլացիները կամեցան թագաւոր ունենալ, ինչպէս իրանց հարեան ազգերը: Նրանք ասացին Սամուէլին. «Կարգիր մեզ վրայ թագաւոր, թողնա կառավարէ և դատէ մեզ արդարութեամբ և պաշտպանէ մեզ մեր թշնամիներից»

Սամուէլն աղօթեց և յայտնեց Աստուածուն ժողովրդի ցանկութիւնը: Աստուած ասաց. «Կարգիր նըրանց վրայ թագաւոր»: Սամուէլն Աստուածու կամքով ընտրեց Բենեամինի ցեղից Կիսի որդուն՝ Սաւուղին և թագաւոր օծեց:

Սաւուղը բարեպաշտ էր իր թագաւորութեան առաջին տարեներում: Նա յաջողակ պատերամներ ունեցաւ և դրացի ազգերը սկսեցին վախենալ նրանից: Այս յաջողութիւնն ու փառքը մոլորեցը ին Սաւուղին, որից յետոյ սկսեց արհամարհել Աստուածու պատուիրանները և շարժել նրա բարկութիւնը իր դէմ:

Փղտացիները պատերազմ յայտնեցին խորայէլացիներին: Աստուած արգելեց Սաւուղին պատերազմ սկսել մինչև Սամուէլի՝ զոհ մատուցանելը ըստ սովորութեան՝ պատերազմից առաջ: Սաւուղը չսպասեց մարդարէի գալուն և իր ձեռքով զոհեց: Սամուէլն եկաւ և ասաց. «Դու վատ վարուեցար, որ չպահեցիր Սաւուղը Խորայէլի թագաւորութիւնը, բայց այժմ կը գտնէ մի ուրիշին և նրան կը կարգէ ժողովրդի իշխան»:

Սաւուղը՝ չնայելով Աստուծու սպառնալիքին,  
Երկրորդ անգամ էլ չկատարեց Նրա կամքը: Սամուէլն  
իմացաւ այս և շատ տրտմեց: Նա հետեալ օրն եկաւ  
Սաւուղի մօտ և ասաց: «Միտքդ պահիր, հնազանդու-  
թիւնը զոհից աւելի է»: Ապա աւելացրեց. «Աստուած  
կըխէ քեզանից թագաւորութիւնը և կըտայ նրան, ով  
քեզանից լաւ է. որովհետեւ դու չընդունեցիր Աստու-  
ծու խօսքը. Աստուած էլ քեզ չէ ընդունում»: Այս օ-  
րից սկսած՝ մարգարէն այլևս չտեսաւ Սաւուղին: Բայց  
նա ցաւում էր և աղօթում նրա համար:

II. Երբ Սամուէլը ծերացաւ, ովքեր կառավարեցին Իս-  
րայէլացիներին և ինչպէս: Ո՞վ էր Իսրայէլացիների առա-  
ջին թուգաւորը: Ի՞նչ էր պատճառը, որ Իսրայէլացիները  
կամեցան թագաւոր ունենալ: Սկզբում Սաւուղն թնչպիսի  
թագաւոր էր: Ի՞նչ բան շեղեց Սաւուղին ուղիղ ճանապար-  
հից: Ի՞նչ անհնազանդութիւն ցոյց տուեց Սաւուղը դէպի  
Աստուած և ինչ պատիժ ստացաւ:

III. Այս պատմութիւնից մէնք սովորում ենք. 1) որ  
քարեպաշտ Սամուէլի որդիքն իրանց հօր նման առաքինի և  
արդարադատ չեն լինում: Նրանք իրանց հօր ծերութեան  
ժամանակ կառավարում են երկիրը վատ և այն սէրը, յար-  
գանքն ու վստահութիւնը չեն վայելում: Նրանք կաշառա-  
կերութեամբ են պարապում, որ գատաւորի ամենամեծ պա-  
կասութիւնն է և արդարութիւնը ոտնատակ տալի: Անա  
այսպէս կառավարելուց ժողովրդի մէջ ծագում է դժգոհու-  
թուն, անբաւականութիւն և ընկնում խառնակութիւն: Վե-  
րանում է սէրը, միութիւնը, արդարութիւնն ու ճշմարտու-  
թիւնը, որոնց պատճառով և պատերազմների մէջ միշտ ան-  
յաջողութեան են հանդիպում: Նրանք կարծում են թագա-  
ւոր ունենալով՝ իրանք էլ կյաղթեն, առանց իրանց սրտերը  
մաքրելու և Աստուծուն օգնութեան դիմելու: Նրանք ինչ  
որ թագաւորից սպասում էին, այդ բոլորը կատանային,

մթէ երկնաւոր թագաւորի պատուիրանները պահէին: Նրանք  
թագաւոր են կամենում ունենալ: Սամուէլը Աստուծու հա-  
ճութեամբ թագաւոր է կարգում Սաւուղին նրանց վրայ:  
2) Սաւուղը մկսում է իր թագաւորութիւնը գեղեցիկ կեր-  
պով, բայց սխալ շարունակում: Սկզբում նա մի քանի յա-  
ջողութիւններ է ունենում պատերազմների մէջ, որով և  
մեծ հեղինակութեւն, պատիւ և փառք է ձեռք բերում ժո-  
ղովրդի մէջ, բայց այդ յաջողութիւնը մոլորութեան մէջ է  
ձգում երիտասարդ թագաւորին: Նա մեծամտում է, մոռա-  
նում է իրան և Աստուծուն անհնազանդ է գտնուում: Նա-  
յադ յաջողութիւնները մեծամտութեամբ վերագրում է իր  
անձնական քաջութեան և ոչ Աստուծու զօրութեան ու օգ-  
նութեան: Նա Աստուծու պատուիրաններն արհամարհում է,  
որի համար զրկուում է Աստուծու շնորհներից և շարժում է  
Նրա բարկութիւնը իր դէմ: Նա արտաքին կեղծաւորու-  
թեամբ և զոհաբերութեամբ կամենում է Աստուծուն հաճե-  
լի լինել, բայց ներքինը —սիրտը մաքուր և վայելուչ ունե-  
նում: Նա չէ հաւատում և չէ լսում Աստուծուն և դառ-  
նում է ժողովրդի համար վատ օրինակ, եւ այսպէս իր ան-  
կարգ գնացքով, որ կուապաշտութեան սկիզբը կարելի է  
համարել, պատժում է և զրկուում գահից: 3) Տեսնում ենք  
Սամուէլի գովիլի և սրտացաւ վարմունքը, որ շարունակ  
յիշեցնում է թագաւորի սխալները և զգուշացնում է նրան,  
բայց նա չէ լսում: Նա ցաւում է Սաւուղի վրայ, ինչպէս  
հայրն իր յանցաւոր որդու վրայ և միշտ աղօթում է նրա  
համար: 4) Սաւուղի օրինակը գեղեցիկ դաս է մեզ համար:  
Մարդ որքան հարստութեան, մեծութեան, փառքի և պատուի  
համար, այնքան պէտք է իր անձը խոնարհութեան մէջ պա-  
հէ: Նա տիրոջ առաջ աւելի շնորհ կգտնէ: Մեծամիտ մարդը  
սիրելի չէ աստուծուն և երբէք յաջողութիւն չի գտնիլ իր  
գործերի մէջ:

### № 22. ԴԱԿԻԹ ԹԱԳԱԼԻՌԸ

I. Երբ Աստուծու հոգին հեռացաւ Սաւուղից, Սա-  
մուէլն Աստուծու հրամանով գնաց ԲԵԹՂԵԿԵՄ քաղա-

քը և այնտեղ հանդիսաւոր կերպով զոհ բերեց Աստուծուն։ Ապա մտաւ Հեսսէի տունը և նրա փոքր որդուն — ՚Իաւթին հօր և եղբայրների ներկայութեամբ օծեց իւղով։ Այդ օրից Աստուծուն հոգին իջաւ ՚Իաւթի վրայ։ Աստուծած յայտնեց Սամուէլին, որ ՚Իաւթի կը ինի Սաւուղի յաջորդը։

Այս միջոցին մի դէպք պատահեց, որ ՚Իաւթին առաջին մարդը դարձրեց ամբողջ թագաւորութեան մէջ և առիթ տուեց նրան գովարանելու։

Մի անգամ իսրայէլացիները պատերազմ ունէին փղշտացիների հետ։ Թշնամու բանակից դուրս եկաւ սաստիկ զրահաւորուած մի հսկայ՝ Գողիադ անունով և դուրս կանչեց իսրայէլացիներից մէկին իր հետ մենամարտելու համար։ Նա ծիծաղում էր ու նախատում իսրայէլի Աստուծու անունը։ Ո՛չ ոք չհամարձակուեց դուրս գալ նրա դէմ։ Այն ժամանակ ՚Իաւթ, որ գտնւում էր զօրքի բանակում, յոյն Աստուծու վրայ դրած՝ դուրս գնաց թշնամու դէմ և պարսի քարի միյաջողակ հարուածով ճակատին՝ սպանեց նրան և սրով կտրեց նրա գլուխը։ Այս յաղթութեան համար ՚Իաւթը դարձաւ զօրքի հազարապետ և եղաւ Սաւուղի փեսայ։

Սաւուղը սկսեց շուտով նախանձել ՚Իաւթի վառքին և ատել նրան։ Այն ինչ Սաւուղի որդի Յովսաթանը սրտանց սիրեց ՚Իաւթին։ Նա ՚Իաւթի մտերիմ բարեկամն էր։ ՚Իաւթին ոչինչ չարիք չէր կամենում Սաւուղին և պահպանում ու յարգում էր նրան՝ ինչպէս Սաւուծու օծեալի։ Նա մեծահոգութեամբ էր վարւում նրա հետ։

Երբ Սաւուղը և նրա մեծ որդիքը սպանուեցան

փղշտացիների դէմ մղած պատերազմում, ժողովրդի ծերերը ճանաչեցին ՚Իաւթին թագաւոր և հանդիսաւոր կերպով օծեցին նրան։

՚Իաւթը հպատակեցրեց հարեան ազգերին, ընդպարձակեց իր թագաւորութիւնը և դարձրեց զօրեղ։ Նա մեծ հոգ տարաւ իր հպատակների բարօրութեան մասին։ Շրջապատեց իրեն լաւ և ազնիւ մարդկերանցով։ Նա երուսաղէմը իր թագաւորութեան մայրաքաղաքը դարձրեց և աւելի ևս ամրացրեց։ Շինեց հոյակապ պալատ և Մովսիսի վկայութեան խորանի փոխարէն շինեց նոր, գեղեցիկ և թանկագին խորան, ուր հանդիսաւոր կերպով տեղափոխեց ուխտի տապանակը։ ՚Իաւթը իր այս փառաւորութեան մէջ պատահեց մի մեծ նեղութեան։ Նրա որդի Աբիսողոմն ապրաւամբուեց և կամեցաւ հօրից խլել գահը, բայց պատժուեց՝ սպանուելով պատերազմի դաշտում։

II. Աստուծած ի՞նչ ասաց Սամուէլին Սաւուղի յաջորդի մասին։ Սամուէլն ուր դնաց և ի՞նչպէս ընտրեց ՚Իաւթին։ ՚Իաւթն ինչ քաջութիւններ արեց։ Սաւուղի նախանձնինչու շարժուեց և ի՞նչ էր կամենում անել։ Ո՞վ էր ՚Իաւթի մտերիմ բարեկամը։ ՚Իաւթն ինչ մեծահոգութիւն բանեցրեց։ ՚Իաւթը ո՞ր քաղաքը մայրաքաղաք դարձրեց և ի՞նչ բան տեղափոխեց այնտեղ։ ՚Իաւթն ի՞նչպէս էր կառավարում երկիրը։ Ի՞նչ բան պատահեց ՚Իաւթի ընտանիքում, որ վշտացրեց նրան։

III. Այս պատմութիւնից մինք սովորում ենք, 1) որ Սաստուծու հոգին — շնորհը Սաւուղից վերանում է և ուրախութիւն, մտքի հանգստութիւն և խզի անդորրութիւն հեռանում են նրանից, իսկ զրանց փոխարէն բուն են դնում նրա մէջ չար ոգի, երկիւղ, տկարութիւն և հոգեկան անհանգստութիւն։ Նա սարսափում է, երբ յիշում է, որ Աս-

տուծուն բարկացրել է իր վարմունքով, ուստի և նրա ողորմութիւնը, շնորհը և օգնութիւնն այլև չէ կարող վայելել: 2) Տեսնում ենք, որ մի քնար ածող հովիւ, Դաւիթ անունով, որ խոնահ, իմաստուն և քաջ երիտասարդ էր, ընտրումէ Սաւուղի տեղ թագաւոր Աստուծու հրամանով, որովհետև Աստուած սրտին է նայում և այնպէս ընտրութիւն անում և ոչ թէ հասակին, գեղեցկութեան, հարստութեան, շորերին և պաշտօնին: 3) Մենք անմում ենք Դաւիթի մէջ հայրենասիրական բուռն զգազմունք. նա միայն վշտացած՝ զգում էր այն անպատութիւնը, նախատինքը, որ իր հայրենասկիցները կրում էին: Եւ զրդովում ու զայրանում էր, որ մի հեթանոս հսկայ Գողիաթ — նախատում էր ճշմարիտ Աստուծու ժողովրդին և ծալրում: Դաւիթը չէ կարողանում տանել այդ և Աստուծու օգնութեամբ սպանում է նրան: Աստուծու զօրութիւնը տկարների յաշողութեամբ աւելի է երկում: Դաւիթի պատուին գովիստները անհանգստացնում են Սաւուղին: Ծագում է նրա սրտի մէջ նախանձ, ընկնում է կասկածանքների մէջ, սկսում է ատել և մինչև անգամ մարդասպանութեան փորձեր անել: 5) Սաւուղի որդի Յովաթանը, որ մի խելօք, բարեպաշտ անձն էր և ազնիւ սիրտ ունէր, սրտանց սիրում է Դաւիթին, տեսնելով նրա մէջ արժանաւորութիւն, քաջութիւն, բարեպաշտութիւն և հաւատարմութիւն դէպի ժողովուրդը և թագաւորը՝ առանց ուշք դարձնելու նրա ծագման վրայ: 7) Մենք տեսնում ենք և հիանում Դաւիթի մեծանոգութեան վրայ: Սաւուղը նրան ատում է, հալածում է տանից, տեղից և կնոջից հեռացնում: Քաղցած, ծարաւ, նեղութեան մէջ անապատներում թափառել է տալի և մեծ զօրքով յետելց ընկած կամենում է սպանել նրան, սակայն Դաւիթը մի այսպիսի թշնամու հետ սեծանոգութեամբ է վարվում: Երկու անգամ Սաւուղը քնած ժամանակ ընկնում է Դաւիթի ճեռքը և վերջինս ձեռքն է առնում նրա գեղարդը, որով կարող էր սպանել, վըէ ժինդիր լինել և իր կրած բոլոր նեղութիւններին միանգամից վերջ տալ: Բացի այդ, նա հարստութիւն, հանգստութիւն, փառք, գահ և պատիւ մի զարկով կարող

էր ճեռք բերել, բայց Դաւիթը այդ չէ անում: Սաւուղը լաց է լինում Դաւիթի մեծահոգութեան առաջ: 7) Դաւիթը թագաւոր զառնալուց յետոյ՝ յաղթում է իր բոլոր թշնամիններին և երկիրը խաղաղացնում: Երկրի մէջ խաղաղութիւն և արդարութիւն տիրելով, ժողովուրդը հարստանում է, բաղդաւոր է դառնում և Աստուծու տուած բարիքները վայելում: Դաւիթի նշանակած արդարասէր, ճշմարտասէր, ազնիւ, շխտակ և բարի խորհրդականների շնորհիւ վերականգնում է երկրի մէջ արդարազատութիւնը և պակասում են վէճերն ու անբաւականութիւնները: 8) Տեսնում ենք, որ Դաւիթի մեծ որդին՝ Արքուղոմը ապերախտ և անհազանդ է գտընում իւր ծնողի առաջ: Նա փառասիրութեան համար կամենում է հօրը սպանել և նմա տեղ թագաւոր դառնալ, բայց չարաչար պատժում է կախուելով անզգուշաբար ծառից փախչելու ժամանակի: Նրա տկեղ վարմունքը մի տեսակ զգուշութիւն և խրատ պէտք է լինի ամեն մի որդու համար: Նկատուած է, որ անհազանդութեան յանցանքը ըսկաւում է փոքրով և վերջանում է զարհուրելի կերպով: յանցանքը պէտք է երեսին ասել, բայց յանցաւորին պէտք է սիրել, խրատել և ոչ ատել: Մենք ամենքս յանցաւոր ենք Աստուծու առաջ, բայց նա դարձեալ մեզ սիրում է:

### № 23. ՍՈՂՈՄՈՆ ԹԱԳԱԿՈՐԸ

I. Դաւիթը դեռ իր կենդանութեան ժամանակ հանդիսաւոր կերպով թագաւոր օծեց իր որդի Սողոմոնին: Սողոմոնը աղօթեց և խնդրեց Աստուծուց խելացի միտք եւ իւստութիւն, որ կարողանայ լաւ կառավարել երկիրը և արդարութեամբ դատել ժողովը: Դին և ճանաչել բարին ու չարին: Աստուած տուեց նրան խելացի միտք և իմաստութիւն, այլև փառք և հարստութիւն: Սողոմոնն իր իմաստութիւնը, ցոյց տուեց շուտով, երբ գահ բարձրացաւ:

Նրա մօտ դատաստանի եկան երկու կին, մի կենդանի երեխայով: Նրանցից մինն ասում էր. «Այս կինը գիշերը քնեց և անսպասելի կերպով խեղղեց իր երեխային, յետոյ իր մեռած երեխային դրեց ինձ մօտ, իսկ իմ կենդանի երեխային վերցրեց իր համար: Միւս կինը, որ բռնած ունէր կենդանի երեխային, ասաց. «Ո՞չ այս կենդանին իմ որդին է, իսկ մեռածը նրանն է»: Սողոմոնը հրամայեց կիսել կենդանի երեխային և տալ մի կէսը մէկին, միւս կէսը՝ միւսին: Այս հրամանից յետոյ կանանցից մէկը բարձրաձայն գոչեց և ասաց. «Ո՞չ, կենդանի երեխային տուէր նրան»: Այն ինչ միւսն ասում էր. «Կիսէք, ոչ ինչ լինի և ոչ նրան»: Սողոմոնն իմացաւ, որ իսկական մայրը նա է, որի սիրտը ցաւում է և հրամայեց տալ երեխան նրան:

Երուսաղէմում Մօրէա սարի վրայ Սողոմոնը շինեց մի մեծ և հիանալի տաճար՝ վկայութեան խորանի նման: Այս տաճարի մէջ աեղափոխեց ուխտի տապանակը Դաւթի շինած խորանից և դրեց տաճարի սրբ, բութիւն սրբոց կոչուած մասում: Երբ բահանաները ներս բերին տաճար ուխտի տապանակը, Աստուծու փառքը իջաւ և ամպի նման լցրեց նրան, իսկ պատրաստուած զոհն էլ ընդունուեց:

Ժողովուրդը երկար ժամանակ բաղդաւոր, ուրախ և հանգիստ ապրում էր Սողոմոնի իմաստուն կառավարութեամբ:

Սողոմոնի իմաստութեան և հարստութեան համբաւը տարածուեց բոլոր շրջակայ երկրներում: Աշխարհի բոլոր կողմերից գալիս էին լսելու նրա իմաստութիւնը:

Այս ծայրայեղ և երկարատև երջանկութիւնը փչացրին Սողոմոնի մաքուր բնաւորութիւնը: Նա ընկաւ փառամոլութեան և կորստաբեր զեղիսութեան մէջ, վատնեց իր բոլոր հարստութիւնը և ծանր հարկերով սկսեց ճնշել ժողովրդին: Այնուհետև նա արհամարհեց Աստուծու օրէնքները, ամուսնացաւ կոապաշտ կանանց հետ, շինեց նրանց համար կոատուններ և ինքն էլ հետզհետէ ընկաւ կոապաշտութեան մէջ ու սկսեց ծառայել կուռքերին:

Սողոմոնը կորցրեց իր երջանկութիւնը: Հարևան ազգերը սկսեցին յարձակուել նրա վրայ: Տէրութեան մէջ օրէցօր աւելացան ներքին անբաւականութիւններըն ու խոռվութիւնները: Հարկերի ծանրութեան տակ ժողովուրդը բողոքում էր և ապստամբւում նրա դէմ:

Վերջապէս այս ձախորդութիւնները և ներքին խոռվութիւններն ուշքի բերին Սողոմոնին: Նա խոստովանեց իր սխալը և դառն փորձերից յետոյ բացականչեց. «Փառքի և մեծութեան մէջ չէ մարդու երջանկութիւնը, այլ խղճմտանքի մաքրութեան»:

---

II. Ո՞վ թագաւորեց Դաւթից յետոյ: Սողոմոնն ինչ խնդրեց Աստուծուց և Աստուած ինչ տուեց նրան: Ի՞նչպիսի թագաւոր էր Սողոմոնը և ինչից է երկում նրա իմաստուն լինելը: Սողոմոնն որ սարի վրայ շինեց տաճարը և մւր տեղափոխեց ուխտի տապանակը: Ի՞նչ էր պատճառը, որ Սողոմոնը կորցրեց իր երջանկութիւնը և ինչ գործեր կատարեց նա Աստուծու օրէնքների հակառակ: Ի՞նչ տըրտնջաց ժողովուրդը Սողոմոնի դէմ: Ի՞նչ բաներ ուշքի բերին Սողոմոնին և ինչ խոստովանեց:

---

III. Այս պատմութիւնից մինք շատ բան ենք սովորում. 1) Դաւթից յետոյ թագաւոր է դառնում նրա երիտասարդ որդին—Սողոմոնը: Սա իրան տկար է համարում

իր հօր բարի օրինակին հետևելու և կառավարելու այդպի-  
մի մի բազմաթիւ ժողովուրդ: Նա կարիք է զգում օգնու-  
թեան և այն էլ Աստուծու օգնութեան. ուստի դիմում է  
նրան խնդրելով իր ազօթքի մէջ, որ տայ իրան մաքուր  
սիրտ և պարզ միտք—իմաստութիւն, դատելու ժողովրդին  
արդարութեամբ և զանազանելու բարին ու չարը, 2) Աս-  
տուծ լսում է Սողոմոնի խնդրելը և յայտնում է, թէ ո-  
րովհետեւ դու չխնդրեցիր ոչ փառք, ոչ հարստութիւն, ոչ  
երկար կեանք և ոչ քո թշնամիներին պատիժ — կորուստ  
ուրեմն կտամ քեզ այն, ինչ որ խնդրեցիր և կտամ այն էլ,  
ինչ որ չխնդրեցիր, այն է՝ փառք և հարստութիւն: Իսկ ե-  
թէ դու կպահես Աստուծու օրէնքները, ինչպէս քո հայրը,  
ևս կերկարացնեմ և քո օրերը: Սողոմոնի այս խնդրից ե-  
րեւում է, որ նա անշահասէր, բարեկանած, հնազանդ է,  
դրա համա էլ նա բարձր է գնահատում երկնային բարիք-  
ներ խնդրել, քան թէ հարստութիւն, պատիւ և երկար  
կեանք: Նրա համար էլ Աստուծ Սողոմոնին հարստացրեց  
երկնաւոր և երկրաւոր բարիքներով, Նրա ամենամեծ բա-  
րիքը դէպի Աստուծ հնազանդութիւն—երկիւղ Տեառն էր,  
որով նա սկսեց սկզբում գեղեցիկ կերպով կառավարել եր-  
կիրը և ժողովուրդը խաղաղութեան մէջ է լինում և երջա-  
նիկ օրեր անցկացնում: 4) Երեւում է Սողոմոնի իմաստու-  
թիւնը դատաւորութեան ժամանակ: Նա լսելով երկու կող-  
մերի բացատրութիւնը, սկզբում ոչինչ հետևանքի չէ հաս-  
նում: Բայց յետոյ խորասուզուելով հոգեպէս՝ իմանում է,  
որ իսկական մօր սիրտը աւելի կցաւի, քան թէ լուրջթ,  
եթէ երեխային մի վտանգ պատահի: Նա հրամայում է կէտ  
անել երեխային և տալ երկու մայրերին: Իսկական մօր  
սիրտը ցաւում է և Սողոմոնը գտնում է հարազար մօրը:  
Նա մէկի մէջ տեսնում է մայրական սէր, միւսի մէջ ան-  
տարբերութիւն: Ահա Սողոմոնի իմաստութեան և մարդա-  
ճանաչութեան մի օրինակ 5) Սողոմոնը կատարելով իր  
հօր—Դաւթի սրտի ցանկութիւնը՝ Աստուծու համար փա-  
ռաւոր մի տուն է շինում: ուր և ազօթում է: Նրա ազօթ-  
ը իր սրտի հայելին է: Նրա մէջ երեւում է հեղութիւն

որ իրան Աստուծու ծառայ է անուանում և այնպէս էլ  
զգում: Երեւում է իմաստութիւն, որ գիտէ Աստուծու մե-  
ծութիւնը, թէ երկինք և երկիրն էլ նրան պարունակելու  
համար բաւական չեն՝ աւելի ևս այս տունը: Նա գիտէ, որ  
Աստուծած ոչ թէ միայն իսրայէլացիների համար է, այլ և  
բոլոր ազգերի: Երեւում է բարեկալշտութիւն, որ համոզուած  
է, չնայելով իր զօրութեանը և իմաստութեանը, թէ օրհնու-  
թիւնն ու օգնութիւնը վերեից է գալիս—Ամենակարող Աս-  
տուծուց, Նրա համար էլ դիմում է և հաւատացած է, որ  
կլսէ: Երեւում է նրա սէրը դէպի մարդիկ—ժողովուրդը, որ  
ինդրում է Աստուծուն իր ժողովրդի ազօթքը լսել ամեն  
հանգամանքներում, մանաւանդ երբ նա մեղանչում է: Եւ  
յորդորում է Աստուծու երկիւղն ունենալ միշտ սրտի մէջ  
որպէսզի երջանիկ ապրի: Նրա սէրը դէպի բոլոր մարդիկ  
և ազգերը երեւում է նրանից, որ ինդրում է իր կառուցած  
տաճարի մէջ լսել և օտարականների ազօթքը և հաւատա-  
ցած է, որ բոլոր ազգերը կխոստովանեն, թէ ճշմարիտ  
Աստուծը նա է: Սրանից կարելի է հետևեցնել, որ ում մէջ  
կայ Աստուծու երկիւղը, նա իր կեանքն իմաստութեամբ  
կղեկավարէ, նրա գործերը յաջողութեամբ կպատկուին: Նա  
միշտ ուղիղ կդատէ թէ իրան և թէ ուրիշներին և սրանով  
դիւրութեամբ կհամանի երկրաւոր բարիքներին և Աստուծու  
օրհնութեանը: 7) Մենք տեսնում ենք, որ Սողոմոնը յետոյ  
փոխում է, նա հեռանում է Աստուծուց: Եւ որքան նրա  
թագաւորութեան սկզբը և շարունակութիւնը փառաւոր  
էին, այնքան էլ վերջը—տխուր: Ուրախ սկզբնաւորութեա-  
նը, փառաւոր շարունակութեանը հետևեց տխուր վախճան:  
Սողոմոնի փորձութիւնը աւելի մեծ էր: Փառքը, պատիւը,  
և վայելչութիւնները հետզհետէ այնպէս գրաւում են նրա  
սիրտը, որ նրանց գերադասում է Աստուծուց: Նա ազգերի  
գովասանքները և շողոքորթութիւնները բարձր զասեց Աս-  
տուծու փառաբանութիւնից և իր յոյսը գրեց հարստութեան,  
իմաստութեան և զօրութեան վրայ: Դարձաւ ունայնասէր և  
հպարտ: Սողոմոնը մոռացաւ Նրան, որից նա ամեն բան  
ատացել էր և կարծում էր, թէ այդ բոլորն իր զօրութեամբ  
5

և իմաստութեամբ էր ձեռք բերել: Նրա սիրտը, որ սկզբում Աստուծուն էր յանձնել, հակուց գէպի ոսկին, իշխանութիւնն ու փառքը: Դրանք դարձան նրա պաշտելին—կուռքը: Նա պաշտեց և տեսանելի կուռքեր: Նա ծերացաւ, թուլացաւ և հեթանոս կանայք փոխեցին նրա սիրտը: Իմաստուն Սողոմոնն այնպէս ընկաւ, որ հաճելի լինելու համար այս կանանցը՝ սկսեց կուտաններ շինել: Երուսաղէմում, ուր ինքն էլ յաճախում էր: Նա կամինում էր ուրիշ թագաւորների կանանցից՝ իրը գերազանել և սրանով ցոյց տալ իր հարստութիւնը: Եւ ինամութիւններ հաստատելով նրանց հետ՝ իր իշխանութիւնը ընդարձակել ու զօրացնել: Այս փառաւորութիւնը և փառասիրութիւնը զցեց նրան անգունդի մէջ: Աւելանում են ծախքերը, հետեապէս և ժողովրդից ստանալիք հարկերը: Բարձրանում են անբաւականութիւններ, տրաունջներ և խովութիւններ, որովհետև նա սկսում է ձնշել, նեղացնել իր հպատակներին: Իթէ մի կէտ կայ Սողոմոնի յանցանքը մեղմացնելու, այդ նրա ծերութիւնը կարելի է համարել, որ յաճախակի մարդու մարմինը և հոգին թուլացնում է, մասնաւանդ մի այսպիսի կեանք վարողին: 8) Սողոմոնի կեանքից մենք կարող ենք շատ խրատներ առնել: Նրա կեանքը սկսուց ուրախ, շարունակուեց փառաւոր և վերջացաւ տիսուր: Մենք էլ կանգնած ենք մեր կեանքի սկզբնաւորութեան վրայ, որին հետևում է շարունակութիւնը և վախճանը: Միենոյն փորձութիւնները, մասնաւանդ այս անցաւոր աշխարհի զուարձութիւնները, միզ էլ կարող են սպառնալ և փչացնել: Սրա համար միշտ պէտ է զգոյշ լինենք, հսկենք և աղօթենք, որ փորձութեան մէջ չընկենք և եթէ ընկել ենք, աշխատենք որ բարի վախճան ունենայ:

№ 24. ԹԱԳԱՀՈՐՈՒԹԵԱՆ ԲԱԺԱՆՈՒՄԸ. ԻՄՐԱՅԷ-  
ԼԵԱՆ ԹԱԳԱՀՈՐՈՒԹԵԱՆ ՎԻՃԱԿ

I. Սողոմոնի մահից յետոյ նրա որդի Ռոբովամը գնաց Սիւքէմ բաղաքը, ուր հաւաքուել էր բոլոր ժո-

ղովուրդը, որ ըստ սովորութեան հաւատարմութեան՝ երդում տայ: Այստեղ հաւաքուել էին դժգոհները Յերոբովամի առաջնորդութեամբ: Սրանք ասացին Ռոբովամին: «Թո հայրը ծանր լուծ դրեց մեր վրայ, հարկերն օրէցօր աւելացրեց և կեղեքեց մեզ: Եթէ դու կըթեթևացնես այդ լուծը, մենք հաւատարմութեամբ կըծառայենք քեզ»:

Ռոբովամը փոխանակ ժողովրդի արառնջները լսելու՝ իր թեթևամիտ բարեկամների խորհրդով պատասխանեց. «Իմ հայրը ծանր լուծ դրեց ձեր վրայ, ես աւելի ևս պէտք է ծանրացնեմ»: Իսրայէլացիները լսելով Ռոբովամի այս պատասխանը՝ դժգոհ հեռացան:

Սրանից յետոյ երկու ցեղերը—Յուղայի և Բենիամինի, ճանաչեցին Ռոբովամին թագաւոր, իսկ տասը ցեղեր ընտրեցին թագաւոր Յերոբովամին: Այսպէս թագաւորութիւնը բաժանուեց երկուսի՝ Յուղայի և հսրայէլի: Առաջինի մայրաքաղաքն Երուսաղէմն էր, իսկ երկրորդինը՝ Սիւքէն՝ յետոյ Սամարիա:

Յուղայի և հսրայէլի թագաւորութիւնների հպատակները չնայելով քաղաքականապէս բաժանման, շատ յատկութիւններ ունեին, որոնք երկուսի համար ևս ընդհանուր էին: Նրանք խօսում էին մի լեզով և պաշտում միհնոյն Աստուծուն:

Այս բանը դուր չէր գալի Յերոբովամին. նա մըտածում էր, որ եթէ իր հպատակները յաճախ գնան երուսաղէմ, կարող են միանալ Յուղայի թագաւորութեան հետ, իսկ իրանից սառչիլ: Այս պատճառով նա ժողովրդին այդ ազգային սովորութիւններից յետ պահելու համար՝ երկու ոսկէ հորթ ձուլել տուեց և հրամայեց պաշտել նրանց: Նա ամեն ցանկացողի թոյլա-

տրում էր քահանայի պաշտօն վարել և զոհ մատուցանել:

Սկսուեցան ներքին խռովութիւններ, երկպառակութիւններ, ապստամբութիւններ և պատերազմներ Յուդայի և Իսրայէլի թագաւորների մէջ, իսկ ժողովրդի մէջ շատացան անիրաւութիւնը, կուապաշտութիւնը: Նրանք մոռացան ճշմարիտ Աստուծուն և այս պատճառով էլ Աստուած վերջ դրեց այս երկու թագաւորութիւններին:

Ասորոց Սաղմանասար թագաւորը 722թ. Քրիստ. ծննդից առաջ՝ կործանեց Իսրայէլի թագաւորութիւնը և ընակիչների մեծ մասը գերի տարաւ: Իսկ երկիրը թափուր չթողնելու համար՝ նա Բարելոնի և Ասորիքի բնակիչներից շատերին տեղաւորեց գերի տարած իսրայէլացիների տեղերում: Սրանք խառնուելով մացած իսրայէլացիների հետ կազմեցին մի առանձին ցեղ, որ կոչուեց սամարացիք:

Իսրայէլի թագաւորութիւնը գոյութիւն ունեցաւ 257 տարի, որի ժամանակ 19 թագաւորներ եղան:

II. Սողոմոնի մահից յետոյ ի՞նչ խռովութիւն պատահաց ժողովրդի մէջ: Ո՞վ էր գժկոների պարագլուխը. ի՞նչ պատասխանեց Ռորովամը և ի՞նչ փոփոխութիւններ յառաջացան: Քանի՞ ցեղեր հաւատարիմ մնացին Սողոմոնի որդուն և մրոնք հեռացան: Ի՞նչպէս էին անուանում այն երկու թագաւորութիւններն և որմնը էին նրանց գլխաւոր քաղաքները: Բաժանումից յետոյ ի՞նչ ազգային յատկութիւններ ունէին իսրայէլացիները, որոնց միջոցով սերտ կապ և հաղորդակցութիւններ էին պահում իրար հետ: Հաճելի՞ էր արդեօք այս բանը Յերոբովամին և ի՞նչ միջոցներ ձեռք առաւ այդ կապը քանդելու համար: Դրանից յետոյ ի՞նչ խռովութիւններ և երկպառակութիւններ տեղի ունեցան երկու թագաւորութիւնների մէջ և ինչո՞վ վերջացան: Ի՞նչքան ժամանակ տևեց իսրայէլեան թագաւորութիւնը և մրքան թագաւորներ եղան

III. Այս պատմութիւնից մենք սովորում ենք. 1) Սողոմոնի տէրութիւնը բաժանում է: Դրա պատճառը Սողոմոնի անկարգ գործորն ու ծախքերն էին, որոնց պատճառով աղքատացել, մնանկացել էր ժողովուրդն և յառաջ բերել գժգոնութիւններ, իսկ նրա որդուց էլ լաւ բան չէին սպասում: Պալատի անհաշիւ ծախքերը՝ կանայք, ծառաներ, աղախիներ, մշտական զօրք՝ չափից գուրս մեծ ծախքեր էին պահանջում և ժողովուրդն ինքն էր այդ կարիքը լրացնում: Նա էր բոլոր շինութիւնների ծախքերը հոգում՝ վճարում և ձրի աշխատում. ահա թէ աղքատութիւնը և գժգոնութիւնը ինչ բանից յառաջացան: 2) Մենք տեսնում ենք, որ ժողովուրդը իր նեղութիւնը յայտնում է փորձառու ծերերի բերանով երիտասարդ թագաւորին և խնդրում է թեթևացնել իրանց վիճակը: Ակայն Ռորովամը իրան շրջապատող երիտասարդների խորհրդին հետեւելով՝ ականջ չէ դնում ժողովրդի արդար ձայնին՝ բողոքին և աւելի նեղում ու սաստկացնում է: Այդ շրջապատող անփորձ երիտասարդները՝ խորհրդականները՝ թագաւորի մանկական ընկերներն էին: Նրանք մեծացել էին շռայլութեան մէջ և խեղճ ու կարիք ասուած բանը չգիտէին: Նրանք կարծում էին, որ ժողովուրդը հնազանդութեան մէջ պահելու համար հարկաւոր է միմիայն երկիւղ: Այս պատճառով խորհուրդը էին տալիս խիստ վերաբերուել և ոչ մի զիջողութիւն չանել: Ռորովամը չմտածեց լուրջ կերպով իր արածների հետևանքների մասին: Նա անգործ և մեծամիտ էր, ինչպէս իր ընկերները և կարծում էր, որ ժողովուրդը իր համար է միայն ապրում երկրիս վրայ, որպէսզի ինքը հարըստութիւն, փառք և շքեղութիւն վայելէ: Բայց որ թագաւորը հայր է և պարտաւոր է մտածել ու աշխատել, որ ժողովուրդը բախտաւոր լինի, որ ժողովրդի արդար ինդիրները պէտք է լսել ու կոտարել, այս տեսակ մտքեր շատ հեռու էին Ռորովամից: Նրա խիստ պատասխանը վատ հետևանքի է հասցնում՝ թագաւորութիւնը բաժանուում է: 3) Ժողովուրդը, թէկ քաղաքանապէս բաժանուում է, բայց կրօնով դարձեալ մի է լինում: Յերոբովամը երկիւղ կրելով, որ տօներին ժողովուրդն երուսաղէմ գնալով և զոհ մատուցանելով՝ մի գուցէ

նրա սիրտն էլ Յուդայի թագաւորութեանը յարի, ոսկէ հորթեր է շինել տալիս և հրամայում նրանց պաշտօն մատուցանել: Բացի այդ՝ կռատուններ է շինել տալիս, զոհաբերութիւններ, քուրմեր նշանակում հասարակ դասից, տօներ որոշում և հրամայում պաշտօն մատուցանել, ինչպէս Երուսաղէմումն էր: 4) Բաժանման և կռապաշտութեան մի ուրիշ հետևանքն էլ այն եղաւ, որ շարունակ ներքին խոռվութիւններ, անկարգութիւններ և պատերազմներ են առաջ գալիս, որոնց պատճառով թուլանում են և օտար թագաւորները գալով, յաղթում են երկուսին էլ, տիրում երկրին և տաճարի սրբազն անօթները և պալատի հարստութիւնների մեծագոյն մասը յափշտակում: Այսպէս բաժանման հետևանքը միշտ լինում է թուլութիւն, տկարութիւն, երկչուութիւն և նիւթական կորուստ: Միութիւնը՝ ոյժ, զօրութիւն է, իսկ բաժանումը, անբարոյականութիւնը և վրէժը՝ տկարութիւն ու թուլութիւն: Արդարութիւնը բարձրացնում է ազգին, իսկ մեղքը ստորացնում, նուազեցնում է: Յայտնի է, որ անհամաձյնութիւնը մի ազգի մէջ այն ժամանակ է ծնում, երբ նրա կրօնական զգացումը սառում է, երբ նա հեռանում է Աստուծուց և նրա պատուիրաններից: Մի ժողովուրդ, որ չէ սիրում Աստուծուն, հետևապէս և իր մերձաւորին—եղքորը չէ կարող սիրել, Այդ տեղից բղխում է Ռորովամի վարմունքը և Յելորովամի ամօթալի և գայթակղեցուցիչ օրինակը: Այդ տեղից էլ սկիզբն են առնում Յուդայի և Խորայէլի տան մէջ ներքին աւելիչ պատերազմները: Արդարութիւնը, որ երբեմն իսրայէլացիներին և նրանց տիրողներին բարձրացնում էր, այժմ նրանց յանցանքը ստորացնում է ու ապականում, որը հետզհետէ աւելի մեծ ծաւալ ստանալով կործանում է Խորայէլի թագաւորութիւնը:

## № 25. ՅՈՒԴԱՅԻ ԹԱԳԱՀՈՐՈՒԹԵԱՆ ՎԻՃԱԿԻ

I. Սողոմոնի որդի Ռորովամից սկսած՝ Յուդայի երկիրն երբեմն ունենում էր բարեպաշտ թագաւոր-

ներ, որոնք վերականգնում էին ճշմարիտ Աստուածապաշտութիւնը, կործանում էին կռատունները և ամեն կերպ յորդորում ժողովրդին դառնալ դէպի ճշշմարիտ Աստուած: Բայց ժողովրդի այս գարձը հաստատ և երկարատև չէր լինում: Նրանք արտաքին ձեռվ զոհ մատուցանելով Սողոմոնի տաճարում, շաբաթ օրը և ամսամուտը տօնելով՝ կարծում էին, թէ կատարում են Մովսէսի բոլոր օրէնքները: Ոչ ոքի մտքից չէր անցնում ուղղել սիրաը, մաքրել զգացմունքը, ազնիւ և ճշմարիտ լինել և փոխադարձաբար սիրել միմեանց: Ահա այս էր պատճառը, որ քանի բարեպաշտ թագաւորները կենդանի էին, իսրայէլացիները ճշմարիտ Աստուծուն էին պաշտօն, իսկ հէնց որ նրանք մեռնում էին, կրկին դառնում էին կռապաշտ: Եւ իզուր էին անցնում մարգարէների զգուշացնելը, յորդորները, խրատները—դառնալ դէպի ճշմարիտ Աստուած. Նրանք հալածում, սպառնում և սպանում էին նրանց:

Եւ այսպէս ամբարշտութիւնը, կռապաշտութիւնը, չարութիւնը և բարոյական անկումն՝ աւելի ու աւելի տարածուելով ժողովրդի մէջ՝ պատճառ են դառնում Յուդայի թագաւորութեան վերջանալուն:

Բաբելոնի Նաբուգոդոնոսոր թագաւորը 558 տարի Քրիստոսի ծննդից առաջ նուածեց Յուդայի թագաւորութիւնը, այրեց Սողոմոնի տաճարը, կործանեց Երուսաղէմը և երկրի բնակիչներին գերի տարաւ:

Յուդայի թագաւորութիւնը 390 տարի գոյութիւն ունեցաւ: Այս ժամանակամիջոցում իշխեցին 17 թառական երբ: Նրանք բոլորն էլ Դաւթի ցեղից էին:

II. Ի՞նչպէս էին Յուղայի թագաւորները դէպի իրանց հաւատքը, ի՞նչպէս էր կատարւում Աստուածապաշտութիւնը: Ո՞վքեր էին քարոզում և յորդորում ժողովրդին, թագաւորին, որ հաստատ միան հաւատին: Ի՞նչը պատճառ եղաւ Յուղայի թագաւորութեան վերջանալուն: Ե՞րբ և ով հուածեց Յուղայի թագաւորութիւնը և ի՞նչ վնասներ տուեց: Ո՞րքան տարի տեսեց այդ թագաւորութիւնը և քանի թագաւորներ եղան Դաւթի ցեղից:

III. Այս պատմութիւնից մենք սովորում ենք. 1) Թագաւորութեան բաժանումից յետոյ Յուղայի թագաւորութեան բնակիչները, թէ յաճախակի հեռանում են Աստուծուց և ընկնում կոապաշտութեան-մէջ, սկսած Սոգոմոնի որդի Ռորովամից, բայց և այնպէս համեմատելով նրանց Խորայէլիան թագաւորութեան բնակիչների և թագաւորների հետ, աւելի բարեպաշտ են լինում: Այս երկրում թագաւորութիւնը ժառանգական է լինում և բոլոր թագաւորները լինում են Դաւթի ցեղից: 16 թագաւորներից տասը լինում են անարժան և թոյլ, որոնք մոռանալով Աստուծուն, առիթ էին տալի ժողովրդին և թուլանալու իր հաւատքի մէջ և հակուելու դէպի կոապաշտութիւնը: Իսկ երբ սրանց յաջորդում էին բարեպաշտ թագաւորներ, նորից ժողովրդին դարձնում էին դէպի ճշմարիտ հաւատքը, կանգնեցնում էին ուղիղ ճանապարհի վրայ և հաստատ հաւատքի մէջ: Այս է լինում զլխաւոր պատճառներից մէկը, որ Յուղայի թագաւորութիւնը աւելի երկարատև է լինում: Բացի այդ, այս երկրում էին Խորայէլացոց սրբութիւնները, Աստուծու տաճարը, քահանայք, զետացիք, որոնք յիշեցնում էին ժողովրդին հայրենի օրէնքները, Աստուծու պատուիրանները: Նկատուած է, որ ժողովուրդը, երբ ունենում էր Աստուծու երկիւղը, միշտ բախտաւոր էր և ունէր յաջողութիւն, փառք և յաղթութիւն թշնամիների դէմ, իսկ երբ հեռանում էր նրանից և ձեռապաշտութեան մէջ ընկնում, զրկւում էր Աստուծու սիրուց և լացը, ողբս ու թշուառութիւնն էին լինում նրանց՝ թէ թագաւորի և թէ ժողովրդի բաժինը: Այդ ժամանակ ժողովրդի հաւատը և Աստուածապաշտութիւնը լի-

նում է միմիայն արտաքուստ: Նրանք զոհեր էին մատուցանում Սողոմոնի տաճուրում, շաբաթ և ամսամուտ տօնում, պահք պահում և այս ծէսերը կատարելով՝ կարծում էին, թէ Աստուծու բոլոր օրէնքները կատարում են և արդար են: Բայց նրանց սրտերը հեռու էին Աստուծուց: Ո՞չ ոք չէր մտածում իր սիրտն ուղղել, զգացմունքը մաքրել, ազնուամիտ, շիտակ և ճշմարիտ լինել և փոխադարձաբար միմեանց սիրել ու օգնել: Եւ այսպէս ամբարշտութիւնն աւելի ու աւելի տարածուելով ժողովրդի բոլոր խաւերում՝ հետզհետէ թշուառացնում է նրան և պատճառ դառնում Յուղայի թագաւորութեան կործանման: 2) Աստուծած թողնում է Խորայէլացիներին կրելու այդ պատիժը: Եւ այսպէս վարուելու պատճառը այն էր, որ նա տեսնելով թէ ինչպէս իր սէրն ու արած բարութիւնները ունայն են անցնում, կամենում է այլապէս խրատել այդ անհնազնդ ժողովրդին: Նա կամենում է կարիքի միջոցով զգալ տալ իր ժողովը դիմեան նրա սխալը, նրա արարմունքի հետեանքը և ճաշակել տալ նրա վարմունքից առաջացած դառն պտուղները: Նա Խորայէլին կամենում է սովորեցնել—լսել և հնարանդուիր: 4) Մենք տեսնում ենք, որ Խորայէլը հեռանալով Աստուծուց, արդարե կրում է իր պատիժը: Բարեկոնի Նարուգոգնոսուր թագաւորը պաշարում է երուսաղէմը և բարուքանդ անելով նրա պարիսպները՝ մոխրի կոյտ է զարձնում, բնակիներից շատերին վլատակների տակ կոտորում, խողխողում, մեռցնում, իսկ կենդանիներին գերի տանում Բաբելոն: Տաճարը կործանում, սրբութիւնները անպատճում և նրա միջի հարստութիւնները կողոպտում:

Անա այսպէս է սկսում Աստուծու արդար պատիժը, որի նպատակն է լինում զգալ տալ ժողովրդին իր սխալընթացքը, սակայն ցաւակցաբար պէտք է ասել, որ Խորայէլացիների սակաւ մասը կարողացաւ հասկանալ:

## № 26. ՄԱՐԳԱՐԵՆԵՐԸ

I. Երբ իսրայէլացիները բաժանուեցան երկու թագաւորութեան, Աստուած նրանց ճշմարիտ հաւատի և բարեպաշտութեան մէջ պահելու համար, յաճախ յարուցանում էր առանձին բարեպաշտ մարդիկ, որոնք կոչւում էին մարզարէներ։ Սրանք ոգեսրուած ու զօրացած Սուրբ Հոգով՝ յայտում էին մարդոց Աստուծու կամքը, բարոզում էին ճշմարտութիւն, խրատում, զգուշացնում և յանդիմանում էին տիրող կուապաշտութիւնը ու ժողովրդի պակասութիւնները։ Իսկ նեղութիւնների և թշուառութիւնների ժամանակ յուսադրում և միախթարում էին։ Նրանք գուշակում էին Աստուծուց գալիք պատիժները չար մարդկանց վրայ և իրանց Աստուծուց ուղարկած լինելը հաստատում էին հրաշքներով։

Խարայէլացիները ընդհանրապէս չէին սիրում մարդագարէներին։ Նրանք ատում, արհամարհում, հալածում և երբեմն էլ չարաչար սպանում էին։

Մարգարէսներից ոմանք քարոզում էին միայն բերանացի, և ոմանք էլ թէ բերանացի և թէ գրաւոր:

Նրանցից շատերը պարզ կերպով գուշակում էին խոստացեալ Մեսահայի մասին։ Այսպէս, 1) թէ «Նա կըծնի կուսից Հրէաստանի Բեդղէհէմ քաղաքում և կանուանուի իմմանուէլ, որ նշանակում է՝ Աստուած մեզ հետ է։ 2) Աստուծու հոգին կիջնի նրա վրայ և կօծէ նրան։ 3) Նա կըքարողէ ժողովրդին, հրաշքներ կրգործէ և կըքժկէ հիւանդներին։ 4) Նրա առաջից կերթայ նրա Կարապետը։ 5) Նա հանդիսաւոր կերպով կըմտնի Երուսաղէմ, Երեսուն արծաթով կըմատնուի,

կենթարկուի հայհոյանքի, ծաղրի, թուրի և գանակոծութեան։ 6) Մարդիկ կը վարուին նրա հետ իբրև չարագործի, կը կախեն նրան փայտից անօրէնների հետ, կը խոցեն նրա կողը, կը բաժանեն նրա շորերը և վիճակ կը ձգեն։ 7) Այս չարչարանքները նա կը կրէ մարդոց անիրաւութիւնների պատճառով, որպէսզի նրանց յաւիտենական կորստից փրկէ։ 8) Նա յարութիւն կառնէ և կրհաստատէ նոր, երկնային թագաւորութիւն»։

II. Թագաւորութեան բաժանումից յետոյ Կարայէլացիներն ի՞նչպէս էին վերաբերում դէպի Աստուած և նվեր էին նրանց քարոզում ու մխիթարում: Ի՞նչ էր մարգարէների պաշտօնը և ժողովուրդը ի՞նչպէս էր վարում նրանց հետ: Մարգարէներն ի՞նչպէս էին կատարում իրանց պաշտօնը: Նրանք խոսացեալ Փրկչի մասին ի՞նչ գուշակութիւններ արին:

III. Այս պատմութիւնից մենք սովորում ենք, 1) որ  
Աստուած իր կամքը մարդոց յայտնելու համար յարուցա-  
նումէ ժողովրդի միջից հաւատարիմ, խելօք, երկիւղած և բարե-  
պաշտ մարդիկ, որոնք կոչւում են մարզարէներ: Եւ այս  
ընտրուած, հոգով լցուած և զօրացած մարդիկ անձնուէր  
գործիչներ էին: Սրանց կոչումը շատ բարձր էր. Որանք  
իրանց դրական քարոզներով զարթեցնում, հրաւիրում էին  
դէպի ապաշխարութիւն և յիշեցնում էին Աստուծու հետ  
ունեցած ուխտի պահպանումը, իսկ իրանց Աստուծու կող-  
մից ուղարկուած լինելը հաստատում էին հրաշքներով: Աս-  
տուած յայտնում էր սրանց շատ բան ապագայից. առանձ-  
նապէս Փրկչի ծննդեան, կեանքի, չարչարանքների և փա-  
ռաւորութեան մասին և գուշակում էին իսկութեամբ ու  
մանրամասնութեամբ: Սրանց մէջ ծագում էր աստուածա-  
յին ճշմարտութեան լոյսը, որ պարզ, որոշ ճանաչածները և  
ջերմ սրտով զգացածները, որպէս աստուածային յայտնու-  
թիւններ, հաղորդում էին ժողովրդին: Մարզարէներն կոչ-

լում էին Աստուծոյ մարդիկ, որոնք ոչ թէ իրանց սեփական անձի կամ ուրիշի, այլ Աստուծու հրամանները, պատիժ, շնորհք ու ողորմութիւն, ժողովրդին յայտնում և աստուածային գաղափարները ու մտքերը բարոզում և հասկացնում էին: Սրանք ժողովրդին իրանցից աւելի էին սիրում, առաջնորդում, խրատում, յորդորում մինչև վերջին շունչը: Սրանք աղօթում էին և բարեխօս լինում Աստուծու առաջ մեղաւոր ժողովրդի համար և աշխատում էին ջնջելու կռապաշտութիւնը և անօրէնութիւնները: Մարգարէներն իսկապէս մի տեսակ հսկիչներ էին և պարտաւորութիւն ունէին ժողովրդին և թագաւորներին յիշեցնել, ևթէ նրանք օրէնքներից հեռանում էին, առաջնորդել ուղիղ ճանապարհով և խորհուրդ տալ, ևթէ անարդարութիւն էին գործում: Մարգարէները Աստուծու և կրօնի անունով այնպէս էին խօսում, որ շատ թագաւորներ սարսափահար էին լինում նրանցից: Թէկ շատ անգամ թագաւորի բարկութիւնը մահ էր սպառնում նրանց, բայց և այնպէս նրանց կամքը անընկճելի էր մնում: Նրանց քարկոծում, սպանում էին, բայց նրանք մինչև իրանց վերջին շունչը դարձեալ չէին զաղարում ձշմարտութիւնը քարոզելուց: 2) Մարգարէները միախարում էին խորին թշուառութեան ժամանակներում և համոզուած էին, որ Աստուած իր ժողովրդին, չնայելով նրա գործած յանցանքներից չի մոռանայ, այլ կյիշէ իր խոստումը՝ նրա պապերին տուած: Այս պատճառով միշտ կըրկնում էին, որ ամենայն մի ցաւ և վիշտ դէպի ապաշխարութիւն է հրաւիրում ժողովրդին և սա Աստուծու գթութեան նշան պէտք է համարել:

№ 27. ԲԱԲԵԼՈՆԵԱՆ ԳԵՐՈՒԹԻՒՆԸ. ԴԱՆԻԵԼ  
ՄԱՐԳԱՐԵ

1. Խսրայէլացիները 70 տարի գեղի մնացին Բաբելոնում։ Դառն էր Նրանց վիճակը օտար երկրում։ Բայց այս թշուառութիւնը նրանց ուշքի բերեց և զգաւ-

տացրեց՝ հեռու կենալ կուապաշտութիւնից: Գերութեան-  
ժամանակ Աստուած միսիթարիչ ուղարկեց նրանց Դա-  
նիէլ մարգարէին: Նա Աստուծու օգնութեամք մեկնեց  
Նաբուգոդոնոսոր թագաւորի երազները և կարողացաւ  
ճանաչել տալ Աստուծու մեծութիւնը: Այս պատճա-  
ռով թագաւորը Դանիէլին Բաբելոնի բոլոր իմաստուն-  
ների զիխաւոր նշանակեց:

Դամիկը պատասխի ժամանակ գերի էր տարուել  
Բաբելոն։ Նա իր երեք բարեկամներով կրթուեց Բա-  
բելոնի թագաւորի պալատում։ Երիտասարդները չը-  
նայելով՝ որ ապրում էին պալատում հեթանոսների  
մէջ, հաստատ էին պահում իրանց հաւատի օրէնքները։  
Նրանք հրաժարում էին ուտել այն կերակուրները,  
ինչ որ արգելուած էր Մովսէսի օրէնքով և խնդրում  
էին թագաւորին՝ թոյլ տալ կերակրուել միայն հացով  
ու բանջարեղէններով։ Ուսումն աւարտելուց յետոյ՝  
Նրանք մտան արքունի ծառայութիւն և իրանց խել-  
քով ու հաւատարիմ ծառայութեամբ հասան բարձր  
պաշտօնների։ Նրանք և այս ժամանակի հաստատ էին  
պահում իրանց հաւատը և նրա օրէնքները, որոնց  
համար շատ անդամ ենթարկում էին տանջանքների  
և կեանքից զրկուելու վտանգին։

Թանիէլի երեք բարեկամներին (Անանիա, Ազարիա և Միսայէլ) թագաւորի հրամանով ձգեցին բորբոքուած հնոցի մէջ՝ Նաբուգոդոնոսորի կուռքին երկըպատութիւն չտալու համար։ Բայց Աստուած հրաշալի կերպով ազատեց նրանց մահից։ Նա ուղարկեց իր հրեշտակին, որը կրակի բոցը դարձեց սառը ցող և նրանք մնացին անվխաս։

տուծում աղօթում է իր օրէնքով և ձգուեց քաղցած առիւծների դուռը, բայց առիւծներն Աստուծու հրամանով չմօտեցան և չմխասեցին նրան:

II. Քանի՞ տարի գերի մնացին Խսրայէլացիները Բաբելոնում: Ի՞նչպէս էր նրանց վիճակը և ի՞նչ օգուտ տուեց այդ գերութիւնը: Գերութիւն ժամանակ Աստուծու ի՞նչ մարգարէ ուղարկեց և ի՞նչպէս ճանաչել տուեց նա Աստուծոյ մեծութիւնը: Դանիէլը և նրա երեք բարեկամներն որտեղ ստացան կրթութիւն և ի՞նչպէս էին նրանք վերաբերուում դէպի իրանց հաւատի օրէնքները: Ի՞նչ պաշտօններ ստացան նրանք: Յետոյ ի՞նչ պատժի ենթարկուեցան և ի՞նչպէս ազատուեցան:

III. Այս պատմութիւնից մենք սովորում ենք. 1) Խսրայէլացիները գերութեան և նեղութեան ժամանակ Բաբելոնի գետի ափերում նստած ողբում էին իրանց հայրենիքը: Նրանց վիճակը դառն և անտանելի էր: Նրանք հայրենի երկրից հեռացած՝ յիշում էին Երուսաղէմը, նրա նույիրական և սուրբ տեղերը, ուր ապրել են իրանց նախնիքը. և ուր գտնւում են իրանց սիրելիների գերեզմանները: Նրանք նոր են հասկանում, թէ ի՞նչքան քաղցը է եղել հայրենիքը և ի՞նչ թանկագին գանձեր են ունեցել Քանանում: Այս ամենը մտաբերելով հոգւոց էին հանում և հառաջում: Նոր են իմանում, մտաբերում Մովսէսի խրատները, որ Աստուծուն հաւատարիմ մնալով կեանք և օրէնութիւն կվայելէին, իսկ նրանից հեռանալով՝ անէծքը և մահը կլինէր նրանց բաժինը: Նրանք մտաբերելով անցեալի փառաւորութիւնը, տեսնում էին ներկան տիրու և ապագան անյոյս և այս վերաբերով իրանց արածին՝ գառնապէս խոստովանում էին, որ սա Աստուծու արդար դատաստանն է: Նրանք ուխտ էին դնում այլ չբարկացնել Աստուծուն, այլ նրա օրէնքները կատարել սրբութեամբ և հաւատարիմ մնալ նրան: Մարգարէները տեսնեավ այս ամենը՝ զգում էին Աստուծու միտքը իր ժողովրդի վերաբերութեամբ: Նրանք հաստատապէս համո-

դուած էին, որ սրանով Աստուծու կամենում է ժողովուրդը դէպի ինքը դարձնել: Այս գառն վիճակի ժամանակ թուլամիտներից շատերն էլ մոռացան Աստուծուն և հեթանոս դարձան: Բայց Աստուծու ողորմած է, նա վերստին ներում է ժողովրդին, որովհետեւ տեսնում է, որ նա թշուառութեան մէջ զգաստացել, հիասթափւել և սրտով դարձել է դէպի ինքը: Նա կարիքի միջոցով սովորեցրել էր նրանց ազօթել և արհամարած օրէնքները կրկին պատուել ու հնազանդուել: 2) Մենք տեսնում ենք Դանիէլի և նրա ընկերների գովելի վարագունքը, որ հեթանոնների աստուածներին նուիրուած կերակուրները, որոնք Մովսէսի օրէնքով արգելուած էին, չեն ուտում և չեն անցնում հայրենի օրէնքների ցանկից. Նրանք կարծում էին, եթէ աստուածներին նուիրուած կերակուրներն ուտեն, իրանց սըրտերն էլ գուցէ փոխուին: Թէկ գլխաւոր հարցը նրանում չէ, թէ մարդ ի՞նչ է կերել, այլ թէ ի՞նչպիսի սիրտ ունի: Մարդ նայում է երեսին, իսկ Աստուծու՝ սրտին. սակայն նրանք այդ բանին մեծ նշանակութիւն էին տալիս և չէին կամենում պատուիրանից անցնել, որովհետեւ դա համբերութեան, հպատակութեան մի նշան է և ով փոքր բաների մէջ Աստուծուն հաւատարիմ է, նա մեծերի մէջ էլ այնպէս կըվարուի: Բացի այդ, նրանք սիրում էին չափաւոր կեանք վարել կերակրի վերաբերութեամբ և չեն գայթակղւում արքունի սեղանի առատութիւնից: 3) Մենք տեսնում ենք մանուկների հաստատ հաւատը, որ կուռքերին երկրպագութիւն չեն տալի, ոչ քատմիելի պատիմը և ոչ թագաւորին հնազանդ լինելու պարտականութիւնը՝ չեն հեռացնում նրանց ճշմարիտ Աստուծուց: Նրանք Աստուծուն աւելի են սիրում, թէ մարդկանց և միշտ կրկնում են, թէ Աստուծու կրակից էլ չար մարդկանցից էլ կարող է ազատել իրենց: Նրա սուրբ Աջը կըհովանաւորէ և կազատէ այն ամենը, ի՞նչ որ մարդիկ կորած են համարում: Այսպէս հաւատը պաշտպանում, ազատում է նրանց:

№ 28. ԻՄՐԱՅԷԱԼՅԻՆԵՐԸ ՊԱՐՍԻՑ ՏԻՐԱՊԵՏՈՒԹԵԱՆ  
ԺԱՄԱՆԱԿ. ԵԶՐ ԵՒ ՆԵԼՄԻ

I. Գերութեան եօթանասուն տարին լրանալուց յետոյ՝ պարսից կիւրոս թագաւորը տիրեց բաբելացոց թագաւորութեանը և իրաւունք տուեց գերի տարած հրէաներին վերադառնալ իրենց հայրենիքը։ Նա տուեց նրանց և շատ անօթներ, որ յափշատակել էր նաբուգոգոնսորը Երուսաղէմի տաճարից։

Այս ժամանակ իսրայէլացիները միանգամից 42 հազար հոգով Զորաբարելի առաջնորդութեամբ և Յեսու քահանայապետի օգնութեամբ վերադարձան իրանց երկիրը։ Երուսաղէմում սեղան կանգնեցրին, Աստուծուն զո՞ր բերին և նոր տաճարի շինութեան հիմը դըրեցին մեծ հանդէսով, երգելով և հնչումներով։ Երիտասարդներն իրանց ցնծագին ձայներով, իսկ ծերերը իրանց հառաջանքներով ու լացով յիշում էին առաջուան տաճարի հոյակապութիւնը և միշտ ցաւելով յիշում էին, թէ այս տաճարը չի լինիլ այնպէս փառաւոր, ինչպէս հինն էր։ Բայց մարգարէները նրանց միխթարելով ասում էին, թէ այս վերջին տաճարի փառքն աւելի կըլինի, քան թէ առաջինինը, և թէ աշխարհի Փրկիչն կըդայ այս տաճարը, կըլցնէ նրան փառքով և կըտայ այստեղից խաղաղութիւն աշխարհին։

Պարսից թագաւորները տիրելով Հրէաստանին՝ ստահում էին միայն հարկ, իսկ ներքին կառավարութիւնը թոյլ էր տուած իսրայէլացիներին իրենց օրէնքների համեմատ վարել և ապրել։ Երանք նշանակեցին Եզր անունով մի քահանայ և ուղարկեցին նըրան Երուսաղէմ, որ հսկէ, որպէսզի բոլորը ապրեն իրանց օրէնքների համաձայն։ Եզրին տուած էր իրա-

ւունք և պատժելու նրանց, որոնք կըխախտեն Մովսիսական օրէնքները։ Եզրը ժողովեց իսրայէլացիներին, զգուշացրեց չհաստատել ամուսնական կապ կուապաշտների հետ և կարգադրեց կտրել բոլոր յարաբերութիւնները հեթանոսների հետ։ Նա վերականգնեց հայրենի մոռացուած և խախտուած կարգերը և օրէնքները։ Վերսկսեց շաբաթական և միւս տօները։ Ժողովեց Ս. Գրքի գրուածները և սահմանեց կարդալ տօներին ժողովրդի առաջ օրինաց գրքերը։

Այսու հետեւ հիմնուեցան Յուղայի բոլոր քաղաքներում ժողովրդանոցներ—սինագոգներ, ուր ամեն շակաթ ժողովուրդը պէտք է հաւաքուէր աղօթելու և Աստուծու խօսքը լսելու։ Եւ ժողովրդին կըթելու համար նշանակուեցան առանձին մարդիկ, որոնք կոչւում էին դալիրներ։

Հրէաները կառավարում էին 70 ծերերից քաղկացաց մի քարձրագոյն դատարանով, որի նախագահն էր քահանայապետը։ Այս ժողովը կոչւում էր ծերակոյտ—սենեդրիօն և գտնւում էր Երուսաղէմում։

Այսպէս իսրայէլացիներն սկսեցին վերանորոգել իրանց կարգերը և վերաշինել իրանց աւերակ դարձած քաղաքները, գիւղերը և նրանց պարիսպները։ Նէեմի անունով մի բարեպաշտ իսրայէլացի, որ պարսից արքունիքում պաշտօն ունէր, նորոգեց Երուսաղէմի պարիսպները, որպէսզի թշնամուց ազատ լինի քաղաքը և տաճարը։

---

II. Քանի տարի հրէաները գերի մնացին Բաբելոնում։ Ո՞վ ագատեց նրանց գերութիւնից։ Ո՞րքան հրէաներ և մւմ առաջնորդութեամբ վերադարձան։ Վերադառնալով հայրեա-

նիք՝ ի՞նչ բաներ սկսեցին վերաշինել: Ի՞նչ կարծիք ունէին նոր տաճարի մասին և ի՞նչ էին ասում մարգարէները: Ի՞նչ օրէնքներով էին կառավարում հսրայէլացիները: Ո՞վ նշանակուեց վերահսկող այդ օրէնքները անթերի կատարելու համար: Ի՞նչ կարգադրութիւններ արեց Եզր ամունութեան, տօների, կարգերի և սուրբ գրուածքների մասին: Ժողովրդի հաւաքուելու, ազօթելու և Աստուծու խօսքը լսելու համար ի՞նչ տեղեր որոշեց Եզր և ժրոնց կարգեց այդ բանին սպասւոր: Ի՞նչպէս էին կառավարում հսրայէլացիները: Ի՞նչ դատարան ունէին և քանի անձինք էին դատաւորները: Ո՞վ նորոգեց Երուսաղէմի պարիսպները:

III. Այս պատմութիւնից մենք սովորում ենք. 1) հսրայէլացիները ազատւում են զերութեան ծանր լծից և կըրկին արժանանում են իրանց հայրենի երկրին, որ աւերակ ու քարուքանդ եղած էր: Հայրենիքի կարօտը հասկացրել էր նրանց նրա նշանակութիւնը և թէ որքան քաղցր է: Նրանք լաւ հասկացել էին, որ այդ պատիմը իրանք էին ստեղծել իրանց համար՝ չլսելով իրանց նախորդների խրատներին և չկատարելով Աստուծու պատուիրանները: 2) Մենք տեսնում ենք, որ նրանք տարագնաց թոշունների նման սկսում են վերաշինել քարուքանդ արած քաղաքները, տները, գիւղերը և քաղաքների պարիսպները: Եւ ամենից առաջ առանձին ուրախութեամբ, երգերով ու լացով կառուցանում են Աստուծու նուիրական տաճարը, ուր արդէն զղջացած սրտով կարող էին օրհնաբանել Աստուծու անունը և հետևաբար խոստովանել իրանց սխալները և ուխտ հաստատել այլևս չշեղուելու Աստուծու ճանապարհից: 3) Մենք տեսնում ենք որ գիտնական Եզր քահանան հոգում և հսկում է հայրենի օրէնքները պահպանելու և հեռու պահելու ժողովրդին այն բաներից, որոնք կարող էին նրանց օտարացնել: Նորոգւում են Աստուծածպաշտութեան կարգերը, սահմանում են տօներ և ամեն տեղ շինուում են ժողովրդանոցներ — ազօթաներ: Եւ այս լինում է, որպէսզի Աստուծու սէրը ժողովրդի մէջ վառ պահուի և հեթանոսութեան դիմողների համար էլ պատնէշ լինի: Ժողովրդում են օրինաց գրքերը և նշանակում են

առանձին մարդիկ — դպրուներ՝ կարդալու և ժողովրդին հասկացնելու Սուրբ Գիրքը: Երկրի ներքին կառավարութեան համար նշանակում է ազգային ժողով, բաղկացած 70 ծերերից, որի նախագահը լինում է ինքը — քահանայապետը:

### № 29. ԻՍՐԱՅԵԼԱՑԻՆԵՐԻ ՎԻՃԱԿԸ ՄԱԿԵԴՈՆԱՑԻՆԵՐԻ ԺԱՌԱՆԱԿ. ՄԱՏԱԹԻԱ.

I. հսրայէլացիները պարսից իշխանութեան տակ մնացին մօտ 200 տարի: Աղէքսանդր Մակեդոնացին կործանեց պարսից թագաւորութիւնը և կազմեց Մակեդոնացոց հօր պետութիւնը: Իսրայէլացիները մտան նրա իշխանութեան ներքոյ: Աղէքսանդրի մահուանից յետոյ նրա տէրութիւնը բաժանուեց և Հրէաստանը, որ Եգիպտական և Ասորոց թագաւորութիւնների սահմանն էր, կոռուի ծաղիկ գարձաւ նրանց համար: Մկրդբում մօտ հարիւր տարի նրանք հպատակ դարձան Եգիպտական իշխանութեան: Այս ժամանակ, պէտք է ասած, իսրայէլացիներն աւելի բաղդաւոր էին: Նրանց թոյլ էր տուած իրանց հայրենի օրէնքներով կառավարուել և վայելել հաւասար իրաւունքներ տիրապետող ժողովրդի հետ:

Այսուհետև Ասորոց թագաւորները տիրեցին Հրէաստանին և անտանելի նեղութիւններ պատճառեցին իսրայէլացիներին: Նրանք Երուսաղէմի տաճարում և իսրայէլեան բոլոր ժողովրդանոցներում կուռքեր կանգնեցրին և ուժով ու սարսափելի տանջանքներ տալով՝ ստիպեցին իսրայէլացիներին պաշտել նրանց և թողնել իրանց հայրենի օրէնքները: այս ժամանակ հաւատի և հայրենի օրէնքների պահպանութեան համար նահատակուեցան ծերունի Եղիազար քահանան և Շա-

մունէ անունով մի բարեպաշտ կին իր եօթն որդոց հետ  
Իսրայէլացիների այս դառն ժամանակ՝ Մատաթիա  
անունով մի քահանայ, որ Յուդայի ցեղից էր, իր որ-  
դոց հետ վճռեց կանգնել Ասորոց (Սելևացոց) դէմ և  
ազատել իր ազգակիցներին օտարի լծից: Ժողովեցան  
նրա շուրջը մարդոց մեծ բազմութիւն, որոնք հաւա-  
տարիմ էին իրանց օրէնքներին: Սկսուեց պատերազ-  
մը հաւատի և հայրենիքի ազատութեան համար: Մա-  
տաթիան մեռաւ և կառավարութիւնն անցաւ նրա որդի-  
Յուդա մակարէին, որը կարողացաւ քշել թշնամինե-  
րին և սրբել Երուսաղէմի տաճարը կուռքերից: Յուդան  
և քաջութեամբ մեռաւ պատերազմի դաշտում: Մե-  
ռան և նրա եղբայրները, բայց կենդանի մնաց սուրբ  
գործը, որը շարունակեցին նրա յաջորդները և ստի-  
պեցին Ասորոց թագաւորներին իսպառ հրաժարուել  
իսրայէլացիների վրայ ունեցած իշխանութիւնից: Եւ  
այսպէս տիրելով ամբողջ Հրէաստանին՝ ստացան նո-  
րից անկախութիւն:

Մատաթիան և նրա որդիքն, իրանց կեանքը զո-  
հելով հաւատի և հայրենիքի համար՝ գեղեցիկ օրինակ  
տուին հայրենասիրութեան:

II. Ո՞րքան ժամանակ իսրայէլացիները հպատակ մնա-  
ցին Պարսից տէրութեան: Ո՞վ կործանեց պարսից թագաւո-  
րութիւնը: Աղեքսանանրի մահից յետոյ ի՞նչ պատահեց նրա  
ընդարձակ տէրութեանը և Հրէաստանը ո՞ր տէրութիւնների  
սահմանակից դարձաւ: Ի՞նչ վիճակի մէջ էր նա: Ո՞րքան  
տարի իսրայէլացիներն եգիպտական իշխանութեան տակ  
մնացին: Ի՞նչ դրութեան մէջ էին: Ո՞րքան ժամանակ իս-  
րայէլացիներն Ասորոց իշխանութեան տակ էին, ի՞նչպիսի  
վիճակի մէջ էին և ի՞նչ նահատակութիւններ կատարուեցան:  
Այդ գժբաղդ վիճակն ի՞նչ օգուտ բերեց իսրայէլացիներին:  
Ո՞վ առաջին անգամ հոգ տարաւ օտարի լծից ազա-

տուելու և անկախութիւն ձեռք բերելու համար: Ի՞նչ քա-  
ջութիւններ արեցին Մատաթիա և նրա յետազաները:

III. Այս պատմութիւնից մենք սովորում ենք. 1) որ  
Պարսից թագաւորութեանը վերջ է տալիս Աղեքսանդր Մա-  
կեդոնացին և տիրում է ամբողջ հրէաստանին: 2) Աղեք-  
սանդրի մահից յետոյ իսրայէլացիների վիճակը փոխում է:  
Նրա տէրութիւնը բաժանում է և եգիպտական ու Ասորոց  
կամ Սելևացոց տէրութիւնները կոռու ծաղիկ են շինում  
Հրէաստանը: Ակզբում տիրում է եգիպտականը և իրան հա-  
ւատարիմ հպատակ դարձնելու համար՝ թոյլատրում է նրանց  
պաշտել իրանց կրօնը և հայրենի օրէնքներով կառավարուել:  
Նրանց տիրապետութեան ժամանակ իսրայէլացիների վի-  
ճակը լաւ է լինում և եգիպտական ուսումնասէր Պատղմէո-  
սի ջանքերով Սուրբ Գրքի թարգմանութիւնը կատարում է  
70 գիտնականների աշխատութեամբ հրէական լեզուից յու-  
նարէն, որը պահպանում էր Աղեքսանդրիայի գրատան մէջ:  
Այս թարգմանութիւնը կոչում է Սուրբ Գրքի Եօթանասնից  
թարգմանութիւն: 3) Մօտ հարիւր տարուց յետոյ Ասորոց  
թագաւորները տիրում են իսրայէլացիներին և այդ ժամա-  
նակից սկսում է նրանց համար ամենազառն ժամանակը:  
Ասորոց թագաւորները՝ բացի հաւատարիմ հպատակ լինել  
պահանջներց, բռնի կերպով, անտանելի տանջանքներ տալով  
ու նահատակելով ստիպում են ուրանալ իրանց հաւատը և  
կուռք պաշտել, նրանք կուռքեր էին զնում Երուսաղէմի տա-  
ճարում և կուսապաշտական պաշտամունքներ կատարում ու  
զոհեր մատուցանում: Սակայն իսրայէլաները անդրդուելի  
են մնում իրանց հաւատքի մէջ և մեծ զոհեր են տալիս: 4)  
Մենք տեսնում ենք, որ այս բռնութիւնը ստիպում է իս-  
րայէլացիներին ուրիշ ելք գանել: Մատաթիա անունով մի  
ծամարիտ քահանայ չկարողանալով տանել այս ազգային  
կրօնի անպատւութիւնը և ժողովրդի նեղութիւնները, ոտքի  
է կանգնում հաւատքի և հայրենի օրէնքների համար և ժո-  
ղովելով իւր շուրջը հաւատարիմ, հայրենասէր և նախանձա-  
խնդիր իսրայէլացիներին, պատերազմում է Ասորոց թագա-  
խնդիր իսրայէլացիներին:

ւորների դէմ՝ անկախութիւն ձեռք բերելու համար։ Քաջարար մեռնում է Մատաթիան պատերազմի գաշտում։ Դործը շարունակում են նրա որդիքը և թոռները Տիրող օգնութեամբ և յաջողութեամբ դուրս քշելով նրանց Խորայէլիան երկիրներից, քաղաքներից՝ տիրում են ամբողջ Հրէաստանին և անկախութիւն ձեռք բերում, բայց ափսոս, որ այդ երկարատև չէ լինում։ 5) Մենք նկատում ենք, որ Խորայէլացիներին դրողը լինում է հայրերի օրէնքների նախանձախութիւնը, պապենական հաւատի հաւատարիմ պահպանութիւնը և հայրենասիրութիւնը, որովհետև նրանք գուշակում էին վերահաս վտանգը, որ այսպիսի դառն ժամանակներում առաջ է գալի։

### № 30. ԻՍՐԱՅԷԼԱՅԻՆԵՐԻ ՎԻՃԱԿԸ ՀՌՈՄԱՅԵՑՈՅ ՏԻՐԱՊԵՏՈՒԹԵԱՆ ԺԱՄԱՆԱԿԸ

I. Խորայէլացիների՝ Մակաբայեցոց կոչուած թագաւորութիւնն երկար ժամանակ գոյութիւն չունեցաւ։ Ներքին խոռվութիւնները, թագաժառանգների շարունակ կոհւները վասեցին երկրին և ժողովրդին այնտեղ հասցրին, որ ստիպուեց դիմելու Հռոմայեցիների միջամտութեան՝ երկիրը խաղացնելու և գործերը կարգեցերելու համար։ Հռոմայեցիները Փրկչի գալստից մի փոքր առաջ առան իրանց իշխանութեան ներքոյ Հրէաստանը և վերջ տուին Մակաբայեցոց թագաւորութեան։ Նրանք երկրի կառավարութիւնը յանձնեցին Եղովմայեցի Հէրովդէսին, թագաւորական տիտղոսով։ Սա խիստ, կասկածոտ և Հռոմայեցիների շահերին ծառայող մի մարդ էր։

Ծանր էր այս բանն իսրայէլացիների համար։ Նրանք նոր հասկացան իրանց գործած սխալը, բայց արդէն ուշ էր։ Մի բան միայն նրանց միիթարում

էր և քաջալերում։ Դա Փրկչի գալու համար գուշակութիւնների կատարումն էր, որ պէտք է լինէր, երբ Յուղայի տանից թագաւորութիւնը վերջանար եւ ահա արդէն վերջացել էր։ Միայն շատերը նրանցից սխալմամբ սպասում էին, որ Մեսսիան ոչ թէ մեղքերից—խաւարից պէտք է փրկէ, ալ նա երկրաւոր փառաւոր թագաւոր կըլինի և կազատէ նրանց օտարի իշխանութիւնից։

Հռոմայեցիների տիրապետութեան ժամանակ իսրայէլացիների երկիրը անուանում էր Պաղէստինա և բաժանում էր չորս մասերի։ Հիւսիսային մասը կոչւում էր Գալիլիա, միջին մասը—Սամարիա, հարաւայինը՝ Յուղայի երկիր և արևելեանը—Պերիա կամ Յանկոյս Յորդանանու։ Բաբելոնեան գերութիւնից յետոյ իսրայէլացիների մէջ առաջ եկան կրօնական հերձուածներ՝ Փարիսեցիք, Սաղուկեցիք և Յեսսեանք անուններով։

Փարիսեցիք—Պահպանողական էին. սրանք աշխատում էին իրանց սուրբ ձևացնել ամենքի առաջ։ Նախանձախնդիր էին հայրենի օրէնքներին և հակառակ էին օրէնքների, հայրենի կարգերի և սովորութիւնների ամենափոքրիկ փոփոխման։ Յրանք Սուրբ Գրքին հաւասար էին ընդունում և հայրենի աւանդութիւնները։ Սրանց գլխաւոր պակասութիւնն էր—Կոյր հետևողութիւն բարեպաշտական արտաքին ձևերին։

Սաղուկեցիք—սրանք փարիսեցիների հակառակ՝ չէին ընդունում աւանդութիւնները, ուրանում էին հոգու անհամութիւնը, չէին հաւատում մեռեալների յարութեան և վերջին դատաստանին։

Յեսսեանք—սրանք մեծ մասամբ ապրում էին անապատներում՝ հասարակ խրճիթների մէջ և իրանց

ժամանակն անց էին կացնում կարդալով, մտածելով,  
դատելով և հոգեոր երգեր երգելով:

Շաբաթը մի անգամ հաւաքւում էին ժողովա  
րանում՝ ծերի կամ ձեռնհասի քարոզները—խրատնե-  
րը լսելու: Սրանց մէջ յարգի էր միայնակեցութիւնը  
և մեծ մասը պահպանում էր կուսութիւն: Սրտնք  
ապրում էին ընկերութեամբ և ունէին միատեսակ  
հագուստ և հասարակաց սեղան: Աղօթում էին արեի  
ծագելու և մայր մտնելու ժամանակ: Հեռու էին եր-  
գումից և առհասարակ այնպիսի բաներից, որոնք  
կարող էին ուրիշներին վնաս բերել:

II. Ինչու իսրայէլացիների նոր թագաւորութիւնն եր-  
կար չտեսց: Ի՞նչ բանի համար էին ներքին խոսվութիւն-  
ներն ու կոփեները և վերջը մում դիմեցին միջամտելու և  
խաղաղացնելու: Ի՞նչպէս վերաբերուեցան Հռոմայեցիներն  
և ի՞նչ հետեանք ունեցաւ: Ի՞նչ վիճակի մէջ էին իսրայէ-  
լացիներն Եղովմայեցի Հէղովդէսի ժամանակ և ի՞նչն էր  
Նրանց միջթարում: Ի՞նչ էին սպասում իսրայէլացիներից  
շատերը Մեսսիայից: Ի՞նչպէս էր կոչում իսրայէլացիների  
երկիրը Հռոմայեցիների տիրապետութեան ժամանակ և քա-  
նի մասերի էր բաժանուած: Կրօնական ի՞նչ հերձուածներ  
կային իսրայէլացիների մէջ և ի՞նչով էին զանազանուում  
միմեանցից, Փարիսեցիք, Սաղուկեցիք և Յեսսեանք:

III. Այս պատմութիւնից մենք սովորում ենք. 1) Թէ  
ի՞նչպէս իսրայէլացիները մեծ նեղութիւններով ձեռք բերած  
իրանց նոր թագաւորութիւնը չեն պահպանում: Գահի ժա-  
ռանգներն անմտաբար պատերազմում են միմեանց դէմ,  
Սկսում են կոփւներ, ներքին երկպառակութիւններ, որոնք ա-  
ռաջ են բերում ներքին տկարութիւն և թուլութիւն: Լինում  
է անմիաբանութիւն, հայրենի օրէնքներից անցնել, աղքա-  
տութիւն և բարոյական անկումն, որից յառաջանում է ժո-  
ղովրդի մէջ թշուառութիւն: Տխուր անցեալի յիշտակը

Նրանք մոռանալով և կամենալով վերջ տալ այս ողբալի  
գրութեանը՝ փոխանակ հրասթափուելու, անհետատեսու-  
թեամբ դիմում են օտարի միջամտութեան՝ իրանց երկիրը  
խաղաղացնելու նպատակով, որ ունենում է կորստաբեր հե-  
տեանք: 2) Հռոմայեցիները տէր են դառնում Հրէսստանին  
և վերջ տալի նրա անկախութեանը: Նրանք նշանակում են  
մի խիստ կառավարիչ՝ թագաւոր տիտղոսով, որի առաջին  
գործն է լինում՝ ծառալի Հռոմայեցիների նպատակներին,  
շահերին և իր իշխանութիւնը՝ ապահովելու համար վերջ է  
տալիս Մակաբայեցոց թագաւորութեան ժառանգներին: 3)  
Խորայէլացիների վիճակը շատ դառն, տխուր և անտանելի է  
լինում: Նրանց արած սխալը խորը խոցում է իրանց սիր-  
ուը և վրդովում, բայց ոչ մի ելք չեն գտնում: Նրանք ան-  
կախութեան, հռոմայեցիների ձեռքից ազատելու յոյսը կըտ-  
րել էին և չեին մտածում իրանք իրանց աշխատութեամբ,  
ջանքերով ձեռք բերելու, որովհետեւ հայրենասիրական զգաց-  
մունքը սառել էր նրանց մէջ, թուլամորթ էին դարձել և  
չէին կամենում զոհաբերութիւն անել: Նրանք թէ իրանց և թէ  
իրանց երկիր համար բարիբներ ուրիշց էին սպասում և միթ-  
արուում էին նրանով, թէ շուտով կգայ խոստացած Մեսսիան  
և կազատէ նրանց օտարի լծից, նեղութիւններից և կվերա-  
կանգնէ կրկին իսրայէլի թագաւորութիւնը: Բայց մոռանում  
էին, որ Փրկչի թագաւորութիւնը երկնային էր լինելու և  
ոչ երկրային: Նա պէտք է թագաւորէր մարդոց սրտերի վրայ  
և ոչ երկրների: 4) Իսրայէլի երկիրը, որ սկզբում կոչւում  
էր Քանանացոց, Խոստացեալ, Աւետեաց, Հրէսստան,  
իսրայէլացոց եւ Սուրբ Երկիր, նրա մի մասի բնակիչների,—  
Փղտացիների անունով ստանում է Պաղճստինա անուն և  
կառավարելու համար բաժանուում է չորս մասերի, որոնց  
համար նշանակուում են Հռոմայեցի կառավարիչներ: Տես-  
նում ենք իսրայէլացիների մէջ որպէս գերութեան դառն  
հետեանք՝ գոյութիւն են ստացել կրօնական հերձուածներ—  
բաժանումներ, որից առաջ են եկել ժողովրդի մէջ ատելու-  
թիւն, խովութիւն և կոփւներ՝ իրանց վնասակար հետեանք-  
ներով: Ահա այս ախտելով ժողովուրդն այնպէս բարոյապէս

ընկել, խեղճացել և հոգեպէս հիւանդացել էր, որ նրան բար-  
ւոքելու, բուժելու համար, անշուշտ կարիք էր զգացւում մի  
բժշկի, մտքերի ու սրտերի խաղարարարի և մի նոր լուսա-  
տու օրէնստուի, Որին նա—ժողովուրդը—որպէս փրկութեան  
միակ միջոցի՝ անհամբեր սպասում էր և Որը մարգարէների  
գուշակութեամբ պէտք է գար, երբ Յուդայի տանից թագա-  
ւորութիւնը վերջանար: Եւ ահա այդ արդէն կատարուած  
էր տեսնում: Այդ ազատիչը—խոստացեալ Փրկիչը՝ մեր Տէր  
Յիսուս Քրիստոսն էր, Որին վայելէ փառքյաւիտեանս. Ամէն:

### Բ Ո Վ Ա Ն Դ Ա Կ Ո Ւ Ի Թ Ի Ի Ն

Հին ուխտի սովոր պատմովիլիններ

Երես.

Յառաջաբան	3
1 Աշխարհիս տեղծագործութիւնը	5
2 Մարդու ստեղծագործութիւնը	6
3 Դրախտը և առաջին մարդոց կեանքը	8
4 Պատուիրանազանցութիւնը	9
5 Ադամի որդիքը	11
6 Զրհեղեղը	15
7 Բարելոնեան աշտարակաշինութիւնը	15
8 Աբրահամը տեղափոխում է քանանացոց երկիրը	18
9 Աբրահամը և Ղովտը բաժանուում են իրարից	20
10 Աբրահամը ազատում է զերիներին	22
11 Աստուծու խոստութիւն Աբրահամին	24
12 Իսահակի ծնունդը և զոհ բերելը	27
13 Իսահակի որդիքը և Յակոբի երազը	29
14 Յակոբի որդիթը	32
15 Յովսէփի փառքը	35
16 Յակոբի որդոց Եգիպտոս գնալը և Յակոբի տեղա- փոխութիւնը Եգիպտոս	38
17 Մովսէսի ծնունդը, կրթութիւնը, փախուստը և ան- կէզ մորենին	40
18 Զատիկ.—Եգիպտոսից գուրս գալը և Կարմիր ծովն անցնելը	45
19 Սինայի օրէնստուութիւնը.—Վկայութեան խորանը.	48
20 Իսրայէլացիները մտնում են Աւետեաց երկիրը.— Դատաւորներ.	51
21 Մաւոր թագաւորը	55
22 Դաւիթ թագաւորը	57

23 Սողոմոն թագաւորը . . . . .	61
24 Թագաւորութեան բաժանումը.—Իսրայէլեան թա-	
գաւորութեան վիճակը . . . . .	66
25 Յուդայի թագաւորութեան վիճակը . . . . .	70
26 Մարգարէները . . . . .	74
27 Բաբելոնեան գերութիւնը.—Դանիէլ մարգարէ . .	76
28 Իսրայէլացիների վիճակը պարսից իշխանութեան	
ժամանակ. —Եզր և Նէեմի . . . . .	80
շ9 Իսրայէլացիների վիճակը Մակեդոնացիների ժա-	
մանակ. —Մատաթիս . . . . .	63
30 Իսրայէլացիների վիճակը Հռոմայեցոց տիրապետու-	
թեան ժամանակ . . . . .	86



30694

Ա.Ց

204.

БИБЛИОТЕКА  
ИМ. МИХАИЛА  
ВОЛГЕДЕНИЯ  
Академии Наук  
СССР

APR  
613.

ՄԵՐ ԱՇԽԱՏԱՍԻՐՈՒԹԻՒՆԵՐԸ

1. Դասագիրք հայկ. ձայնագրութեան, գ. տպագրութիւն (սպառուած) . . . . . 60 կ.
2. Մանկական ձայնագրեալ երգարան ա. տպագրութիւն . . . . . 40 կ.
3. Ազգային ձայնագրեալ երգարան, ա. տպագրութիւն . . . . . 80 կ.
  

---

4. Դասագիրք կրօնի, ա. գրքոյկ 9-րդ տպագրութ. . . 20 կ.
5. Դասագիրք կրօնի, բ. գրքոյկ 6-րդ տպագրութ. . . 30 կ.
6. Դասագիրք կրօնի, գ. գրքոյկ 4-րդ տպագրութ. . . 30 կ.

Վաճառուում են Թիֆլիսի «Կենդրոնական և միւս գրավաճառանոցներում», և աշխատասիրողի մօա՝

Տիֆլիս, Протоіерею Езнику Еրзинկանъ

~~306~~

306

~~306~~

0026493

2013



